


邵武府續志

地 319.111
132
:1-4



邵武府續誌序



郭景純注山海經道元注水經以爲功矣猶恐其文之虛也吾人學古迄入官所見所聞恒期其實乃無負何爲箋拂飛濤使兔冊鴉塗遂稱芳帙鄭樵曰十二野天之綱

邵武府續誌序

一

執之不可以明天九州地之紀執之不可以明地蓋往轍多殊積流之日異也且古今郡縣繁矣陸文裕欲推而合禹貢之名以爲羣品之實不知離合遷變書成而跡已改更若唐之珠英宋之冊府非不

菟羅極博究竟言已然皆是而未
然者莫及夫未然之故行而愈遠
求其實而載之亦安有窮則無謂
洲節此名耳。藝衍此數耳。翔行草
樹此時叙耳。此地宜耳。卽方罨一
區動而愈出。激而生新。上協於星

垣下辨乎秣畝勢不能裁雲爲翳
采霞爲築有庭楸維隅者焉虞箴
曰各有攸處德用不擾有幽壇鬼
相者焉有鸞鳳之聲度司而下者
焉有臯比之設餘子所欽者焉有
大文三魯翰藻則樂大武三魯介

曹則榮者焉有嗚嗚者焉有岳岳者焉支氏逍遙說曰鵬之曠幾於外適鷓之笑幾於內觀有珍其餘則遺世懷貞者焉公孫贊曰行高冰潔操與霞整性揚蘭芳德振玉穎有妝簾雋烈諸閨仰止者焉矧

玉蓋之函書未敝畫梁之秘字猶存有空空釋部淵淵道流者焉有百務攸資者焉有榮光允塞者焉因其實求之未必今古世懸而今之所裁與古遂遠遜不及也若夫張華在晉漸往制於漢宮武平一

唐人耳於春秋世族清辨不少爽
是又在乎實有所稽而布之龍光
燕豫間何待司馬遵途殫力數十
年役耳目之變冒車馬之塵甫能
竣事一書也哉陶元亮曰余斯不
述後將何傳爰哀庶聞彙之芸篆

豈敢謂結綬入官遂優於學古或
曰蜀之無史爲丞相失嗟乎陰平
之潰劍閣橫烟此寡子美振災之
權彼無鄴侯定關之畧湮佚又曷
怪焉是故念美蹟之難追益寄思
乎來者

庚戌小陽朔樵川太守汪麗日
題於左署之清光亭中



凡例

一續志者紀此數十年之實也地方政事之由可考而知且見人才之重知所興起見民間疾痛之聲與夫長官必不可已之經權知所變通而博涉之名無取于此

一斯志適在嬗代之餘前朝文獻既難備求道途離瘼之所傳又恐不經是以寥寥行墨不無大端缺然而里中佳事但有當於名教之旨匪矜其奇雖

邵武府續志

凡例

一細必書他日採風之使取窮山剩籍可以覽而愍焉一武衛之制非必隔代而畧也雖美行芳蹟亦無從考矣因槩爲削去以

一國朝協鎮爲武功之始而武科仍之宗前志也一遵奉

上旨列女苦節五十年方許稱舉然豈無於今芳烈而未及其期者乎志載或不如此論惟義夫亦人之所難前此未經剔出將無謂藍橋小信僅

情愚因附一則

一邵武縣事實與府志無異光澤縣地不甚遙其事頗煩采取泰寧志久失而今修入府志者以府志年始建寧志成於嘉靖丙午今始再修而府志亦以續志之年爲斷其詳載本志者故不更錄乃各條分入各目之後庶由近而知遠由此而達彼不似烟嵐萬疊使遊於其際者茫然

一原目九十二條今依有事實者更列總目其空目

邵武府續志

凡例

二

亦存紀事之左右以便尚查前志且恐深壑遺美或得之傳人或聞之不意直增列本目之下爲至易也

一人往而論始定凡在任官例不宜書入志中以僞誛多而公直少也然據鄉紳函札士民公冊又難槩爲削去且此志既成後續必將數十年而斯時事跡未免烟雲飄渺矣故筆之其宜去宜存更待衆指非若伯起之爲魏史也

一即事從簡乃易就故不事弘開志館取辦紛紛惟於退食之餘借同人傳本辨定於香茗虛亭復因見聞之久博綜之慎者確商以存其真至於楮梨薄費槩匪下咨

一志公事也續志公心也公以始之遂羣起而公以成之取郵筒之所載因其原文一一加之裁定故自庚戌徂暑越明年而散者已合殊者已一如書冊之猶非其實者已斤削而不煩其或盛德幽藏

續志綱目

輿地志

沿革

疆域

山川

水利

風俗

建置志

城池

公署

官室等附

學校

武署

壇廟

驛舖

坊表

津梁

賦役志

丁糧

卹典

邵武府續志 目錄

一

官師志

府官

縣官

學官

雜職附

名宦列傳

戎備志

鎮防

守備附

武蹟

武科

秩禮志

祭先師生志

祭鄉賢

選舉志

鄉試

進士

貢士

雜途

鄉賓附

人物志

忠義

清修

仕蹟

孝友

儒林

文苑

隱逸

鄉行

附義夫

列女

遷寓

藝文志

經類

史類

奏議

記類

題咏

附序文

雜事志

寺觀

仙釋

附庵院

方技

祥異

邵武府續志

目錄

世談

邵武府續志姓氏

檄續

邵武府太守汪麗日

郡丞高舉

司農柳文標

彙輯

邵武縣知縣王公輔

光澤縣知縣王吉

邵武府續志姓氏

泰寧縣知縣洪濟

建寧縣知縣陳于達

邵武縣教諭陳嘉章

光澤縣訓導張之楚

泰寧縣訓導林國炫

建寧縣教諭林正昇

總裁

邵武府學教授王侯聘

邵武縣舉人吳迪化

黃金鉉

邵武拔貢候選通判朱宿

邵武貢候選州同知張孟玫

分纂

郟城知縣郡人馮可參

寶鷄知縣郡人黃士冕

邵武縣舉人吳震

邵武府續志姓氏

二

邵武縣貢生危衍盛

鄧上衮

邵武府學廩生謝光惠

縣學庠生金和

光澤縣貢生鄧夢禹

上官臨

光澤縣學廩生饒世道

泰寧縣貢生江應昌

泰寧縣學生庠雷民望

梁 峘

建寧縣貢生徐中恒

徐大儒

謝 晉

建寧縣學生廩謝國樞

陳大儀

校正

邵武府續志 姓氏

三

邵武府學生廩曾大楨

縣學生廩徐登東

光澤縣學生庠陳南贊

丘應箕

黃 縉

泰寧縣學生庠江鯤雲

蕭守聖

梁應發

建寧縣學庠生吳宮捷

布衣李嗣元

邵武府續志 姓氏

邵武續志檄

一方之志猶國之有史也即山水輿區不無可傳法
之人爲鑑戒之事或曰安得良史才奮其筆以爲光
而忽忽數十年漸移漸遠傳信傳疑久之十不得一
百不得一雖欲舉其人如無此人雖欲考其事如無
此事雖欲採其人其事於其地如無此地他日輜車
過而問焉茫茫塞嘿此有心之所嗟也余忝蒞邵陽
其羣峯傑出川流縈紆政簡矣民斯和時寧矣俗亦

邵武府續志

檄

一

靖間寓目而興懷感傳聞於前古及按舊志之起訖
去今已遠如光澤泰寧兩志則又湮失無稽牧斯土
者其將若之何是以思繼起之在人欲傳書而未已
然必不可少者述斯時之事而必不可更者有前此
之書其曰十綱曰九十目垂模範於有宋之世取典
則於壺公之墟事類秩然義言縷晰亦云備矣而立
詞工拙去取何從跡有僞真久難辨識則姑存之已
耳至於數十年中天家奠鼎與世更新此方介在閩

西或天行之不淑或人事之多愆或興一而害或革一而利或故老能談遺事乃限以衣冠遂缺佳論或宗牒猶存芳槩乃淪於卑族未獲崇褒或人之才德皆成終於芝蘭深谷顧在知希或事之拯濟良多時而託履雲霞翩然徑去或怪名可愕徒爾相忘或奇跡難堪異時乃白安得不彙而存之以近今之書爲考古之助仍其條目使觀者易爲解也然尤有言於此由裏立事不貴虛文首簡間些暫遲延請先商之

縉紳先生子於賢士以及碩抱幽人龐眉逸叟其有擇而錄者剖其隱緒詳其初終一一聞於縣或聞於學先後達之本署庶幾乎心衡列想見幽深鶴圃藥疇細加點校余猶不自秘也藁齊之日仍集同事訂核有一人然而衆人以其爲然則存之有衆人否而一人以其爲然則削之示以至公掣其鄙穢若夫倒置是非燔絜短長在涉筆時亦足窺其心矣與衆斥之夫後何辭雖然余之言切余之望則殊放也期於十日

以內通至各所欲言大業煌煌恃茲清暇
庚戌夏仲郡陽太守汪麗日筆

邵武府續志

太守汪麗日涵萬父纂著

輿地志

此境言牛女詳矣天遠難知不若地近可索然
圖刻而不易前之聞人咸具深心用先紀載路
史云彼亦一無窮此亦一無窮在今日唯考興
廢之端以為勸如將廢而待興久廢而初興者
所先及也且畧興廢之天時獨注興廢之人事

邵武府續志輿地

卷一

乙

確而後書筆不患簡襲靡以諛聞殆非所取續
輿地志

沿革

國朝順治叁年捌月貝勒寺統師由仙霞嶺入閩地
悉平仍設府轄縣如故

疆域

形勝分
野附

邵武勝景十有六今汪公增四景曰大瀉春泉北巖
古木詩話尋秋七臺晴雪詩俱載藝文題詠類

光澤縣勝景有八詩載舊志

泰寧縣勝景十有八其春江十詠杉陽八景詩俱載舊志

建寧縣勝景有八詩載舊志

里圖

山川

郡武金鰲峯即西塔爲郡治正脉前志云左靈泉右樵水界脉清而體尊貴時有無知盜葬及掘土成塹未

郡武府續志 輿地 卷一

二

免傷殘龍氣明崇禎丙子邑令金邦柱立碑禁止其碑文載藝文記類

萬松洲爲一郡水口自來蓄有松本蓋地形卑下有樹屏之則勢既高峻水口益見完固

光澤象牙峯乃縣治來脉也峯旁更二十四峯秀傑天半可謂奇觀但莽峭而少紆徐頗爲有識所嘆

西北有黃茅巖巖前有石鼓樓嶢嶢七重高下玲瓏自鼎新以來多爲盜藪順治拾年縣令邊公靖請之

當道設千總司於此居民獲安

邑西北流合黃源徐源之水滙爲杭川俗名大溪至烏洲與北溪合曰交溪直而迅轉賴諸灘縈回之勢泰寧縣治之鎮山曰鑪峯原自茶花嶺東行迤邐南來前納三水環繞四境杉易八景謂之鑪阜晴烟上有青雲閣今圯

水南一帶宜改之路有二宜培之峯有一學宮對二王棟上山一赤路最爲學宮忌湏另開一路下之禹邵武府續志輿地 卷一 三

嶺相傳舊道在溪旁不勞登陟而頂上古木參天毓合邑之秀故文事大振成化以後通嶺徃來人文遂替曷不循故道爲利乎其缺而宜培者巽位一峯耳學宮之來龍係辛脉作酉山卯向已驗之科名氣形家又言巽見辛脉文章最美之語江公日彩原可一記

維川之流曰大溪是爲東溪境內水此最大因以名焉源自邵武官尖山

建寧縣治西南曰青山山形峭拔林木蒼翠東門外曰東山又名何山峯頂有鳳鳴閣天啓五年邑令王公都以形家之說邑治與學宮於此地俱屬巽方宜得一高閣以聳發其秀於是捐俸鳩工閣成名曰鳳鳴俾諸生課文其中近來日侵月削八柱孤存矣稍南爲胡家山東北瀕溪曰平山俗名烏龜寨山形如龜其巔平坦可容百餘人賓興之歲邑人驗墜石之數爲得人之兆邑人聶芳有詩在藝文類

邵武府續志

輿地

卷一

四

川之大者曰濰江蓋古縣名綏城訛以綏爲濰其源東出金鏡山北稟百丈嶺又納寧化廣昌之委昔人詩有云岸分雲度三溪水風靜天涵一片秋云云

水利

導道并在東廡登雲橋右街半歲久淤塞 清順治十二年義民審正卿捐資修濬底面伐石圈砌通坊賴之

石規水詳載前志歲久淤塞崇禎丁丑令金邦柱重

濬邑人德之爲立祠規旁孝廉張能恭爲之記載
文記類

黎公堤濱紫雲溪起八角樓下至浮橋頭計亘半里
許崇禎時郡司理黎遵指築以護城故名

光澤之水大約分三大支二支西流江西數千里入
海一支東流邵武亦數千里入海凡近水之地水之
小者民作陂分水以溉田水之大者則否或疏小圳
以溉田然無大旱大浸之患以川遠而地峻也

邵武府續志

輿地

卷一

五

泰寧民居鑿井以資烹飪舊矣唯耕者在層崖疊磧
之側非有大澤巨藪可以分潤於田所以雖三代聖
人不能於此行井田之法而灌溉者多從山谷疏導
用規接引遞數里而至或桔槔揉竹木爲輪激之在
山其艱難如見也若乃儲不足洩有餘以補其不逮
則有陂

物產

風俗

邵人親炙紫陽有鄒魯遺風自明萬曆壬子賢書掄
解之後五十年來冠八閩者凡五人文風蔚起絃誦
益多

邵民力穡山田無貿易商賈諸利今趨於靡矣餽欲
厚宴欲豐且盛興茶會酣飲高歌晝夜不輟

鄉約之不申民輕生且或健訟郡守汪公廼輯善惡
邵武府續志 輿地 卷一 六

事類附以清律分注六諭之下顏其書曰與人為善
朔望集四民曉之由是作姦犯科者警焉

邵俗信鬼好佛以致妖僧狐道肆其煽惑一遇神誕
名曰傳經曰燒天香或婦女而着僧鞋或披剃而置
靜室男女雜暎羅拜不止今賴屢嚴禁諭庶幾少輯

邵境鄉城向有藩宵數十輩皆擁重貲列巨肆霸行
市每場揚適志陳鼓樂設盛筵與文史武弁結納甚
歡氣勢真炙手矣小民見之叩首捨地稱某老爺某

老爺因窘而借及尅剝俸筭無有窮包通市鎖游大
加鞭朴或家產既盡全屬克奴士民未敢正視孰從
聲其寃適汪公至絕不通一刺接盃酒核其恣橫之
尤列款蹟痛陳藩主與制撫諸臺允行大創積年之
害始甦

邵有毒草名斷腸入口而腸立斷愚民或糧差無措
或藩債莫償即服此草自盡俗之刀險者認屍居竒
妄告無辜抄劫殷懦此風煽害已久適汪公至遍示
邵武府續志 輿地 卷一 七

哀誨一有此事惟重處其家屬並兩隣地方不行救
止者且不准抵填今惡習漸除實挽回之力
邵之惡少強贅新孀往往屍骨未寒逼其婦易服改
妝即其室而處且喪偶慣娶活夫之妻即眼前翁姑
悲泣或兒女牽衣其夫忍心立筆亦有逼其夫為之
而即為之者不顧滅倫傷化也適汪公至詳呈院憲
一聞此則徹底根究每盡法重處迄今此風息而人

倫稍整

光澤勝國時習漸侈非復曩時淳朴而學術亦爲風會所移競尚六朝雕繪卽一二主持氣運之士確守理學遺風卒不見售迨定鼎以來地蕪人稀謀生不贍幸齒讓之風猶有存焉然產多賦重民多安貧守分祇營耕織不善事商賈市無酒肆茶館婦女無出遊府主汪公頒條約註釋教民興行風俗漸益淳矣酒席猶然簋二用缶爲恥縣令王公吉下車時卽以崇儉禁靡勸諭四民隨引西山果齋兩先生以爲証

邵武府續志

輿地

卷一

八

其一時翕然敦尚行誼者咸賴上人之作興云

泰寧

舊志云其俗纖儉其民少爲商賈耕織自給不事

浮華又云其地最僻不與四方商旅交故習俗淳厚又云有林泉魚稻之樂絃誦相聞五魁之地俗質尚義由今論之雖文物寢新共知講學明理而乘身毒之唾拾柱下之瀋以奸吾儒正誼動以才術昧其天良者蓋亦不乏明季萬曆迄崇禎數十年間科名鼎盛往往有臺閣貴宦而聲色壯麗百倍於前遂使衣

建置志

邵之規模遠矣然興廢之數天與人因焉而制度之間在創之不可已與守之不可變有融通之理增焉損焉若夫耗實以夸名娛上以戕下周所取焉念昔之為鎮為路而外其山以固圍內其學以作士而神所憑依文武所矜式以及郵亭靖治豈曰逢迎馳榜高題風宣奕世諒亦守者創者轍有攸合傳曰水涸而成梁史曰剡木為舟以濟不通况乎人民所聚徒嘆臨波則守之不可已又創之不可變也續建置志

城池

東門城樓崇禎十四年燬衛弁曹大器重建

順治五年山寇竊發與豫章叛卒相倚時臬司周亮工赴任經邵嬰陴固守命投誠紳衿黃甲葵丁人傑等增高環城堦口二尺

順治十六年令胡揚俊捐俸倡造城屋貳拾間仍率

通縣一百七十里合力蓋完

康熙五六年週圍城牆塚口漸次塌圯賴汪公率府廳縣捐俸加高三尺屹然壯觀

康熙七年縣令王建造週城炮臺肆拾貳座

亨泰坊九曲水滌洄學宮爲通城血脉年久壅塞於順治十三年太守劉玉佩捐銀伍拾兩並各樂助遴廩生謝光惠以首其事自西城水甕起至學宮內外三泮池及北城水甕止盡行開濬結砌其學宮費按

邵武府續志 建置 卷二 二

院成公性學道孔公自洙各捐銀伍拾兩自聖殿尊經閣明倫堂櫺門牌坊俱於是年修理其右坊圯毀於康熙八年太守汪公同司農柳公學師王侯聘各捐俸建成

康熙十年五月內連雨彌旬洪水漲溢據四隅鄉約馮自謙夏雲鳳等各報所崩之城統計數十丈城樓傾壞二所其民間屋宇田苗直如澤國縣令王公遍閱具詳在傾圯旣多而城池關係獨難延緩奈無額

款可以動用郡守汪公星夜報文仍檄鎮防廳縣於
本月十六日殫力興工將崩頽之處一一修築大工
既竣民乃安堵

光垣墉雉堞悉仍舊制而城西北隅濱水多爲漂圮
順治十二年縣令邊公靖築堤設埠增大四門城樓
樓監磚屏屏開小木門可以外視施炮稍稱壯偉康
熙五年間奉郡守汪公檄勸士民捐貲樂助加修城
堞縣令劉公祖向旬日之間鼓舞增修每堞增高五
邵武府續志建置 卷二 三

尺屹然笏列亦闔西一小區也忽康熙十年五月洪
水連旬漂蕩洶湧水門俱沒自北而西傾倒數百丈
根底磚石盡付波濤興工創修爲費不貲縣令王公
募匠築造如前

奉在昔無城遇警則各藏寨砦而已明嘉靖間始克
創建崇禎十一年汀寇竊發令袁公世芳加峻城堞
一級寇未窺境 清順治三年鼎革後四郊小腆蠢
動駐防弁曹公爾楷賀公逢聖魯公雲龍等設炮臺

數處守禦城賴以完十二年令王公譽命奉憲檄益
加完繕捐俸派丁銀若干重新修造加高五尺每垛
蓋以石版每間築以土床於衝要有鏡臺於探遠有
望樓週城飾以石灰池從北關一帶迴環至小西關
流下杉津直抵水口而去其西北無水之處皆濬為
池北城薄鑪頂山後一坑民鑿為塘以畜魚亦儼然
湯池耳天啓癸亥民衆於杉津橋下豎立一壩高二
丈許瀦水以緩其流雖惑於術家之論亦足以為固
地利豈非人和哉

秦邑葉家窠地勢較高抱主山之下關也小西門原
直向葉家窠開故窠內之水洄入小西門納於南門
街之溝中門雖順水不知下關更高復逆收其元神
水矣溝頗深水抵大南門合通邑之溝水出口此前
作法之善故邑內家給人足後人不識謂門順水

矣妄移玄壇廟以塞其門改向水南開窠內隨主龍
之血水遂溜至溪不得入城元氣既洩當年之生聚
不可得矣於今肯如舊制廟後之門迹猶存非難也
大南門放水之法傳自名師范越鳳因明天啓年間
建江御史坊表隊道毀焉致大街中每十年必有火
患後其坊亦燬順治十一年僉議修水路幸舊法并
圖猶有存者邑令王公譽命允其請始行修復而祝
融之患息

康熙十年五月內水勢泛漲街區成港大南門崩城
十五丈壞城屋二十一間小西門崩城七丈壞城十
間且疾風震雷飄城瓦數百餘間城鄉近水田苗蕩
成塗泥尤苦者大田一里既受本邑汎濫之患加以
建邑下流之衝如依口善溪雙坪浦溪池潭等坊村
山崩水滂各處橋梁水圳盡付逝波男婦被溺死傷
尤慘嗟茲耕耘方殷之時受此滂沱淹溺之患民其
魚乎將何以生縣令洪公念城垣重地生靈性命係

馬於水退時一面議設捐恤一面勸諭乘時墾種仍一面捐備率屬漏夜兼工先砌城基其餘瓦屋木料梁口及農工稍暇遂竭力修築完固

建寧謹按本邑因高為城中俱實地強半臨溪勢極易守惟拱辰門外左為獅子山又稍左為饒家山慶豐門外稍南為軟坳其山皆與城對峙可以窺城中且西門左右一帶內地峻而外無居民守者多怠有警則此宜嚴備

邵武府續志

建置

卷二

六

康熙十年五月初十日以後雨水橫溢茫無津涯凡啓聖祠演武廳淋漓傾側已不可支再如神廟民居田廬墳墓強半沒入泥中其居民溺死者有劉細長吳幸等至於鎮安聯雲二橋士民心殫力竭以求利濟頃皆覆之頽波且水勢浩浩不沒城頭僅一板德春門左扇推蕩無踪矣城之在在崩卸已近百丈從來水之為患未有甚於今日者縣令陳公典史王錫吉隨會鎮營吳守備李千總逐一細勘乃捐資募助

而城垣始獲修整災民賴以安居

公署

附官室樓閣
亭臺堂塔

布政司衙門順治五年圮基址尚存

武平道衙門順治肆年圮基址尚存

道衙門在府西魁善坊康熙陸年因兩道奉裁今十年新設巡道兼攝延建邵三府事汪公以按臨不時命縣增修以待駐蹕

邵武府治明崇禎年守李衷純修譙樓及大門甬

邵武府續志

建置

卷二

七

道各稍易向年守彭堦重修向仍舊清順治四年

守陳詰新正堂後堂及廊宇儀門康熙三年譙樓腐

甚賴汪公新之六年正堂柱簷潰亦汪公新易之

康熙七年間汪公重建師帥保釐二坊

常平倉圯廢已久郡守汪公於康熙八年即廢地創

建義倉一所於射圃前坐西向東糴穀五百石貯之

僚屬紳士樂助有差仍遵義士司其出入亦朱子社

倉法也庶凶年有備募疏載藝文類

於論樓卽今鐘樓在縣治東明崇禎甲戌年令金邦
柱建先是鐘樓在邵武縣明倫堂北跨九龍之脊號
卓金鎗以鎮南午郭惠娘鉗記備載前志辛未覆於
風始改建今所形家者言以復舊爲吉尚俟有識君
子

詩話樓在東城上卽古望江樓也又名三滴水樓宋
時邑人嚴滄浪常與客戴石屏說詩於此順治四年
丁亥方伯周公亮工駐邵登臨賦詩捐貲新之祠滄

邵武府續志建置

卷二

八

浪其中顏曰詩話郡人以周公有全城功因設公位
於左樹碑在焉康熙八年城守都司胡守金重葺
西北通津有萬年橋萬曆己酉洪水衝決而兩頭之
未圮者形勢岸然西建八角樓於上北建祖師堂於
上相望亦西北巨鎮

講堂在南隅常豐倉左清康熙八年閣郡士民爲司
農柳公新建

六虛亭在熙春山頂萬曆年間學道岳建今圯

秋聲亭在熙春山側元黃鎮成常游咏其上著有秋聲集二卷後人慕之因以名亭順治十一年郡司理何棟嗣建今圯

紫雲臺城西溪上舊構有亭久圯康熙年仍即其地重建形勢僅二丈餘而眼界甚寬且石床石壁皆若天成前志云納樵嵐之水又曰樵溪

金輪堂在南鄉三十七都山峯坪明萬曆四十七年善人吳應魁糾建

邵武府續志

建置

卷二

九

飛燕閣在城東三公橋南俗名燕子崖康熙八年僧人募建

新東塔於萬曆四十一年造自造之後逢子午年發解今木柱漸圯現議補修汪公墓序載藝文類

老東塔於己未年建造今改為兜率庵離城五里光泰建三縣載縣志

學校

郡學聖殿明倫堂啓聖祠汪公任初已經修治未幾

而雨漏風摧漸非其舊周圍垣墻圯而莽矣康熙七年汪公復手募疏諭教授王侯聘各捐俸整飾之右坊柱椽既敝亦屬其時鼎建

汪公重修募序載藝文類

邵武縣學康熙五年丙午十二月戟門災延及兩廡是歲郡守汪公命訓導周鼎重董修諸生出資共襄之并聖殿明倫堂重加建葺使戟門較舊制稍低得從殿際遙見前峯庶幾文章愈秀卓也嗣任縣令王公公輔復助銀伍拾兩以竣其事

邵武府續志

建置

卷二

十

邵武縣學明倫堂左空基一片周圍寬十有餘丈明鼎既遷垣頽地曠營兵踞種成圃康熙十年教諭舉人陳嘉章首事生員陳箕疇王在鎬符旭羅大綸趙聲遠等倡具公呈經徐總鎮嚴諭退還因於是地創建啓聖祠祠之上特立文昌閣規模一新允瞻仰焉

光澤縣學址前志已詳之矣沿清朝奠鼎以來戊子之歲江右守弁倡亂山寇響應躡我城邑延燬文廟厥後上臺加意招徠飛鴻稍集通庠弟子員類皆肘

見踵決安能倡興鼎建僅營小磚龕祀 先師於瓦
礫間蒙守道曾公延孔署府運副李公正茂各助銀
伍拾兩議規制焉又緣明季人文寥落叢議遷基遂
爾築舍盈庭迄無成效迨康熙四年貢生上官臨生
員黃縉龔名芳危樹美陳南賢黃申標丘應箕饒世
道等廿餘人議以原基先監明倫堂訂簿請之於郡
守汪公蒙屬文捐俸施田助學興工於康熙四年十
月內監造明倫堂棟宇一新五年間汪公以事按縣
邵武府續志 建置 卷二 十一
親詣其堂慰勉諸生以時事多艱 聖殿難就暫祀
先師於堂康熙九年三月本府教授王公侯聘攝庠
篆朔望與縣令劉公樞向拜謁 先師每病其陋各
捐俸倡首於十月內勸建兩廡爲左右翼適本府督
糧柳公文標來署縣事遂與諸生講學明倫堂以儀
門未建殊不冠冕即捐俸二十兩欲鼎新之嗣縣主
王公吉甫下車而謁 文廟誨諭諸生見其興工聿
振欣捐資伍拾金與學師張公之楚營畫相度丹堊

其龕若堂鋪砌其堦若墀有展拜之地矣

泰崇禎甲戌年諸生立一祠祀教諭雷用龍於學門

內之右北向鑑山學署三

西一東二

西為教諭衙齋因前

諭周之夔南宮捷去遂以地靈所鍾故就其地改創
文昌閣東署二一前一後舊俱為訓導衙齋今後署
改祀無名亦曰講堂獨前署如舊猶為學師齋舍而
居之焉 清順治甲午年令王譽命於西齋後魏監
一閣為尊經閣併飾殿宇諸門譽命有記在縣志中

邵武府續志 建置

卷二

十二

建縣儒學在縣治南百步萬曆三十年壬寅民居火
燬及聖宮先是聖宮後橫大街前逼湍流屢議遷入
礙於民居未果至是俱燬乃決遷以學田易丁姓地
以學右之地易吳地聖殿居左明倫堂居右既改之
後學中諸士輒罹災變論者謂聖廟過高賓山粗惡
方向弗宜且陰導黃泉水入泮池故諸士多夭折之
害天啓三年癸亥諸生僉名具呈於按院喬公蒙批
該縣酌議然而縣官新舊之交奉之猶豫未行至天

啓五年乙丑知縣王公都始決意與諸生集謀改創以謂舊向巳亥非吉宜照宋時基址改向癸丁以聖殿居右明倫堂居左建尊經閣於明倫堂後儀門外左爲教諭署殿門右爲訓導廡儀門外左折又爲訓導廡爲講堂爲土地祠祠前另建文昌閣倚城臨溪以昂青龍之首可謂周匝無遺矣但此十四餘年中歷經兵燹廟貌非故兩廡傾圮舊歲護廡之墻忽又頽倒康熙九年庚戌三月署縣本府通判柳公發緩若

邵武府續志

建置

卷二

十三

千買磚學師林公正昇協助糾工整葺完好

武署

國初設邵武衛守備千總經歷等員管理屯田餉務未幾奉裁屯餉歸縣徵解

總鎮府鼎革初即以邵武衛爲之順治十四年堂屋焚燬鎮將馬士秀重建

協鎮兵餉自設防以來每年先解肆縣銀貳萬陸千柒拾肆兩有零

邵原無營房所以兵民雜處康熙八年內總督劉有廣諮利弊之檄汪公詳允率廳縣官員紳衿里民擇閒空善地捐助創建計八百四十餘間以爲之居詳文附見○一兵住民房釁端易起則捐建營房之策宜亟行也查得文武協和兵民相安爲今日地方第一要務但邵郡城基褊小民居湫隘鼎革之初城民多避徙於四鄉兵馬突來悉入民房安插迨至寧靖之後城民思歸復業兵已占住力豈能祛只得隱忍

容留或一房而前後分居或分左右合處保無民甘魚肉兵肆刀俎者乎可怪彼時地方官不肯卽爲畫策後來城守將領惟願兵丁安便因循異視相沿至今甚而民間中冓難道關礙時聞以弱民與強兵同居勢若伴虎朝夕生長是大不便於民卽有守法之兵與弱民共棲終非嫻戚釁端易作又大不便於兵雖守令日加誥誡營將時申紀律能其顯而不能杜其微能懲其前而不能愆其後職晝夜籌思欲令兵

民兩便莫若查擇空地倡議捐貲另建營房撥兵分住以爲久安長便之計第締造經營爲力不易伏乞憲臺錫以明示允令會同協鎮議妥興建移撥此實安緝兵民之大要也奉 總督浙閩部院劉批如捐建營房之議從來兵住民房不惟鵲巢而鳩居民欲歸而無地且兵民共處強弱相雜誠有羊伴虎眠之勢則營房之建似難緩於旦夕者也惟是該府實駐之兵若干名應建之房若干間工料之資若干數詳邵武府續志 建置 卷二 十五

中尚未聲明該府仍會同協鎮通盤計算作何捐助詳細開呈 本部院察行可也

壇廟

府城隍廟康熙元年火僅存儀門守陳相文重建儀門外東增觀音堂西增三官殿自爲碑記

天啓元年邑令商公周祚以縣城隍附祀於府城隍未便於是用鄉之義士鄒文慶董其事鼎建於南隅之下水寨後商公巡撫福建以文慶賢而有功旌以

扁仍令歲時司其香火

新關帝廟在迎春坊大街順治甲午年遊府李元善
建侯佺重修殿宇

老關帝廟後廢荒殘司農柳公見而憫之隨請郡守
汪公軍廳高公各捐助重新

文昌祠在府學櫺星橋明崇禎十五年諸生徐世樵
楊翰危衍盛等首倡捐餼新建

邵公祠在亨泰坊儒學對門邵諱德久萬曆年間任
邵武府續志 建置 卷二 十六

邵武守居官清正士民塑像立祠春秋致祭及刊字
損壞郡守陳相文於康熙二年重新修理

崇愛祠在東隅鳳石坊大街原名報功祠順治六年
郡紳米嘉穗以臬司周亮工總鎮池鳳鳴守陳詰郡
丞洪秉銓司農葉培恕令趙之璉俱有全城功捐貲
倡建設主祀之

光泰建三縣載縣志

驛舖

邵武據前志凡三驛

樵川水馬在城東鐵冶街明嘉靖六年燬改建南隅下水寨萬曆十九年再燬清順治四年令趙之璉建於今所及後奉文併歸縣治其驛遂廢
杯墩馬驛萬曆年裁去改為公館

府前總舖東路八舖東北路五舖南路六舖西北路六舖通共二十六舖 更城外東廂三舖南廂八舖西關二舖北廂二舖入烟冊

邵武府續志

建置

卷二

十七

光澤據前志凡二驛

杉關馬驛順治十六年九月裁杭川水驛原在城西於順治十七年正月裁並歸縣治供應

縣前總舖東路二舖西路七舖通共十舖

泰寧無驛惟縣前總舖東路七舖西路四舖南路一舖通共十二舖

建寧無驛惟縣前總舖東路一舖南路四舖通共六

舖

論曰廬舍相環載之周禮監漶監濯尚稱盛制迨
煩務而民勞健督而力殫在今之世問前旌戾止
去跡留清者有之乎問掃廬以俟而一肩行使驅
車覆名者有之乎問風駕晨興所攬惟風俗所咨
惟疾苦不事他求者有之乎如其有之則霜橋月
店歡動居行將羽檄星輶有如雲之望矣嗟乎寒
谿供憶憫其遺者誰歟

坊表

邵武府續志

建置

卷二

十六

邵武自府前八坊起通共一百二十坊更有屏翰三
藩坊崇禎十三年守楊公汝翼爲分守嶺南道叅政
邑人陳之美建於鳳石坊右

歲月淹久兵燹頻加坊之存者蓋亦鮮矣然美名
也故不忍削而不傳

廣節坊清寧坊併爲廣寧坊福民坊中鎮坊併爲福
鎮坊

論曰立坊之意可知而併坊之意不可知雖然何

不可知求者因坊以爲斷應者咫尺而烟疎分之則不足合之則猶將絕而補焉以勉爲之也蓋坊不可併而名併也無如何也非初意也

光澤共三十一坊

恭寧十六坊科第十五坊更有待御坊在南門內天二年令朱仁成爲萬曆丁未進士江日彩立癸酉燬恩榮坊在縣前天啓五年令伍維屏爲萬曆丙辰進士都諫李春燁立通共三十三坊

邵武府續志

建置

卷二

十九

建寧共四十一坊

津梁

邵武橋合城內外都遠近通共一百二十八座

長虹橋舊爲長春橋在南石岐山下順治五年戊子寇警防將魯雲龍燒之以絕寇路自是行人病涉焉已亥七月郡守原公體蒙倡議創復未幾解任去未獲就功嗣此郡守汪公麗日與郡丞張公三異總鎮王公鋤率士民醵金竣其役凡七載而

而後落成仍循舊址爲梁一十五道屋一百一十四間廣二丈二尺延一百五十五丈原首事典史金啓位今募首義士寧正卿池騰紫朱象乾等有郡丞張公三異碑記

通泰橋在邑郊跨白渚溪爲郡泰通津順治四年燬於寇康熙六年丁未募衆重建

北關浮橋卽八景中北橋舂舂每爲洪流衝蕩破碎淪溺雖承橋之人多疎而嚴治無益郡守汪公邵武府續志建置卷二 二十
率縣令王公凡二次捐修欲民利涉康熙十年更水毀三舟隨復修補

渡共十八處

光澤橋共三十座

杭川橋於順治年間僧人募化重建固江閩往來之衝也杉陽司稅卽於纜口徵收

官渡四處私渡五處

泰寧橋共三十九座更治內橋藏於衢下而不露者

三座

官渡一處私渡一處

建寧橋共五十六座

論曰甚矣久其業之難也創者欲深喻乎守之心而守者或不及乎創之時他不具論即綏安二橋蓋亦可鑑曰鎮安橋在朝天門外跨河潭之上宋紹定元年建後圮元至正二十一年又建明洪武三十年燬永樂十八年又建址崇八尺屋如舊制

邵武府續志

建置

卷二

廿一

翼以欄楯正統二年圮隨募建更加崇廣嘉靖九年二壞圮二十三年又建萬曆三十八年燬天啓四年又建崇禎三年燬隨建隨圮崇禎十五年又建未獲就功清順治十八年又建康熙十年二壞圮曰聯雲橋在青雲嶺畔爲邑城下關謂得石梁架溪既濟通行且可聚一邑之氣萬曆四十一年建石址甫六濤傾其半天啓四年又建清順治四年半圮康熙七年募建僅成二墩未獲就功九年

郡判柳公捐俸五十兩付義士倡建十年衆期其成矣五月洪濤復三墩圮二橋之建知在何日乃由斯以觀成之遲不覺毀之速成之勞不覺毀之頻夫豈時非利歟地或堆出於岸而立基非善歟抑人事多乖苟利其貨者有諸塗飾之巧不勝浚削之工故易敗歟何以由來若是歟噫久其業之所以難也

渡共六處

邵武府續志

建置

卷二

廿

賦役志三

民之輸賦分何所辭及事而立一名以權之謂
恤私如公何不知謂急公而私之難非一如私
何已事而按其圖以索之謂煦下如上何不知
謂報上而下之匱既久如下何可歎不僅邵陽
之例覽邵陽之例固猶是莫已於歎也仁人君
子他端之待下已厚斯事可或薄歟抑存諸中
者不失其厚斯事亦未爲薄也於是實疏前則

邵武府續志

賦役

卷三

一

無廢後觀續賦役志

邵武府肆屬總目

戶口人戶叁萬玖千捌百陸拾陸戶

男子陸萬陸千貳百肆拾貳丁共徵銀壹萬貳千玖
百柒拾陸兩柒錢貳分

婦女伍萬柒千肆百壹拾壹口共徵銀玖百陸拾捌
兩壹錢捌分

官民田地池塘壹萬陸拾肆頃陸拾柒畝陸分共徵

銀陸萬陸千玖百肆拾貳兩伍錢柒分
本色米壹萬叁千捌百捌石陸升

起運存留錢糧載各縣志

外附徵寺租雜項稅共銀肆千肆百柒拾壹兩捌分

外紳衿吏承削免銀壹千陸百玖兩伍錢壹分歲有增減

外匠班銀貳百捌拾肆兩柒錢逐年徵解數目不同不在額糧數內

外杉關稅銀清增貳千伍百兩遞年徵解十分之六不在額糧數內

外本府額徵樽節克餉銀壹拾伍兩不在額糧數內

邵武府續志 賦役 卷三 二

康熙拾年增設延建邵巡道應供錢糧若干另載

已裁明季邵武衛

守備壹員 千總壹員 百總肆員 屯丁伍百壹

拾叁戶

屯田壹百捌拾玖頃陸拾伍畝捌分共徵銀貳千貳

拾叁兩玖錢叁分併邵光建叁縣徵解

本色米肆拾貳石壹斗陸升併邵光建叁縣徵解

邵武縣

丁糧

六口八戶貳萬壹百壹拾貳戶

男子參萬貳千參百柒拾丁共徵銀伍千參百陸拾玖兩零捌分

婦女貳萬肆千伍百貳拾口共徵銀肆百壹拾壹兩陸錢參分

官民田地塘肆千柒百柒拾頃陸拾伍畝貳分共徵銀貳萬捌千肆百參拾壹兩玖錢陸分

邵武府續志

賦役

卷三

三

以上丁口田地塘通共徵銀參萬肆千貳百壹拾貳兩陸錢柒分

起運各部正價并新增及派運水脚銀壹萬伍千肆百貳拾壹兩捌錢陸分

起運錢糧羽季解司例僉現年里長幫解所費不貲國初沿之偏累現役屢至消乏順治捌年司理何棟署縣事謀諸紳衿乃革僉解陋規惟照糧均派每民糧壹石輸水脚銀參分糧不盈伍石者并

免民以為便續增壹分陸釐又增壹分貳釐要視
解銀多寡為損益

上供顏料向俱折色解省自清順治拾叁年奉文
各直省顏料俱照單開採置本色物料解京上用
守劉玉佩令李居一以經費錢糧不足集紳衿里
老公議照糧樂助每民正糧壹石輸銀伍分捌釐
本年徵銀如數隨估物值路費給解官辦買入京
拾年縣尉金啓位回因稱蠟硃等件時價騰貴始

邵武府續志

賦役

卷三

四

議增銀貳分及

巡檢汪永

運增至壹錢零陸釐外令一

百七十箇現里各補幫貼銀貳兩較前額殆倍之
矣康熙柒年衆以物值已賤則增數宜除具呈府
郡守汪公縣令王公允與請酌減貳分陸釐計正
糧壹石只輸銀捌分其貳兩出現里者槩除之民
困少甦然郡邑地瘠民貧不事商賈比歲金主粟
死計田間收穫以納正賦不給重以樂輸得無億
乎俟後物價若低不累解官所當為民建議悉捐

者也

存留本省兵餉俸工驛站支發銀壹萬捌千柒百玖拾兩捌錢壹分

本色米玖千壹百壹拾貳石柒斗貳升

給省兵并本府鎮兵月米

秋糧米解省舊例僉點糧殷現里領解一切舡脚使費失水賠補等項悉責解戶中產立盡順治玖年壹百柒拾里僉控院司檄下司理何棟議確隨酌定官解民幫每秋糧米本色壹石貼水脚銀壹

邵武府續志

賦役

卷三

五

錢伍分著爲例民甚便之續奉文增解省米貳千石因議增水脚每本色米壹石加銀壹錢

萬曆肆拾陸柒捌年間派徵每畝玖釐共銀肆千肆百貳拾陸兩叁錢柒分

順治拾貳年奉文課鐵翎鰓螺殼牛角弦箭盛刀甲
胖襖照依田米加增銀叁千肆百壹拾壹兩貳分
順治拾叁年爲始顏料蠟茶照依田米加增銀貳百肆拾叁兩伍錢壹分

順治玖年拾叁陸年康熙元年節次奉文裁扣院
司道府廳縣薪蔬燭炭幃褥修宅家伙迎送傘扇各
役工食廩膳暨裁府照磨訓導驛丞衛官俸銀吏書
驛站賓興等項銀貳千壹百陸拾柒兩玖錢伍分仍
解部克餉

又歸併永安所屯田伍頃伍畝伍分共徵銀伍拾肆
兩柒錢肆分本色米肆拾貳石壹斗陸升

外紳衿吏承削免銀伍百伍拾捌兩玖錢陸分順治
邵武府續志 賦役 卷三 六

拾肆伍年爲始奉文裁扣解部克餉歲有增減

外匠班銀壹百叁拾叁兩貳錢徵解逐年數目不同
外附徵寺租酒稅本縣樽節紙贖等項克餉銀貳千
陸百肆拾貳兩玖錢伍分

光澤縣

丁糧

戶口八戶柒千貳百戶

男子原額壹萬壹千伍百肆拾玖丁 內除死亡缺

丁肆千陸百玖拾陸丁伍分無徵銀捌百叁拾貳兩伍錢玖分實在人丁陸千捌百伍拾貳丁伍分共徵銀壹千肆百壹拾兩陸錢壹分

婦女原額壹萬捌百伍拾玖口 內除死亡伍千壹百叁拾貳口無徵銀捌拾陸兩壹錢伍分實在婦女伍千柒百貳拾柒口共徵銀玖拾陸兩壹錢肆分

官民原額田地貳千零叁拾陸頃玖拾捌畝 內除荒蕪田地玖百伍拾肆頃肆拾柒畝無徵銀伍千玖

邵武府續志 賦役

卷三

七

百陸拾壹兩玖錢柒分實在田地壹千零捌拾貳頃伍拾畝共徵銀柒千壹百肆拾伍兩零玖分

以上丁口田地原額通共徵銀壹萬伍千伍百叁拾貳兩伍錢陸分內除荒蕪無徵銀陸千捌百捌拾兩柒錢壹分實徵銀捌千陸百伍拾壹兩捌錢肆分

起運各部正價并新增及派運水脚原額銀陸千貳百肆拾叁兩捌錢壹分 內除荒蕪免徵止照熟糧

徵解

存留本省兵餉俸工驛站支發原額銀貳千貳百捌拾捌兩柒錢伍分 內除荒蕪免徵止照熟糧徵解本色原額米肆千陸百玖拾伍石叁斗 內除荒蕪無徵米貳千壹拾柒石陸斗玖升實徵米貳千陸百柒拾柒石陸斗伍升

照萬曆肆拾陸柒捌年間派徵每畝玖釐共銀壹千捌百柒拾壹兩玖錢伍分

邵武府續志賦役 卷三

八

順治拾貳年奉文課鐵翎鏢螺殼牛角弦箭盔刀甲

胖襖照依田米加增銀壹千肆百肆拾貳兩伍錢肆分

順治拾叁年爲始顏料蠟茶照依田米加增銀壹百零貳兩玖錢捌分

順治玖年拾叁拾六年康熙元年節次奉文裁扣院司道府廳縣蔬薪燭炭幃褥修宅家伙迎送傘扇各役工食廩膳暨府照磨訓導縣丞驛丞衛官俸銀吏書工食驛站賓興等項銀壹千貳百伍拾肆兩貳錢

未分仍解部克餉

康熙貳年春季墾復一則民田貳拾頃柒拾叁畝肆分陸釐改毫應於伍年起科

康熙貳年冬季墾復一則民田壹百頃貳拾壹畝玖釐柒毫應於陸年起科

從來出財者田也出賦者人也光邑戊子以後人經死徙田土榛蕪及飛鴻漸集而無米難炊縣令即計畝而徵何由照數而納十餘年來所以官民

邵武府續志 賦役

卷三

九

交困况節有無長之費縣令邊靖痛悉民情具文上請未免官叅而事止一費也後縣徐起鵬亦從荒蕪起見遂有本邑貢生上官臨等赴省行控而多方斂貲僅付之巨壑又一費也下民思脫煩苦年年有言其時貪令趙之瑾索通邑豁荒之費以千計然後行事又一費也更所費者下情如達查勘即來坐索煩銷不可記載糧既荒而苦倍於熟矣適司府有漏報遷荒之檄光邑里民吳金五等

紳衿上官臨等公具呈詞內稱田荒糧累緣由呈
縣詳府郡守汪公看得光邑荒亡流離之苦自戊
子年來遭金王二寇屠戮再遭廣東巨寇張自誠
盤踞十有餘載村落盡焚百里無烟兩省官兵駐
劄會勦兵燹之餘繼以天災流行老幼淪亡田地
荒慘節經招撫流移僅增至十里仍存無主荒田
玖百伍拾肆頃餘有累熟包荒之苦欲責追督之
縣官縣官無民可追責之經承經承無家可賠若

責見在之孑遺重納恐哀鴻甫集而又見其流亡
矣事出萬難合無哀籲轉請復題蠲免以甦懸累
申詳藩司何公既痛切斯民覆加切實看語同福
安福寧崇安閩清晉江閩縣羅源等州縣衛所清
出漏報遷荒絕戶田畝彙詳兩院題蠲在案今而
後流離可復舊業可臻光之民有生氣矣

康熙捌年冬李內墾復官民田共柒拾貳頃叁拾玖
畝陸分應於拾壹年起科

又歸併邵武衛屯田壹拾陸頃柒畝柒分徵銀壹百柒拾叁兩叁錢玖分 內除荒蕪田柒頃貳拾捌畝陸分無徵銀柒拾玖兩陸錢叁分實在田捌頃柒拾玖畝共徵銀玖拾叁兩柒錢伍分 外紳衿吏承削免銀貳百壹拾玖兩肆錢順治拾肆伍年爲始奉文裁扣解部克餉歲有增減 外匠班銀肆拾捌兩徵解逐年數目不同 外附徵寺租酒稅鹽鉏板枋紙贖陞科等項克餉銀玖百叁拾柒兩壹錢叁分

光邑寺租一項除熟田應徵外雖曰瑞岩五寺計荒田肆拾玖頃伍拾捌畝每年該徵銀肆百叁拾陸兩有零其實通縣爲累汪公按缺額而稽其敝康熙肆年冬以漏報遷荒等事備細上聞其畧云查寺租一款實賦役民田之外附加徵餉前任縣令王廷佐徐起鵬開報荒糧只造民田正賦而寺租竟致遺漏至今荒額虛懸及後縣疊詳籲控始

得蒙恩題請茲奉駁查委係前令漏報並無朦混情弊伏乞憲臺軫念僧道逃亡與民一體邀恩特賜轉詳題覆庶殘黎生聚有日而荒地亦漸次開闢矣後奉題蠲於康熙伍年伍月內蒙院司檄下蠲免

附徵杉關稅額自萬曆年間每年徵銀柒百叁拾叁兩叁錢零天啓年間增至壹千叁百叁拾叁兩年間續增至貳千伍百兩本朝於順治柒年間開徵

邵武府續志

賦役

卷三

十二

照續增貳千伍百兩爲額其徵稅之官俱經藩司詳委各府縣首領佐貳等員至順治拾陸年奉文歸縣徵收自開徵以來委官十分完不及四縣令則俱經徵十分之六每年解壹千叁百餘兩其坐徵之處原在東關夫人廟今移於西關杭川橋頭

泰寧縣

丁糧

戶口人戶陸千捌百伍拾捌戶

男子壹萬壹千玖百陸拾柒丁共徵銀貳千貳百玖拾貳兩叁錢柒分

婦女壹萬叁千伍百玖拾捌口共徵銀貳百叁拾叁兩伍錢柒分

列爲伍拾貳屆其中或二姓朋爲一戶三姓朋爲一戶或帶管畸零阿戶十年一造

康熙元年本縣廖編審溢壹千玖百陸拾口實在壹萬伍千伍百伍拾捌口

邵武府續志

賦役

卷二

十三

官民田地壹千叁百捌頃零貳畝共徵銀壹萬壹千壹百壹拾玖兩貳錢玖分

以上丁口田地通共徵銀壹萬叁千陸百肆拾伍兩貳錢叁分

起運各部正價并新增及派運水脚銀肆千陸百零壹兩柒錢肆分

存留本省兵餉俸工驛站支發銀玖千零肆拾叁兩肆錢玖分

萬曆肆拾陸柒捌年間派徵每畝玖釐共銀壹千貳百肆拾叁兩肆錢

順治拾貳年奉文課鐵翎鰲螺殼牛角弦箭盔刀甲
胖襖照依田米加增銀玖百伍拾捌兩壹錢捌分
順治拾叁年爲始顏料蠟茶照依田米加增銀陸拾捌兩肆錢

順治玖年拾叁拾陸年康熙元年節次奉文裁扣院
府廳縣薪蔬菜幃褥修宅家伙迎送傘扇各役工食
邵武府續志 賦役 卷三 十四
廩膳暨吏書工食驛站賓興等項銀玖百貳拾陸兩壹錢仍解部克餉

外紳衿吏承削免銀肆百肆拾玖兩貳錢伍分順治
拾肆伍年爲始奉文裁扣解部克餉歲有增減
外匠班銀伍拾肆兩徵解逐年數目不同
外附徵寺租酒稅本縣樽節紙贖等項克餉銀伍百陸拾捌兩玖錢捌分

建寧縣

丁糧

戶口人戶伍千陸百玖拾陸戶

男子壹萬叁百伍拾陸丁共徵銀叁千零柒拾貳兩陸分

婦女捌千肆百叁拾肆口共徵銀壹百肆拾兩陸錢捌分

官民田地壹千玖百肆拾玖頃貳畝共徵銀壹萬肆千貳百捌拾肆兩貳錢陸分

邵武府續志

賦役

卷三

十五

以上丁口田地通共徵銀壹萬柒千肆百玖拾柒兩

起運各部正價并新增及派運水脚銀伍千伍百柒拾肆兩貳錢陸分

存留本省兵餉俸工驛站支發銀壹萬壹千玖百貳拾貳兩柒錢肆分

萬曆肆拾陸柒捌年間派徵每畝玖釐銀壹千捌百肆拾兩玖錢陸分

順治拾貳年奉文課鐵翎鰓螺殼牛角弦箭盔刀甲
胖襖照依田米加增銀壹千肆百壹拾捌兩柒錢
順治拾叁年爲始顏料蠟茶照依田米加增銀壹百
零壹兩貳錢柒分

順治玖年拾叁陸年康熙元年節次奉文裁扣院
司道府廳縣薪蔬燭炭幃褥修宅家伙迎送傘扇各
役工食廩膳暨照磨縣丞巡檢衛官俸銀吏書工食
驛站賓興等項銀壹千肆百貳拾貳兩柒錢壹分仍

邵武府續志賦役

卷三

十六

解部克餉

又歸併邵武永安衛所屯田壹百陸拾捌頃伍拾貳
畝伍分共徵銀壹千柒百玖拾伍兩捌錢

外紳衿吏承削免銀叁百捌拾壹兩玖錢順治拾肆
伍年爲始奉文裁扣克餉歲有增減

外匠班銀伍拾柒兩陸錢徵解逐年數目不同

外附徵寺租酒稅本縣樽節紙贖等項克餉銀叁百
貳拾貳兩零貳分

卹典

邵武縣存恤孤老夏冬衣布銀柒拾柒兩孤貧月糧銀壹百貳拾兩順治拾叁年奉文全裁於該縣贖穀預備倉糧內給布給糧

光澤縣存恤孤老夏冬衣布銀貳拾柒兩孤貧月糧銀壹百兩順治拾叁年奉文全裁於該縣贖穀預備倉糧內給布給糧

泰寧縣存恤孤老夏冬衣布銀叁拾兩孤貧月糧銀

邵武府續志

賦役

卷三

十七

柒拾肆兩貳錢陸釐貳毫肆微順治拾叁年奉文全裁於該縣贖穀預備倉糧內給布給糧

歷代皆有恤窮典宋曰居養元曰孤老明曰養濟
今 清朝不廢凡境內貧民病老月給米叁斗歲
夏布一疋冬布一疋死則棺一具泰所養之地宋
置於東門大巷右隅明天順間徙於城隍廟街外
成化間圯於水邑令范公遷於西郊社稷壇之東
地名驀湖更憫其汲之遠立一井於門前從壇之

左路達於義塚下畫地一片曰漏澤園爲其葬所
原房屋二十二楹天啓六年議鼎新建屋原屋基
後係雷響合族祖墳山遵奉按院姚守道茅府主
朱縣主伍以官基換響基丈量監界仍諭響族義
助房屋三十間工竣蒙按院扁旌尚義可嘉守道
扁旌以風好義立案勒碑據舊志曰泰之賑典貧
者或未養養者或非貧其有夫妻子孫者醉飽餘
資且爲債主置田產賑典之設其意當不如是亦
宜察而汰之謹而入之

建寧縣存恤孤老夏冬衣布銀貳拾伍兩孤貧月糧
銀捌拾貳兩順治拾叁年奉文全裁於該縣贖穀預
備倉糧內給布給糧

養濟院舊在縣治西畫錦坊明正德間縣令周公
必復徙建水南貞節坊側又有仁壽廬在縣東穴
寶祐間邑令廖買地一區創屋一十二間虛堂二
間厨廁各一所以待道路疾病又撥絕戶田



官師志 四



官之有制非第怙以名也蓋守與民近今尤近
臯比範士亦曰朝廷設爾師以及司馬司農而
下布列有位意取胥匡皆未易也魏公曰己之
為政是否固不可以自明後人得其行事而著
詳焉乃何以使人見而愛愛而傳感鏤石骨樹
影猶歌何以使人見而指指而志雖一日攬得
為之勢而百年無曲附之詞則榮固儼然而受

邵武府續志 官師 卷四

一

實可淵然而思至于名宦數人既著偉聲更詳
遠迹以為法焉以為戒焉其不容躐名以居又
何如邵雖一區取鑒不異續官師志

邵武府

明朝知府

阮自華

南京安慶府人

潘師道

湖廣興國州人

李衷純

浙江餘姚人

馬鳴寔 浙江平湖人萬曆四十五年任

王逢元 河南濰州人天啓七年任

鄒得魯 湖廣人崇禎十一年任

彭 塢 江西南昌人

楊汝翼 南京華亭人

吳文禘 浙江湖州府人崇禎十五年任

朱慈僉 江西建昌人

邵武府續志 官師 卷四

二

國朝知府

陳 喆 順治三年任順天人由國史院供奉

孟凌雲 直隸趙州人拔貢順治七年任

崔 昇 遼東籍滿州人貢士順治九年任

紀 耀 直隸清苑人由進士順治十一年任

劉玉佩 北直宛平人由保舉十二年任

原體蒙 山西陽城人由己卯副榜十四年任

王彥賓 遼東杏山人 壬辰進士 十八年任

陳祖文 浙江餘姚人 康熙元年任 即本府同

汪麗日 江南六安州人 由拔貢 康熙三年任

明朝同知

李五美 湖廣麻城人 舉人

黃朝英 貴州黎平人 舉人

楊定國 雲南大理府人 舉人

俞獻策 四川綿竹人 舉人

邵武府續志 官師 卷四 又二

王士瑞 浙江台州人 舉人

國朝同知

洪秉銓 浙江仁和人 由官生 順治三年任

李以楠 北直昌黎人 由貢生 順治九年任

祝賡 山東城武人 由恩貢 順治十年任

郭永靜 直隸臨寧人 由拔貢 十二年任

高舉 廣東潘陽人由筆

明朝通判

國朝通判

楊士昇 浙江仁和人由生員順治三年任 謝天龍 陝西漢中府沔縣人由貢監十年任

高之章 順天涿州人由拔貢順治十四年任 柳文標 江西德化人副榜貢監康熙四年任

明朝推官

邵武府續志 官師 卷四 三

歐陽克材 江西吉安人進士 劉紹光 廣西桂林人舉人

胡維元 江西瑞州人舉人 朱士景 江西吉安人舉人

王廷栢 南京松江人進士 張星炳 廣西人舉人

劉嘉賓 四川人舉人 闕正綱 河南汝寧人舉人

黎遵指 廣東人舉人 朱健 江西人舉人

國朝推官 康熙六年八月十一日奉文裁革員

翁聲業 浙江錢塘人由舉人順治三年任 郝紳翰 河南陽武人由進士順治六年任

何棟 江南長洲人丁亥進士順治八年任 陳適度 山西平陽府猗氏人進士十四年任

朱士景

江西吉安人舉人

王廷栢

南京松江人進士

張星炳

廣西人舉人

劉嘉賓

四川人舉人

關正綱

河南汝寧人舉人

黎遵指

廣東人舉人

朱健

江西人舉人

邵武府續志

官師

卷四

又二

國朝推官

康熙六年八月十一日奉文裁革員

翁聲業

浙江錢塘人由舉人順治三年任

郝翀翰

河南陽武人由進士順治六年任

何棟

江南長洲人丁亥進士順治八年任

陳適度

山西平陽府猗氏人進士順治十四年任

龔廷擢

陝西南鄭人由舉人順治十八年任

馬淑援

山西解州人由舉人康熙三年任

明朝經歷

王逢泰

江南人由貢生歷任三載陞江西益王府長

宋國章

江西人由貢生歷任四載

俞文清

江南人由貢生歷任三載陞湖廣按察司經

任方輿

陝西人由貢生歷任五載陞湖廣益陽縣知

濮陽紹禎

江南人由廩監歷任三載陞浙江按察司

蔣允昌

浙江人由廩監歷任五載陞江西布政司知

邵武府續志 官師

卷四

四

徐荀龍

浙江人由貢生歷任三載卒于任

國朝經歷

徐之錫

直隸人由監生歷任二載卒于任

王九吉

直隸人由吏部供事官歷伍載陞江南鳳陽

陳宗禹

浙江人由吏部辦事康熙三年閏六月初七

明朝照磨

夏之時

浙江人由監生歷任四載陞江西建昌衛經

邢祖尹

江南人由監生歷任四載陞陝西布政司照

洪而芳

江西人由監生歷任四載陞福建汀州衛經歷

扈立朝

山東人由監生歷任四載陞浙江杭州衛經歷

曹志寧

徽州人由舉人南陽縣知縣陞任五載陞雲南武定府推官

劉之澄

江西人由拔貢歷任三載陞山東青州蒙陰縣知縣

王三俊

浙江人由進士順天府推官陞任三載陞福建興化府推官官至福建巡海道

國朝照磨

楊則春

湖廣人由監生歷任三載卒于任

朱萬選

浙江人由吏員在任三載卒于任

邵武府續志

官師

卷四

五

許嗣祿

直隸人由吏員到任奉裁

明朝司獄

國朝司獄

翁世英

浙江金華府蘭谿人由吏員順治九年六月任

魏志成

陝西西安府華州人由吏員順治十二年九月任

雷起龍

湖廣岳州府巴陵人由吏員順治十六年九月任

張雲龍

陝西西安府華陰人由吏員十七年八月任

張森蘭

浙江紹興府餘姚人由吏員康熙元年九月任

明朝教授

國朝教授

周纘祖

江西臨江府新淦縣人由舉人順治三年九月任

楊春芳

福寧州寧德人由歲貢順治十年二月任

邵武府續志

官師

卷四

六

游光復

福州府候官人由選貢順治十一年十一月任

陳聖泰

福州府候官人乙未進士順治十五年三月任

王侯聘

福州府候官人由舉人康熙四年十一月任

明朝訓導

國朝訓導

順治十六年九月內奉文裁革一員
于康熙三年四月奉文全裁

武胤印

興化府平海衛人由恩貢順治八年十月任

潘正開 泉州府南安人由歲貢順治九年四月任

林日勳 延平府南平人由歲貢順治十一年正月任

林登鶴 泉州府安溪人由歲貢順治十五年五月任

邵武縣

明朝知縣

袁崇煥 何允中

車應泰 張應泰

趙林翹 金邦柱

邵武府續志 官師 卷四 七

馮良謨 王士瑞

熊兆行

國朝知縣

趙之璉 河南洛陽人由生員順治三年九月任

吳志遠 山東海豐籍直隸遷安人貢生五年十二月任

趙良士 直隸保定府新城人由舉人順治十年二月任

李居一 陝西鳳翔府岐山人由生員十一年十月任

胡揚俊 山西太原府交城人由丙戌進士十四年十月任

張 璣

任江西撫州府金谿人由進士康熙二年四月

王公輔

任四川劍州梓潼人由舉人康熙七年三月內

明朝縣丞

高繼隆

吳道極

廖學古

俞若虞

王美政

王之綬

唐文經

陳明玄

俞 清

邵武府續志

官師

卷四

八

國朝縣丞

張問明

任江寧籍徽州歙縣人由貢監順治三年九月

徐應星

常州府江陰人由選貢順治十年九月任

李裕棟

月任山西汾州府平遙人由拔貢順治十三年六

許胤昌

大名府長垣人由歲貢順治十六年六月任

王弘聲

任遼東遼陽人正紅旗下監生康熙元年七月

王來賓

順天府良鄉人由監生康熙八年八月任

明朝典史

姚文耀

王大煥

葉汝清

周之品

何棟

李治龍

柯奇芳

國朝典史

柴萬鍾

浙江仁和人由吏員順治三年任

金啓位

浙江會稽人由吏員順治十二年九月任

支丕揚

山西聞喜人由吏部供事十八年四月任

邵武府續志 官師

卷四

九

路楷

直隸宛平人由吏員康熙二年十一月任

明朝教諭

王敦仁

夏景明

王汝梅

湯從學

陳晶奎

范廷鑑

俞有益

國朝教諭

楊九鼎

浙江仁和人由貢生順治三年九月任

洪亨衢

福建泉州人由舉人順治六年十一月任

吳鼎震

福建晉江人由舉人順治十一年正月任

陳嘉章

福建安溪人由舉人康熙五年十二月任

明朝訓導

陳傑

黃明袞

黃燠

袁國瑞

熊文璨

方一鶚

羅炳

楊裔選

邵武府續志 官紳

卷四

十

范名修

吳明經

國朝訓導

康熙四年四月內奉文裁革

林新開

福建詔安人由貢生順治九年四月

周鼎重

福建吉田人由貢生順治十五年二月任

明朝水口司巡檢

國朝水口司巡檢

楊永昌

浙江寧波象山人由儒士順治九年任

范鳳冲

浙江寧波人由吏員順治十二年任

張化德

陝西西安人由吏員順治十五年任

明朝樵川驛丞

國朝樵川驛丞

于順治十七年正月奉文裁缺

張星燦

順天大興人由吏員順治九年任

邵武府續志

官師

卷四

十一

明朝拿口驛丞

國朝拿口驛丞

何夢易

湖廣岳州府人由吏員順治九年任

陳華

浙江紹興人由吏員於順治十三年任

傅友禎

浙江紹興人由吏員於順治十六年任

孟啓運

陝西西安人由吏員於康熙六年任

光澤縣

明朝知縣

程佳相

人由舉人萬曆年任

翁應祥

江南人由舉人萬曆年任

殷聘之

北直人由舉人天啓年任

許用卿

江南吳縣人由舉人崇禎年任

湯一統

江南蕪湖人由舉人崇禎年任

謝士經

廣東人由舉人崇禎年任

邵武府續志 官師

卷四

十二

俞震華

江西安豐人由進士崇禎年任

王道焜

浙江人由舉人崇禎年任

徐州彥

四川巴縣人由舉人崇禎年任

李棟隆

江南人由舉人崇禎年任

謝申之

湖廣人由舉人崇禎年任

國朝知縣

林宸謨

江南人由貢生順治年任

屈上

陝西蒲城人由貢士順治年任

高 爽

山東武城人由進士順治九年任

姚宸中

江南太平府人由恩貢順治十年任

邊 靖

順天大興人由鑲藍旗教習貢生十二年八月任

王廷佐

陝西西安府人由舉人順治十六年任

徐起鵬

陝西寧夏衛人由貢監順治十八年任

朱 經

江西吉安府人由歲貢康熙二年任

趙之瑾

遼東瀋陽人由正紅旗下廕生康熙三年任

劉祖向

河南開封府人由進士康熙六年任

邵武府續志

官師

卷四

十三

王 吉

江西安福人由進士康熙九年十一月任

明朝縣丞

國朝縣丞

于順治十六年九月奉文裁缺

張懋賢

江南松江府人由貢士順治三年十月任

李榮春

浙江杭州人由吏員順治六年任

牛成龍

山西平陽府人由歲貢順治十一年任

明朝典史

國朝典史

聶霖 順天大興人由內院供事官順治九年九月

李友逢 順天大興人由吏員順治十四年十月任

胡時新 浙江杭州人由吏員順治十六年六月任

高鎮岐 直隸深州衡水人由吏員康熙元年九月任

邵武府續志 官師 卷四 十四

馮端倪 浙江仁和人由吏員康熙七年六月任

明朝教諭

徐來熙 漳州人由舉人任 陞衡州推官

陳樾 泉州人由舉人任

歐陽一夔 泉州人由貢士任

陳慶貽 泉州人由貢士任

余煌 清流人由貢士任

黃應朋 泉州人由貢士任 記名宦

羅天與

福州人由貢七任

國朝教諭

于康熙四年六月奉文裁缺

吳之京

浙江錢塘人由恩貢順治三年十月任

詹士輝

福建長樂人由舉人順治六年十月任

黃中燦

福建南安人由恩貢順治十二年三月任

林逢震

福建晉江人由恩貢任

蘇文濬

泉州晉江人由舉人順治十八年任

明朝訓導

邵武府續志

官師

卷四

十五

陳所聞

陳九式

陳秉粹

建寧浦城人

李燧

汀州連城人

唐振堯

興化莆田人

雷同升

汀州清流人

國朝訓導

康天陞

興化莆田人由歲貢順治九年任

傅廷颺

漳州漳平人由歲貢順治十五年十月任

歐機

福州候官人由歲貢康熙五年任

張之楚

福建平和人由歲貢康熙九年十月任

明朝大寺寨巡檢司

國朝大寺寨巡檢司

汪永 浙江會稽人由吏員順治十三年六月任

王忠陞 浙江會稽人由吏員康熙七年六月任

明朝杭川驛驛丞

邵武府續志 官師 卷四 十六

國朝杭川驛驛丞 于順治十七年正月內奉文裁缺

金聘良 浙江會稽人順治九年九月任

明朝杉關驛驛丞

國朝杉關驛驛丞 于順治十六年九月內奉文裁缺

張愨 陝西富平人由吏員順治十三年五月任

王之燧 陝西咸寧人由吏員順治十六年七月任

泰寧縣

明朝知縣

吳伯升 江南武進人萬曆四十六年任有宦蹟

朱仁臣 浙江錢塘人由舉人天啓二年任

伍維屏 陝西人舉人天啓五年任

徐尚達 烏程人由舉人天啓七年任

黃大春 江西豐城人由歲貢崇禎三年任

邵武府續志 官師 卷四 十七

袁世芳 湖廣武昌人由恩貢崇禎六年任

李雲慶 蕪縣人由舉人于崇禎十年任

鄒守常 豐城人由進士乙酉年任

吳祥傑 四川人歲貢丙戌年任

國朝知縣

許文胄 直隸東安人由恩貢順治三年九月任

吳兆 江西建昌人由舉人順治四年任

王秉直 陝西南鄭人由進士順治五年五月任

王譽命

工南上元人由恩貢順治八年閏二月任

廖有恒

四川瀘川州人由舉人順治十七年八月任

洪濟

江南無為州巢縣人由進士康熙八年十一月任

明朝典史

國朝典史

王之輔

浙江錢塘人由吏員順治三年九月任

邵武府續志

官師

卷四

十八

王朝聘

北京人順治五年任

繆維廷

浙江山陰人由吏員順治九年七月任

王政

順天大興人由吏員順治十三年任

張正佺

順天府人由吏員順治十六年七月任

張士偉

浙江會稽人由吏員康熙五年十二月任

明朝教諭

周之夔

開縣人舉人崇禎元年任

韓之慶

浙江人由歲貢崇禎五年任

雷用龍

清流人歲貢崇禎六年任

劉大奎

福州候官人由歲貢崇禎八年任

吳明俊

南平人由歲貢崇禎十一年任

方鴻俊

莆田人由歲貢崇禎十二年任

林萃祉

漳浦人舉人崇禎十三年任

蔡驥

福清人舉人崇禎十七年任

國朝教諭

馬瑞徵

浙江錢塘人由選貢順治三年九月任

邵武府續志

官師

卷四

十九

裴士諒

清流人順治八年委署

黃日昇

福建晉江人由舉人順治九年十二月任

明朝訓導

莊毓序

泉州人歲貢崇禎二年任

孫珽

人歲貢崇禎三年任

史一中

泉州人歲貢崇禎五年任

陳大觀

馮陽人由歲貢崇禎九年任

呂繼祖

融縣人由歲貢崇禎十四年任

鄧 焮 閩縣人由歲貢崇禎十七年任

國朝訓導

伍必昌 清流人順治七年委署

盧日新 福建永定人由歲貢順治九年三月任

尤 俊 福建晉江人由歲貢順治十四年十二月任

魏再韓 福建莆田人由歲貢

林國炫 福清人由歲貢康熙六年九月任

建寧縣

邵武府續 官師

卷四

二十

明朝知縣

胡士龍 承天人由舉人萬曆四十三年任

金應諫 浙江人由舉人天啓元年任

倪成章 產川人由進士天啓二年任

王 都 江南金壇人由進士天啓三年任

鄭爾說 江西上饒人由進士崇禎元年任

左光先 桐城人由舉人崇禎十七年任

國朝知縣

言麒生

浙江仁和人由選貢順治三年九月任

楊宏功

湖廣棗陽人由隨營生員順治五年九月任

傅元弼

遼東東寧衛人由國學生員順治六年十一月任

温光涵

山西太原人由生員順治九年十月任

袁植

陝西鳳翔人由貢監順治十七年七月任

陳子遠

湖廣岳州府臨湘人由進士康熙九年六月任

明朝縣丞

祝錫禎

浙江龍游人四十五年任

邵武府續志

官師

卷四

廿一

邢天澤

戴懋忠

茹遂梁

蘄州人由選貢崇禎七年任

顧之璞

南通州人由選貢崇禎十一年任

徐落璉

國朝縣丞

于順治十六年九月奉文裁缺

徐賡時

浙江永康人由選貢順治三年十月任

陳國樞

浙江山陰人由吏員順治七年二月任

明朝典史

施其學

王子誥

國朝典史

鄭文謨 江南廣州人由吏員順治三年十月任

陳旭瑞 浙江於潛人由吏員順治七年二月任

張文鼎 浙江會稽人由吏員順治十三年正月任

王錫吉 浙江金華人由吏員順治十八年二月任

明朝教諭

黃鼎之 閩縣人由舉人萬曆四十七年任

陳國楨 南平人由舉人天啓四年任

邵武府續志 官師 卷四 廿二

鄭繼垣 莆田人崇禎四年任

王叔穎 侯官人由舉人崇禎八年任

唐如臯 閩縣人由舉人崇禎十三年任

胡宗熹 汀州人崇禎十五年任

沈貴仁 江西人

張思慎

陳士章 松溪人崇禎十七年任

國朝教諭

孫之芳 浙江仁和人由拔貢順治三年十月任

石砥中 龍溪人由舉人順治六年十二月任

張可仰 福州侯官人由戊子舉人順治十年七月任

林正昇 福州長樂人由舉人康熙四年十二月任

明朝訓導

王汝楫 雲南人萬曆四十一年任

林有麟 天啓五年任

顧綬 雲南人天啓六年任

邵武府續志 官師

卷四

廿三

譚如桂 臨江人天啓六年任

孔明葩 台州人天啓七年任

劉自堅 長汀人崇禎三年任

余應雲 廣東人

葉鳴鷗 泉州人

詹縉翰 泉州人

國朝訓導 于康熙二年四月奉文議裁員缺

沈期揚 連城人順治九年任

方尚來 永春人順治十五年任

明朝西安巡檢司

國朝西安巡檢司

于順治十六年九月奉文裁缺

朱國良 江南上元人由吏員順治十二年十一月任

黃明弼 陝西耀州人由吏員順治十五年九月任

名宦列傳

邵武府續志 官師

卷四

廿四

魯史萬曆甲辰義經第一浙江餘姚縣人知邵武府事文名噪海內及涖樵城猶不得盡展其才日與僚屬酌酒賦詩笑傲煙霞流連風雅而翰墨尤適逸精絕僉稱為風流太守有蘇長公之風焉然雖適情詩酒而剖決庶務明斷如神庭無滯牘誠一代救時良牧也

潘師道萬曆癸丑進士湖廣興國州人任知府嚴明風厲笑比河清令行禁止人不敢欺最嚴私宰之禁

犯者必寘之法關節不通訟獄不滯剖決如流入咸服其神明旋以卓異調繁福州府士民扳卧號泣如失慈母焉

阮自華懷寧人萬曆戊戌進士為人記誦博奧行事每跌宕疎放晚年蒞邵郡暇時賓客滿堂酒酣則分簡賦詩古風樂府自比李于鱗又遨遊山水間興至作草書數十幅不倦於學校中多培植之澤有詩載題咏類

邵武府續志

官師

卷四

廿五

王逢元河南濰州進士天啓二年任府事潔已愛民禮賢飭蠹其美行善政見之諸學祀牒爲多府學公呈畧云冰蘖持躬金玉砥節當物利極盛之時務崇儉約即民庶承休之日尤切撫綏材方新試口碑已播三山任末期年綸命遂調瀛海邵武縣呈畧云優士崇文宮墻荷澤釐奸剔弊民庶興歌光澤呈畧云教養兼隆仁惠丕著推理學以課士木愷和以牧民泰寧呈畧云治郡如家捐俸以葺城務教士如子廣

額以剡真才創立義倉大興水利至于詮詩刊布羽翼
巽邑經道源日濬理部重開建寧呈畧云簪纓世族
望重中州甲第才名政優樵水建與梁而新學校嚴
胥吏而勸農桑其奉調時遮道攀留爲立祠于尊經
閣後蓋功德在人久而不忘于康熙九年四月內五
學僉請上文設主八名宦祠

鄒得魯湖廣人知邵武府事秉性剛毅衙後舞文弄
法者立斃杖下關節不通正已率屬四邑官吏皆憚
之一時政府肅清

邵武府續志

官師

卷四

廿六

楊汝翼華亭人崇禎十四年任府事寬厚長者冰蘖
自持作興學校時勤季課卒于官士民吊者日以千
計爲立祠于東門城內
清陳詰直隸人順治三年任府事廉正有守鼎革初
協和文武招徠多方獄訟平反悉愜人情有全城功
郡人德之

紀耀北直人知府事儀度端楷爲政持大體寬而有

制暮月丁內艱去人以任汝爲憾
原體蒙山西澤州人順治十四年任府事廉靜寡欲
左右不得關其說訟簡刑輕所服氈衣自入樵至去
官不易退食後惟參究性理學庸諸書推官陳適度
與公同鄉道義相契及原公因縱囚兵變累陳公同
貶陳亦無怨言既去人多思之

邵武府續志

官師

卷四

十八

陳主謨廣東人崇禎十六年任通判英敏有為邵俗

喜服毒圖賴人有告某服毒者公云吾能醫即命駕
至其門呼服毒者出至通衢公令以糞灌之使其嘔
而復灌如是者數四其人哀懇云毒已盡出公命枷
之朱書服毒圖賴每五日令遊四門至一月去枷重
責三十然後召二比而讞其曲直自公在邵三年無
敢服毒者

朱士景吉安人崇禎七年任邵司李力持風采悉心興革先是邵糧廳每年于值役糧里中檄縣僉殷里八人以充斗級其終歲本衙門支應各費盡屬斗級常至破家縣令僉點時藉此為苞苴數通邑苦之公請于上不許僉里歲設工食若干募人承役只司收出槩量一切支應盡行禁革合郡歡呼又于操場旁設義塚窀屋凡無主骸柩歲收安厝至今賴之何棟江南崇明人順治七年任推官精敏有為先是

邵糧廳每歲解米邵武縣每歲解餉赴省僉股里領
解書吏因緣為奸多黠富戶賄脫者金以百十計力
不能免者乃應役上下需索中途舟損至省收兌留
難銷筭耗費至數百金鬻產舍賣妻孥至不能償因
而自盡者屈指可數公惻然憫之為力請于上議本
倉米每一石公助水脚銀一錢五分縣餉每糧一石
公助水脚三分存貯公帑官收吏解並不干預里長
永著為例民獲蘇息萬姓歡呼後因解米及銀皆逾
所解若干以為損益

龔廷擢陝西人康熙二年任司李秉正疾邪嚴飭四
邑衙蠹凡被害赴愬者必為申理蠹役悉加重刑四
邑狐鼠為之屏息公卒于官民咸哀之繼公任者馬
淑援號潤庵肅清蠹役四邑力胥聞公名皆為股栗
吳姓萬曆癸丑進士江南揚州府興化縣人知邵武
縣事詔年科甲俊爽英明催科斷訟迄如老吏無微

弗燭人不可干以私旋以卓異調繁泉州府晉江縣
所歷皆顯宦以故卜終士民至今思之
袁崇煥天啓元年知邵武縣事明決有膽畧悉心愛
民申寃理枉善于聽訟無微不燭趨捷有力為民救
火着靴上屋走巖墻如履平地散救火之券賑被火
之民井井有方後以邊才特用

念邦柱蘇州人崇禎九年知邵武縣事慈愷厚重清
慎有為凡輿梁道路公悉心修建縣學泮池舊作石

邵武府續志

官師

卷四

三

視于南郊接水入城至學因無守視役夫為田圃家
截去公乃于去水處置石閘視其盈洩募人司之魏
鄉紳助田三十石贍其後城中自是源源不竭通庫
為建祠立碑于水視之旁丙子大饑公捐俸煮粥於
寶嚴寺日活千人躬詣各鄉勸糶時富戶閉糶公多
方開諭皆為出糶有不從者懲以法仍計家口所需
若干外餘悉照價勻買道遇饑民解金贖之全活甚
衆溺女私宰及錮女使不嫁者皆有禁任兩考士民

愛之爲立祠宇于鍾樓前又建石亭于長虹橋左
塑像設座者不可勝紀

趙之璉河南洛陽人順治三年隨征入閩授邵武縣
令璉本從軍起家不事毛錐然遇事機敏尤恤民
有受兵虐者赴愬必爲理之會山寇蠡起與江右叛
帥結爲聲援寇數萬屢薄城下駐防官兵不滿二千
人外援弗至勢危甚璉簡閱城內外壯丁得二千有
奇試其有勇藝者俾爲長部署如兵法璉親冒矢石

邵武府續志

官師

卷四

卅三

率之擊賊所向無不披靡城賴以全邑人樹碑四城
之圍以彰其績尋以他事挂議落職上臺知其能委
署南平尤溪沙縣三邑皆有政聲後返卒于樵老幼
咸爲墮淚

林登鶴泉州人順治十七年任府學訓導端方愷悌
閉戶讀書足不越宮牆一武訓誨生徒終日不倦捐
俸修學貧者濟之月課校文無間寒暑任樵八載不
索蕭然

邵武府續志

官師

卷四

卅四

携宅券主僕二人破屋二間怡然自得奉裁去官行
周鼎重古田人順治十五年任邵武縣訓導醇謹有
守誠一不欺接士以禮時學宮傾圮功費浩大前此
屢議建修迄無成功公與黃生金鉉力肩其事躬請
生徒門多方勸諭士感其誠皆爲踴躍工作大興不
數月聖殿戟門櫺門以及廊廡遂成巨觀乙巳冬倡
議至丙午夏告成人咸頌明季及清爲師範首

光澤縣

教諭黃應朋由泉州貢士守己以正必擇言而後言必擇行而後行毫不苟以私而與諸士交有微善則進之有微不善則婉以喻之曲以導之務期其化而後已蓋大端取諸孝弟不在乎聲華靡侈之儀至于文課則尤勤勵于經術其他支言邪說槩欲刪絕常自持風氣之先不爲風氣所奪爾時士習故大振也

崇禎十四年
舉祀名宦

邵武府續志

官師

卷四

廿五

泰寧縣

吳伯升武進人萬曆末由舉人任邑性勃而和易質廉而仁厚百費俱捐一水自勵時邑中士夫顯要居多凡平民有訟必直剖得失不爲情奪故卑賤皆得以申其志一時肅然毋敢有越其幅者民有隱曲善慰以遣問有不法不輕加重刑當歲先明德行以報學憲深爲貧士優恤獨以介節不屈勢力難撼關索當道擠之去位去之日士民遮道餞送及關外有三

富民感恩者持金數百贈遺于道伯升曰我子孫後日賢何藉于此如其不賢受此無益謝之以義民為泣下而別迄今惠聲籍籍

徐尚達烏程人由

萬曆間任邑入祀牒云學識

醇明文章淹雅歷官三載傳聞桃李春熙著績千秋想見析楊日卧吏驚神令民誦慈君聲播越南懿政可垂於奕世芳留閩土惠澤未泯於人心父老嘖嘖能言樹德之碑士子殷殷猶重愛棠之蔭象德歌功

邵武府續志

官師

卷四

卅六

無慚俎豆傳貽清白何忝馨香清順治十一年學憲孔行祀名宦

王秉直南鄭人順治間由進士任邑真率寬裕接人應物和風藹然當兵馬交馳之際軍儲委任得人不至乏絕尤念文風士習常進諸士媿媿不倦以挽之蓋父母之豈弟者也

王譽命上元人順治間由貢任邑精敏有為勤于政治修理學宮公署加築城垣鼎勦三橋不惜心力捐

緩贖以舉事防兵駐扎城內民恒以擾害告譽命萊
間為謀損貲撤去亦殊功也常以賦役不平深為民
慮當大造誓神均役後為有力所撓居十載以憂遷
鄉勇護送江西界外或曰其才處常濟變綽綽不乏

建寧縣

本府同知蘇萬傑浙江餘姚人由舉人萬曆四十七
年來視縣事敏練寬明擒巨盜剔夙蠹民心大服移
攝福寧海防後復來署縣民愈悅累官至雲南叅政
倪成章潼川州人已未進士天啓二年任清慈寬厚

未及一年以丁憂去後拜南臺御史歷尚寶司卿
溫光涵山西清源人順治九年任爲人深沉簡重嘖
笑不苟適丁海上用兵督府羽書星馳種種嚴括公
初時力陳地方殘破情形爲民請命既不獲已乃始
設法派徵或效役或輸銀務使貧富均便勞逸不偏
至若兩造平反克詳克慎從未有濫入之刑安撫之
功如公謂僅見矣順治十五年十一月生員廖煥帶
家僮往城外書館忽遇醉兵黃明者前而執其僮曰

邵武府續志

官師

卷四

廿八

此我家人也煥駭愕爭辯遂兩相關毆挾之同至

縣堂

時黃明忿言無狀公目攝之令退明亦歸營無恙不
意把總劉得功心謂此奇貨可居陰與惡兵王虎商
計將黃明誘至幽室夜令虎等用木石搥殺之明晨
昇明尸破煥之門蜂擁而進恣情淫擄拆屋劈倉通
邑惶竄公聞之禁遏不能止惟有據實文報隨蒙
按院李公覈奏奉有嚴

旨下撫院及轉批府刑而問官徇情曲延一載不

行審結乘間又有弁黨陳龍躍者仍於此案借題
連無辜富室各破產買脫捱至順治十七年三月於
將犯弁劉惠兵王擬罪解 憲既發出復徇情不盡
兵押解反縱賊歸建寧先是公於十六年冬被劾解
任尚羈城中得功等既歸日夜與署防周俊輩謀謂
此案之決裂皆由溫縣當日申文不為隱蔽今留此
失權勢此憤又可雪矣於是四月初九夜二鼓時倒
旗倡亂以報復為名大索溫令攻其旅館殺其幕賓

繫公父子拷鞫如囚次日城門四閉逐室搜捕到晚
刻焚縣門暨東城樓民居六十餘間擁飽橐開西北
二門而去縛公父子于馬前繭足跟奔至里心值大
雨亂入民舍亮弁遂喚小校帶公父子至高喝曰汝
肯降我否公昂坐不答又曰汝今尚能說我淫擄耶
公怒目曰殺則殺矣勿多言衆捽其子祭旗隨擁公
於門外亂砍而死委屍魚池中十二日近鄉義民聞
其害我賢侯揭竿重圍叛卒雖奮身拒戰而衆寡不

敵或被傷或婪貨踉蹌出隘而散矣是役也鄉民忿怒爭先其頭鋒鏑念公爲地方而喪身也使公在昔無息及人豈能不號令而致此乎且又釀金買樁殮祭成禮公死已十餘年民之追思無已爲設神主暫寄祀於將屯之社廟特祠之建諒在旦晚

譚如桂江西清江人天啓六年任訓導剛廉自重慨然以風教爲己任遇生嚴毋敢自即於匪彞貧不能贄者割薄俸以給之其弗率者裁抑之又捐俸倡修

邵武府續志

官師

卷四

四

烈女祠且買店屋歲入稅以供修葺聞王寵妻何氏幼寡貞淑則造其門具袍笏拜者四舉義士朱臺黃惠表其門爲之傳又步行遍詣諸家館勉其師而撫勸諸童子袖紙筆以賞其能者嘗曰天子命我司訓于茲土一切民皆吾弟子豈厖厖爲青衿師何隘耶當事或以利誘之毅然不屑其廉介殆天性也

戎備志 五

兵者古治具也有明分錫殊勲沿為世胄久而
慕尚虛靡緩急迄罔所濟 國初從而釐其弊
每要害之衝各立鎮防乃赫然干城矣雖鴟張
之旅莽伏之稜悉潛弭于悠悠歌雅中乎乃邵
陽西畛江湖東連海岳英拔之氣蔚為大文碧
水嵐光應滋竒武豈無技而能者豈無切乘風
之願企安邦之烈者豈無忠謀忠力之不掩者

邵武府續志

戎備

卷五

一

裒然星垣匪能不以此重况乎經緯一體允自
聖朝而射圃多才復翩翩奮起哉續戎備志

鎮防

中軍附

都督同知池鳳鳴遼東遼陽自在州人順治三年任
中軍叅將吳鎮江西撫州府宜黃縣人順治

四年任

副總兵張承恩北京昌平州人

中軍叅將李元善河南開封府人

都督僉事馬士秀陝西延安府綏德州人

中軍遊擊竇廷桂北京人

都督僉事王鋈湖廣荊州府長寧所世職康熙年任

中軍遊擊劉英北京天津衛人康熙年任

都督僉事徐登第遼東廣寧衛人康熙年任

中軍叅將侯全河南彰德府人康熙年任

邵武府續志

戎備

卷五

二

建寧縣

鎮將

王用直定人順治四年任

魯雲龍金谿人順治五年任

蕭永芳遼東人順治十年任 中軍余寧附

張人傑蘇州人順治十三年任

佟四維遼東人順治十七年任

李化龍翰林衛人康熙二年任

邵武府續志 戎備 卷五 三

李得勝山東沂州人康熙三年任

武蹟

池鳳鳴遼東人順治三年任副總初蒞邵與地方相安及四鄉寇亂連歲興師賴其驅除文武相協駕馭驍將往往得其死力

王之綱北直人順治七年任延建邵汀左路總兵因郡鄉寇警提兵來鎮駐守道衙門兵屯西北城內紀律甚嚴有兵擅取民間一蔬者必治之兩月以來兵

民和協公亦善書畫與文士交具輕裘緩帶之致及返汀樵民焚祝以送之

張承恩北直人順治八年任副總魁梧善騎射每臨陣必先登時會勦官進才啣枚疾走運籌設伏不旬日而平之且治兵甚嚴不許放馬踐踏及買糴米穀轅門設鼓以達下情

王鈺湖廣人康熙二年任副總寬厚愛民自奉儉約東路鄉寇李桂孫依山恃險剽掠出沒民無寧土三

邵武府續志

戎俗

卷五

四

府會勦迄不能平公秘計令部將誘之降大張筵宴及桂孫來遂就擒餘黨勦撫兼行東路乃平居民建亭鐫碑東橋左以誌不朽

總鎮徐登第遼東人文武寅恭制兵愛民鎮樵二載兵丁守法使市易交通四民樂業屢為督撫倚重特調鎮海澄兵威整肅海寇不敢犯境八閩咸頌之後仍住邵陞漳州副總

建寧李化龍陝之榆林人少負大志值世亂不欲坐
弄毛錐圈豢自固遂決意仗劍從戎投身於平西王
幕下獲以材官用隨征黔蜀屢立奇功進秩游擊防
守永寧鎮既而樞部念閩海多事移鄧綏城蓋以上

邵武府續志

戎備

卷五

五六

游之鎖鑰付公遷之實重任之也先是庚子之變兵
民相疑之結尚未盡釋公下車洞悉其隱戢兵撫民
一惟恬靜理之乂之行伍閭閻各貼然忘其所以暇
則延接士紳詢民利病輕裘緩帶雅有儒者之風康
熙三年十月初九日丙夜蟠蜩隘塘兵口報江賊四
百餘進隘公聞之即傳令各披掛質明出師趨至里
心已四十里甫晨炊公訊鄉民知賊夜潛渡於此往
北而去公控馬呼衆尾後疾追從間道冒險行又數

十里為藍田渠村賊已俘擄排前一坊去今頃嚴塘
從高阜望之尚見旌旗颺樹杪時正亭午士饑馬罷
左右請攢營奪食公不可曰兵貴神速趨其營壘未
定蹶之可以立破且今所俘者半富室之婦衿門之
女苟需之畧刻若輩身污名毀為民上者忍不即救
謂責任何于是共計嚴塘前路從灌坊入雖稍近猶
恐嚴備越此十里為三溪則賊巢之後戶也抵三溪
有二山徑皆穿岨以達公單騎衝前部標按轡踵之

觸石披箐不顧深阻公奮臂揚鞭擊其中堅射住陣
鋒手刃數賊賊亦辟易豕竄矣奈緣兵皆枵腹以求
食故不得不散索於民房而隊伍未整賊從高遠瞭
見突自山絳擁而下公復與拒戰顧身邊僅數騎日
已西掛不料賊暗用烏鎗射中脇墮馬賊夥乘勝亂
刺身斃幸而身首未離者蓋茅賊所持皆鉏耰棘荆
非利刃也嗟乎公之功既已登紀 國書贈爵蔭後
矣而公之心事雖與日月爭光可也論者曰公窮日

不食而走百里之遠按之師行五十之例似乎犯兵法之不利要其一念之迫切祇為女婦全名節勿肯刻遲又何暇於首鼠兵法之可否而過其邁往之雄心哉自古名將儘有用不法之法監勲蓋代而為國忘身者必以成局繩之過矣余久欲為公立傳因進師敗北之顛末僅以影響聞故不敢捉筆茲悉得之隨征書辦范學仁之口蓋范非荷戈之卒故得匿高窳覘且其人素信實諒言之不誣吾邑士庶每念公為邑乘千秋光也

武科

邵武縣

明崇禎癸酉科

吳之蘭

字九畹中直武舉欽徵將材歷陞督標援勦江楚應皖中權營叅將

蘭之忠勇蓋久著矣嶺南海寇劉香鹵掠勢甚熾時蘭製戰艘彷彿戚南塘遺法環舟火器罔不具躬

冒鋒鏑斬人多功及勦江西天井單騎入塞招降
葉定國等二萬人非僅間諜者比再勦湖湘燕于
窩設奇制勝其偽浙王江西王福建王皆破陣擒
縛得加功一級贈一代至乙酉歸隱九龍山老而
不仕

秩禮志

韓吏部夫子廟碑曰天下通祀惟社稷與夫子所為尊其功德辨其等級禮酌其中雍乎不易是故百世而下崇其制者是燔其儀者非穿求之議或失之煩未若循肅穆之文叶不吳不傲之度得鞠躬而事集終祀而志逸也茲與四封約大禮斯在既無可變亦不貴竒即時逢嬗代苟明據確然而墜者因勿修缺者因勿補繁者

邵武府續志

秩禮

卷六

眷者則因勿正期不違制作之初共曉夫功德之尊等級之辨而已至若格于天神必于人事因時勿墜造俗為容舉而措之又何能違焉續

秩禮志

祭先師禮

前志云萬曆三十九年提學道馮燧詳定二月十八日先師忌辰八月二十一日誕辰與史傳所載不同大約此二辰每歲所必有也夫子之於親臣之於君

苟值茲辰咸敬而禮焉云盡倫也而况聖道煌煌器與書存焉為倫之所從正乎元帝詔曰千古而上非孔子無以明千古而下非孔子無以法即此言之義亦可推而知且其禮維鹿與兔以潔告虔獵有不獲仍易名取代又何約也所宜誠以行之諒與香花檀刻希福田邀利益者至不平等

祭菴聖祠禮

祭名宦祠禮 名附見

邵武府續志

秩禮

卷六

二

府祀 載前志 增知府王逢元

邵武縣祀 知縣張仕遜陳孔碩劉純孔公俊王拯

縣丞謝源鄭鑾 如前志 增知府王逢元

光澤縣祀 知縣尹洙上官均况遠劉俊鍾華 如前志 增

教諭黃應朋
知府王逢元

泰寧縣祀 鎮將鄒勇夫知縣吳達章元振陳撫定

定王可宗徐琛戴皞鄭時舉教諭凌翰主簿張彥聖

福建提學道宗臣 如前志 增入錢吾德徐尚達知縣徐壽李孟誠訓導王義都守王逢元

建寧縣祀 唐鎮將陳巖宋知縣趙紉夫尉洪天驥
明知縣馬昇江一桂何孟倫教諭陳激衷巡檢許繕
如前志增提學道宗臣郡
守王逢元縣令王都

以上戊日正官蒞祭儀注皆同丁府

祭鄉賢祠禮

府祀 載前志邵武縣舊有祠所後併入府祠廢

光澤縣祀 李深李郁李呂李閱祖李相祖李方子

李應龍黃渙高談危一 如前志

邵武府續志 秩禮 卷六 三

泰寧縣祀 鄒應隆何道旻江寧宗鄒昌 如前志增
入鄒長孺

鄒柴鄒括丁從龍鄭和李孟誠鄒允隆李卓蕭重熙
江日彩丘秉忠○李孟誠既列名宦何又入此恐誤

建寧縣祀 謝訶謝皓劉剛中俞豐李安期張子英

丘敬黃元實余志馮順德張誠吳綱李寧 如前志有
云陳巖唐

觀察使為本邑人當改祀鄉賢有云黃元實泰寧人
也宜削其位李安期雖逸士耳然當日必經商確大
典固不以野
晦之迹論

三縣祭日儀注與府同○他文載前志者不書而名

宦鄉賢獨再書者悞濫也且其中已有待辯而定者

矣世遠人遐歎深湮失至若朱文公教在天下而聞
之親炙尤多所宜愧奉罔或替歲時既久推剝非一
揚誠齋云烟橫尼丘苔侵魯壁此幾近之守汪公見
而感焉爰新其楹角陳設尊嚴文公一位無與並也
左臺溪何先生右果齋李先生左另厨中大夫朱公
震季克呂先生伯起先生成之葉先生運判盧公
奎右另厨佐鄉趙先生德柄黃先生大年吳先生夢
達俞先生辰州判何公兌安奠一區椒馨攸必既明

邵武府續志

秩禮

卷六

四

乎理學振起之功且非別氏所濫及者

祭社稷山川各壇禮 祭屬壇禮 祭城隍廟

禮 慶賀禮 開讀禮 救護禮 鞭春禮

上 任禮 鄉飲禮 習射禮 四縣俱如舊志

選舉志 七

天下之才聚于三途代嬗而榮不異世遠而名逾新蓋道在斯人始未嘗恃天姿顧儉厄以自勵卒之聲光拔起而風生雲從顯赫遂不可及夫天下子固有奪不能奪榮名之著天下興亦有廢不能廢榮名之存是故三途皆貴百世惟馨况人子顯親之志誰曰不然恐鷄豚之逮椎牛之祭猶不若名之榮未艾即榮之實未有艾

邵武府續志

選舉

卷七

一

也柰何英姿象具畫者嘗多榮名可共曷顧此而思續選舉志

邵武縣

明鄉試

天啓元年辛酉科

何望海

字若士邵武縣學亞魁

崇禎三年庚午科

張能恭

字禮言邵武人府學解元以薦舉題授知州未任

崇禎六年癸酉科

陳其柱 字繁宇邵武人府學選廣東開平知縣

崇禎十二年己卯科

黃兆丹 字映紫邵武人府學任直隸樂亭知縣

進士

天啓二年壬戌科文震孟榜

何望海 任廣東揭陽知縣博學有文名

國朝鄉試

邵武府續志 選舉

卷七

二

順治五年戊子科

李惟華 字荅洛邵武人府學解元任山東陽信知縣

順治十一年甲午科

馮可參 字蕪三邵武縣學

黃彥博 機之子以官監中順天鄉試初榜名犯御諱因更今名

順治十四年丁酉科

張得芳 字伯馨府學建寧縣人

順治十七年庚子科

吳迪化 字允建 邵武人 府學以春秋中式第三

康熙二年癸卯科

吳震 字鷺伯 邵武人 府學

康熙五年丙午科

蔡奎 字左婁 邵武縣學解元

康熙八年己酉科

黃金鉉 字守正 邵武縣學

進士

邵武府續志 選舉 卷七 三

順治四年丁亥科呂 官榜

黃機 字次辰 克謙之子 隨父由浙江鄉試至

順治十八年辛丑科馬世俊榜

馮可參 任山東鄒城知縣

康熙三年甲辰科嚴我斯榜

黃彥博 機之子

明府學歲貢

王三槐 魏朝明 台廣東 提舉

鄭之僑

王之賓

上官應宿

王新德

張觀國

張治本

吳士毅

黃守綸

饒世翰

任崗清縣學教諭

何圖

謝相

余應鳳

李士章

吳登明

高廷憲

盛王禎

邵武府續志

選舉

卷七

四

黃兆科

任延平府學訓

陳起潛

王士勳

黃宇參

李炳然

傅金說

丘有為

黃應蛟

王御之

恩貢

黃蛟騰

任

黃甲葵

任廣東通判

高崇禮

江海

李翔

任新城知縣

李天毓

梁師孟

順治五年恩貢
考授通判

清府學歲貢

吳鳳飛

順治肆年任羅源學訓

應登第

順治五年任尤溪學訓

黃甲登

順治六年

張仕縉

順治八年任黟縣知縣

吳自嚴

順治九年學行舉介賓

熊國樞

順治十年

黃道昌

順治十一年

黃中色

順治十二年任南靖學諭

董京

順治十三年

袁鉉

順治十四年

邵武府續志

選舉

卷七

五

廖紹綱

順治十五年

余昌世

李友桃

順治十六年

陳大侃

順治十七年

黃肇軒

順治十八年

李應琳

康熙元年

危衍盛

康熙八年

黃養性

康熙九年

恩拔貢

朱宿

順治四年拔

王亨應

王錫祉

順治八年恩考授通判

陳梅芳

順治十一年選

鄧之本

順治十八年恩

梁師孟

順治伍年恩貢考授通判

邵武縣

明朝歲貢

傅以興

符令行

王士鳳

陳治原

李萬雷

吳嘉禎

鄭之美

徐大用

選貢

謝觀國

鄭之賢

龔于田

邵武府續志 選舉

卷七

六

國朝歲貢

饒

烜

任湖廣武陵縣丞有政聲

元體乾

張三捷

任順昌縣學訓

高士彩

任長泰縣學訓

施

鴻

現任婁縣丞

官于朝

任沙縣教諭

梁日高

陳夢魯

王泰永

任龍岩縣學訓

鄧上衮

恩貢

謝于京

董大倫

通判改授邵陽縣丞

張文明

馮重華 歷任廣平府同知

拔貢

黃士冕

任陝西寶鷄知縣

貢監

張孟政

順治五年副榜

應曰謙

考州同

雜途

盛時佐

天啓四年任六安州吏目

吳文魁

天啓四年任平鄉縣典史

曾學聖

天啓五年任寶應縣典史

吳之獬

天啓七年任分水縣典史

邵武府續志

選舉

卷七

七

盛其文

崇禎元年考陞鳳縣主簿

林良佐

崇禎十一年任舒城縣典史

嚴希明

崇禎十三年任蘭溪縣典史

鄉飲賓

明無考今載順治肆年起康熙三年止

張治本

四年正月大賓

朱嘉穗

四年十月大賓記至順治十七年共鄉飲十四次

高崇毅

五年正月大賓張于屏

五年十月大賓記至順治十四年共鄉飲八次

應登第

十六年十月記至康熙二年共大賓四次

董大倫

十七年正月大賓

高佐

十八年十月大賓記至三年共四次

吳鳳飛

康熙三年正月大賓

介賓

王履芳 二次 王 亘

吳弘矩

周文郁

陳所蓄 二次 施藥濟人 貧不計利

江春芳

李天毓

王履衡 謝步安

李春開

楊椿 二次

吳環斗 虞祖堯

吳際昌

黃準閑

官 璪 黃啓雋

周國恩

吳自嚴

黃兆盛 二次 張仕紳

李如龍

王萬椿

耆民

吳文忠 楊文璧 二次

吳鸞祥

江潮午

邵武府續志 選舉 卷七

又七

王傭之 林 燧

胡忠聲

吳 江

饒思德 陳 燧

黃大用

傅國泰

王士楚 上官忠 二次

吳三偉

黃應宮

龔仲卿 陳國倫

龔仲奇

黃 燁

李大鯤 高文相

吳明璇

龔應卿

吳嘉瑞 二次 何子高

吳應魁

吳際盛

梁繼孟 黃道會

光澤縣

明朝鄉試

鄧應淳

萬曆四十六年戊午科字叔龐十三都人

國朝鄉試

黃正標

順治十一年甲午科字伯準在城人詳續儒林志

明朝貢士

丘有梅

一都人

傅宗說

五都人任教諭

李玄端

在城人任教諭

游聖廷

十六都人任教諭

邵武府續志

選舉

卷七

八

陳一熊

一都人任教諭

朱大相

在城人任主簿陞經

李天民

三十都人任經歷

官亮采

十五都人任知縣

李子章

在城人累任知縣擢晉階知府見續士蹟志

官廷命

十五都人任知縣

鄧秀挺

十三都人

鄧秀偉

十三都人

李應年

在城人

丘仰龍

十九都人

鄧秀士

十三都人

鄧時夏

十三都人

黃以永

在城人

黃元紀

三十二都人

吳良甲

五都人

曾光國 五都人

國朝貢士

吳其龍 在城人 高萬錫 一都人拔貢

黃大捷 在城人恩貢 高凌漢 二都人

曾光丙 五都人 龔必兆 十六都人任訓導

陳所望 二十七都人任訓導 陳圖 十都人

上官臨 在城人恩貢廷 曾德資 四都人

鄧夢禹 十三都人 黃尚球 十三都人恩貢

邵武府續志 選舉 卷七 九

高登甲 二都人 何水清 十四都人

監生

李天德 三十都人任鴻臚序班 李贊 三十都人授兵馬副

吳養中 在城人 曾光霽 五都人

郭綱 在城人 官廷相

江士式 二十都人 郭好古 在城人

雜途

饒文達 任山東章丘縣丞有治績 陳其學 二都人冠帶齋祭

傅尚賢 十七都人任益 官明德 十五都人任經歷

陳其政 一都人任望江典史兼大雷營都指揮使

李廷輔 任典史 危福寧 十七都人任典史

曾廷爵 一都人任巡檢 曾謨 十八都人冠帶省祭

龔君俊 二十二都人任典史 李茂芳 一都人冠帶省祭

優老鄉賓

黃以齊 在城人八十二歲冠帶 黃仲璉 二十二都人八十八歲冠帶鄉賓

郭明達 在城人八十一歲冠帶 官世熙 在城人八十五歲冠帶

邵武府續志選舉 卷七 十

陳襲 一都人八十八歲冠帶

泰寧縣

明朝鄉試

江振鵬 天啓元年辛酉科舉人崇禎甲申年選廣西懷遠縣知縣陞雲南通州知州未到任隨陞

工部營務司主事卒于官

廖愈高 天啓元年辛酉科舉人四川岳池縣知縣

江愈敏 應天啓元年貢七年丁卯科舉中順天鄉試

丘嘉彩 崇禎九年丙子科舉人

明朝進士

江愈敏

崇禎元年戊辰劉若宰榜海陽縣知縣

國朝鄉會試

俱缺

明朝貢士

江濟南

字溇異官台州州同居官有為歸休方守歷舉賓筵

黃宸

陳九德

江四山

廖弘道

黃弘憲

聶廷立

潮陽縣丞

邵武府續志

選舉

卷七

十一

蕭聞字

阮江通判

呂從文

有傳

李開泰

鄒光嶽

襄陽主簿

鄒鍾嶽

齊寧州判

周宗謨

授訓導以孝友著端

李成龍

將溪人

蕭維喬

朱口保人官連城

江思達

官汀州

童時遷

詹九苞

陳九疇

丁明時

謝明良

江延楨

字而所官雁水

梁應登

字元吉官福寧學正

吳應登

國朝貢士

江知經

梁應台

字璇奎官平海教授

李為龍

江恒

李之白

蕭瑩聲

江兆球

江泓源

字汲福官萊陽知縣

江其濤

葉光漢

嚴而恭

李光天

邵武府續志

選舉

卷七

十三

呂益

江應昌

建寧縣

明朝鄉試

艾如芝

字函一在城人天啓元年辛酉科任四川平武縣知縣

黃弼

字君贊號印邁在城人以選貢中崇禎六年順天癸酉科會試中甲戌癸未副榜任太平

縣知縣陞工部員外

黃開先

字申甫號周翰弼之侄以選貢中崇禎六年順天癸酉科亞魁任浙江象山知縣顧有政聲

國朝鄉試

陳 愨 字素心在城人以選貢中順治捌年順天

熊臣忠 字亦良在城人順治十一年甲午科解元

吳思熙 字武明在城人順治十一年甲午科任四川

謝國傑 字鍾岳在城人順治十一年甲午科任山西

張得芳 字伯馨在城人順治十四年丁酉科永樂丁

明朝進士

徐大紳 字麓光萬曆十九年辛卯科 餘見進士

李春熙 秉鉅五世孫萬曆十九年辛卯科 餘見進士

邵武府續志 選舉 卷七 十三

國朝進士 缺

明朝貢士

廖鳴儒 在城人 廖成賢 字赤許在城人選和

何思魯 字尊孔在城人泰昌元年恩貢任湖廣巴東

吳之彥 字士魁在城人泰昌元年貢任餘姚縣縣丞

王立名 字惺如在城人天啓元年選貢任餘姚縣主

黃開先 字申甫在城人天啓元年府選餘見舉人

余大經 字誠甫在城人 許元 字青陽在城人

李

伸

字遇知在城人

黃

弼

字君贊在城人崇禎元年恩貢入北雍考

積分御權正卷第六
本監祭酒給扁營之

徐中憲

字弼之在城人崇禎元年府學選任温州

府通判

董邦廩

字心開藍田人應崇禎三年貢任崇安縣教諭

徐中台

字伯朗宗望之玄孫崇禎五年貢仕惠州府通判陞廬州府同知

謝汝明

字日升在城人崇禎八年貢授盛京唐山縣知縣居家有孝友聲居官有清慈聲致政養

歸親

謝玄若

字小玄在城人崇禎八年拔貢吳師立州州同崇禎十年貢

邵武府續志

選舉

卷七

十四

丘光岳

字華四饒村保人任漳浦訓導十二年貢

余有聲

字澹生在城人任河州判官十四年貢

徐大旭

字耀寰在城人任興化府訓導十六年貢

詹聖恩

字因心在城人十八年貢

楊希超

字學貢任南安訓導

審大聘

字叔衡在城人

廖元迪

字徵吉在城人

廖拱奎

字星聚在城人

楊淑修

字冲而楚下保人恩貢

國朝貢士

陳

恂

字質夫在城人順治五年拔貢

陳

愨

字素心在城人順治八年選貢見舉人

王亨應

字有大在城人考定通判

徐中行

字得之在城人府學

廖賓賢

字肇興在城人教諭建寧府教授

余昌胤

字元甫在城人恩任元氏縣丞

楊大機

字辰玉在城人任建安縣教諭

徐中昇

字日如在城人考州判

熊國樞

字汝旋在城人學任歙縣縣丞

趙文昇

字呈曦在城人任建寧府司訓

朱嘉祥

字長卿在城人貢任晉寧州同

丁之柱

字石公在城人考州同

聶芳

字桂侯在城人任巢縣知縣

余昌世

字名必在城人府學連江縣訓

董京

字韻生藍田人府學

謝國屏

字元邦在城人

徐中極

字儀自在城人孫任晉江訓導

邵武府續志

選舉

卷七

十五

熊國賓

字師蕪隆下保人任候官訓導改未福

陳大侃

字二如在城人府學十八年貢

李玉如

字能白在城人字十六年貢

謝晉

字允象在城人十八年貢

謝國恩

字翰南在城人康熙元年恩貢

李應琳

字石英在城人應康熙五年貢

徐大儒

字能一在城人康熙八年貢



人物志八

天下之大惟人物贊之即操術不一必有振其
墟里者焉語云水圓折產珠水方折產玉自然
之符也况邵居八閩上游萬峯如繡閣闢烟雲
乘其氣而植豐飲其和而生聚若夫始其靈而
名賢卓起當不乏耳且此數十年中大匡斯始
湏才更殷必有若而人起而責之即如清門吉
德蘭佩嘉修以及霜礪之幽期深閨之淑秀原
始而要終允無可訾則塵下之珍亦青史所不
棄矣乃奮而有所立豈可湮而罔所傳續人物
志

理學 名臣

忠義

李翔字颺舉邵武縣亨泰坊人幼失怙事母以孝聞
母病翔焚香於掌祈天七晝夜至誠感神母疾隨愈
少儻以詩酒自豪補郡弟子員中崇禎己卯鄉試



副榜拔貢次年北上廷試適邊警求言翔忼慨上書
語侵權責幾不測賴一二巨公力護免翔名由是重
於時甲申闖寇犯燕聞變瀝血草檄誓殉國難迨唐
藩入閩翔時任江西新城縣令先時舊令譚夢開籍
獻款名多括民財衆共攻殺之閱月亂未定比翔至
即日捕渠魁黃東來斬之餘黨乃解未幾邑三都民
因爭斗不平揭竿起鼓譟數千人肆掠城市翔諭之
勿止乃密遣義兵三百人出城裹紅巾從南門入稱
官兵且至亂民少却詰朝復鼓而進翔親率兵壯敗
之誅首亂數人仍爲較定斗式始安是時盱江以北
已悉歸 大清版圖王師畧地漸逼新城翔與同事
盟神軟血矢以死守及勢日蹙或有引兵潛遁者翔
嘆曰男兒死耳國恩未報奚遁爲志愈奮躬探介冑
先士卒日夜不遑息城陷猶赴戰手刃三人度事去
因大呼曰我新城令也何不殺我遂被執見渠帥直
立不跪罵不絕聲帥恚甚責四十棍血濺肉飛然猶

憐其忠誠往南昌繫於獄餌之降勿應予酒食勿食
啣指血題詩獄壁有取義成仁死不難句遂觸柱氣
絕帥命昇出斬之事聞贈太僕寺少卿謚忠壯○論
曰李翔當勝國之季以彈丸孤城抗百萬王師殆不
知天命矣哉及讀討逆闖一檄知翔恥為馮道久矣
一死寧復悔耶末俗貞烈氣衰翔無文山之任而效
文山之忠庶幾明致身之義者昔孤竹二子尚父稱
之義士闕黼殉元明祖為之立祠由此言之翔亦足
郡武府續志人物 卷八 三
以傳矣

明元體中字孩若邑東朱坊墟人元昭武路總管水
鏡將軍之裔也少為郡諸生工制藝募韜鈴能馬上
運雙戟左右刺無不中者際崇禎末年國步多艱遂
南遊吳越間為董大司馬築城於海澳擊破海寇數十
艘由是薦紳交稱之中丞蕭公試以後營守備庚辰
分汛杉關因勢據險戰守之具畧備七臺荏苒竊發
中率精銳數百討平之光澤李東球倡亂集黨數千

號百花英又有賽花英者衆亦數千互相攻擊行將
揭竿起中統五百人駐止馬扼其吭而絕其援東球
就擒矣未流氛入袁吉二州江右騷然閩西風鶴巡
撫張公肯堂行視杉關見中所創磊木石棚數十處
問其費曰以金八百問所出曰皆中鬻產物也張亟
題薦有雄當虎豹學本孫吳等語會二京相繼失守
豫章諸地悉入清圖唐藩即位於福州擢中總兵
屬以恢復之任中所部精卒別赴調去臨期招募僅
得三千人督師蔡檄催出師中請寬期簡練弗許乃
統新卒二千啣枚夜走四十里始達洵口值清兵
有備伏起中陷入陳勇氣百倍刺殺數十人斬一騎
將圍愈合四面大呼曰元將軍可降矣中瞑目持槊
疾聲叱曰有斷頭將軍無降將軍也竟力戰而歿

風節

清修

明吳嘉泰字通寶東廂進賢坊人處厚之裔登萬曆

丙午鄉薦考授知州值父年七十泰甘清貧矢志奉養不就仕處昆季昆善卽一錢一粒悉均享焉年四十卒時兩孀一孤贍無十畝居無立錫合郡惜之

張能恭字禮言東隅迎春坊人博學有大志自少以孝友稱及長分拆凡祖父所傳屋產悉讓之親叔惟自築居授徒以奉母其胞弟之日用咸取給焉領餼後館於光邑歲暮方束裝歸適貧人黃汝蒞爲債主所窘欲投河其鄰趙士顯來告恭立解館穀十金代

邵武府續志

人物

卷八

五

還而不命償蒞生得全又祖父遺穀百石歷貸於十六都之高坊等鄉鄉多貧者每累逋不能償恭心憫之槩焚其券其周急樂施如此崇禎庚午登鄉試第一有同年黃熙義暴卒於寓乃捐宴金拾兩助殯復代措七十金爲賻同榜無不高其義云丙子歲飢恭力陳預備之策考前賢成議著義倉五規隨出貲買穀叁拾石爲紳士倡民賴以賑先後公車凡六次兩院會薦題授知州職銜時以母病辭不赴選日杜門

著書廉介自守 清順治五年舉孝子次年會試歸
旋卒年四十有七所纂述已刻有李忠定奏議選十
卷禹貢訂傳一卷未刻有春秋五傳合選天地大文
二集八十卷梁谿全集選十二卷藏於家
黃應蛟字士騰西關熙春坊人郡廩生性狷潔操行
廉謹生平未嘗有所干謁家貧以舘餼自給泊如也
事繼母孝溫清定省無缺於熙春山舍集徒講授多
所造就應崇禎末年歲貢以未仕終其身

邵武府續志 人物

卷八

六

高崇禮字君厚邑之桃川人性嚴峻不苟言笑幼從
其兄崇穀受業終身父師事之家貧以舘穀養親師
表甚嚴其門下多知名之士事父母至孝侍祖母陳
氏病扶抱寢興三年如一日值鼎革遂避山谷以自
樂其志

仕蹟

高崇穀字柳營邑東水口寨人至性孝友勤於讀誦
登萬曆壬子科鄉試第一初署歸安清河二學教諭

事漸中名流多就學奇字其所賞識如夏君曰瑚董
率以魏科顯崇禎初累官至戶部山西清吏司主事
奉命祭諸陵寢及齋牛犒邊俱稱旨朝廷嘉之尋督
餉宣府蕙理屯田馬政凡兵餉運到朝收夕發胥吏
無所容其奸或輓輸不前輒設法先給軍士以故成
卒無譁廛市不擾會中貴人用事使如穀求鐵千斤
穀心知爲金也竟弗與因得罪解組歸宣府兵民扳
轅祖道者莫不泣下及歸里益端介自持凡調恤隣

邵武府續志

人物

卷八

七

族輒厚與之而不問其償常遇異僧授以守中之術
年逾耄矍鑠如壯時晚舉一子人以為陰隲之報

云

陳之羨字綱存邑東拿口人登萬曆丁酉賢書成已
未進士初授戶部主事提督通倉釐別有方糧蠹爲
之一清代之日惟羸羨蝕五百萬莖稱是盡籍其數
授代者歷遷員外郎中時魏瑞方熾或說之交驩銓
曹可致羨正容却之出爲浙江寧波太守會海寇犯
境羨指授方畧悉討平之祝融爲虐將及黃堂即反

風滅火人謂太守廉明所感將及瓜捐任內贖鍰益以俸入凡五百金分給六學置田以贍貧士衆爲鐫碑紀德并錄其善政壽諸剞劂名曰澤甬芳程遷觀察副使分守甌越補任饒南饒濱湖故多嘯聚兼以流寇震鄰繕城鑿池屹戰守之具潯陽上下無烽燧驚淮藩涵玉手書古社稷臣四字褒之事聞朝廷知其能擢天津糧儲未蒞任改調廣東叅政分守嶺南整飭紀綱一以廉法率下未幾請告歸里里中形勝

如奎耀閣有建李公堤有築皆捐貲倡始迄今拿川人文鵲起蓋其作興之力著有仕學窺斑傳世米嘉穗字秀實叅議榮之再從侄也少負文譽事繼母以孝聞萬曆戊午舉於鄉崇禎辛未授山東鄆城令鄆介曹汶固大盜淵藪兼豪右肆甚蠹罔上爲虐徭重而不均夙稱難治穗歷任首立均役輪役二法訪巨豪李三善王如鑑寘諸典捕役宋顯榮羅織良民立杖斃之撤戍卒之擾民者設鄉兵以爲衛時有

巨盜宋尚營張九河閭振武者陽就撫陰剽掠如故
穗畫策擒之單車詣賊穴收其黨悉入籍為氓會總
兵劉澤清援萊敗衄道出鄆人情洶洶疑有異常事
欲遂勦之穗曰不可請捐金犒師令引兵而東卒解
萊圍大兵之後又值凶潦民有道殣穗悉發廩穀六
千石沿鄉賑濟所全活七千餘人將報最以他事忤
權貴調知德平縣隨遷南直隸南城正兵馬值有僞
印之獄穗恐株連冠紳亟置要囚於法案遂寢丁母

邵武府續志

人物

卷八

九

憂歸籍築室遯園嘯咏自娛三十餘年非公事不謁
郡縣間有利弊當事輒就之咨訪崇禎丙子歲游饑
首糴米以哺貧民順治丁亥寇猝起公私無備慨出
貳百金庀戰守之具丙申寇再警適硝黃告匱復助
金五十以資採買郡東長虹橋燬則建議興復捐百
金為倡其居鄉好義急公類如此所著有澹菴詩集
與大賓一十五次壽七十七終

王洵字惟信東隅鳳石坊人為入曠達多識以邑學

生登萬曆庚子鄉薦已未授湖廣承天司李有寃獄
滯二十年弗結者洵廉其實所活三十餘人他如積
奸楊道南章時雨輩洵皆置之法民蠹以清卸人士
各刻像祀焉會監軍自襄抵河凡糗芻輓給之勞洵
皆親董其役以故兵不擾而民不驚司院嘉其能交
章題薦天啓癸亥擢蘄州督捕丞未幾以緝私鑄觸
權璫怒遂拂袖歸崇禎初魏璫旣除朝議復洵原職
值洵年六十不果仕有吳楚浪吟詩集傳世

邵武府續志

人物

卷八

十

高佐字輔明在城東隅人佐天性純篤飭行力學舉
萬曆戊午鄉薦歷五十年產不增置門無雜賓歆然
如素士爲福山令清淨寧一愛士恤民以清直罷歸
屢舉賓筵年八十疾革命死後不得用浮圖正襟而
逝

鄭言字思行南廂人由歲薦授江西瑞州新昌學訓
作興人文召諸生肄業齋房夜分親至各舍爲之勵
時文風丕盛言力居多擢蘄州崇明諭歸時囊篋蕭

然杜門課子不干預外事與鄉飲大賓十五次年八十有九終

梁文燁號還淳東隅人瑛之孫也幼穎異好學以古人自期遇不平事輒持正排解之尤善事親先世未厝諸柩燁悉獨力營葬不涉族人領萬曆三十九年歲薦歷官鎮海學正加意育才凡諸生親柩力不能葬者每賻資之致仕十餘年與大賓數次卒子師孟另見儒林類

吳起龍字德溥西關熙春坊人幼聰敏篤學年十四補邑弟子員因食餼馬父一山以選貢入京 廷試久絕音耗龍思親念切遂携僕沿途尋訪及抵 都遍覓勿得時寒途勞瘁哀慟迫切至家成疾遇異僧施圭七乃痊人以為孝感所致尤善書楷草皆倣王右軍筆意遠近珍重歷試棘闈幾得復失者再應萬曆末年貢銓部考選第一授江西上猶令居任清慎有渠賊以苞苴直行餌龍怒寘之法士人仰望其丰采

馬歸林下督課子任暇則詩酒自娛郡守魯史以總
修郡志請龍與有力舉鄉飲大賓十次壽八十終
朱文興字任卿東隅人少遊郡庠爲文莊重典雅試
輒冠軍補錄後嘗讀書學舍中值文廟災急抱主出
殘編襍被弗之問率庠友爲重建計而身董其役先
是文廟密爾民居及旣災悉爲瓦礫塲興乃倡議與
同堂生各捐廩一季贖其地歸學以免後患郡東靈
傑塔方建始終興有勞焉郡志之修也總裁實出其
手凡諸有裨郡治者無不竭蹶從事應萬曆乙卯歲
薦授延平府學訓時進諸生而課之劍浦人文由是
蔚興學使者鍾公惺校士至延檄所屬報劣興獨無
以應鍾轉重之方擬薦擢會丁艱回籍不果服闋補
山東朝城縣諭作人愛士如在劍浦時遷浙江處州
經歷時年已七十遂告歸郡守阮公自華雅敬禮之
造其門以鄉賓請年七十有三卒所貽子若孫者惟
書畫而已

張于屏字綏侯童年補弟子員卽食餼事父惟謹及
母黃氏孀居尤愛敬勿替萬曆乙卯舉於鄉自遷葬
祖父母五柩殫心力不涉諸弟侄輩戊辰僅列副榜
後令蜀之金堂甫三日流寇猝至屏督鄉勇禦之寇
獲其侄鴻業剛目剖心弗顧也以援絕勢孤與久任
城陷者同罪次子鴻儀匍匐走數千里擊登聞申父
寃乃獲釋焉及里居則娛情書史課訓子若孫凡郡
有大利弊必毅然陳之計八與賓筵

鄭之賢字立宇南廂六舖人言之孫也天姿靈異年
十歲事父母以孝聞入庠後足跡不履公門以邑廩
生應泰昌元年選貢天啓癸亥授湖廣澧州安鄉令
初抵任凡里長馬戶夫頭例有常餽約千金許賢曰
此陋規也卻除之永著爲令先是縣有驛馬四十四
悉派民間牧養供應往來無少休息民力疲甚賢廉
其狀而申請改爲官牧民咸德之他如隆學校禁火
耗懲輕生雪沉獄善績尤多會洞庭水溢邑中田禾

盡沒民皆就食他方稅糧無徵賢僅以已俸貳百兩
抵解因課不及額調北直栢鄉諭尋罷歸舉鄉賓十
二次

周弘機字龍中南廂二舖人天性端謹言動必閑規
矩時以道學目之爲文沉勁雅贍沈文宗深器焉召
肄業三山共學書院中機由是精理解著述甚富歷
試鄉闈以數奇不售尤善堪輿郡丞萬尚烈建東塔
造長春橋機與有力天啓丁卯以歲薦入北雍授蘓
邵武府續志 人物 卷八 十四

州常熟丞理捕事介節不移致仕歸授徒講學勿輟
未幾卒

張治本字平寰南廂二舖人平生孝友父母皆八十
餘行年六十孺慕勿衰友愛胞弟尤愷至天啓六年
歲貢授福清縣學訓陞永定縣諭再陞江西袁州府
教授俱以師範端嚴爲督學所嘉舉鄉賓三次年八
十六卒

鄭之僑字德潤南廂二舖人端直不阿敦孝友遵父

遺命讓弟產千金遇親友凡排解調拯無不慨然爲之天啓七年以歲薦任雲南大和丞愛民如子不忍以刑加上臺咸雅重之委攝廣通篆邑有富民居樓直逼琴堂前令欲毀之富民以賂免有援是以獻馭僑叱勿聽通邑咸誦其廉未幾致仕歸署府事延郡司李吳公嘉瑞知其賢以大賓請

王泰永字迺衡清節坊人性孝友言動不苟恂恂有長者風爲諸生數十年不履公庭順治六年以善人

邵武府續志

人物

卷八

十五

舉按院朱旌之由歲貢任龍岩學訓有新生入泮貧不能贄者槩弗問且優禮文學無愧師範值裁缺歸舉鄉賓二次

危用中字守公八歲失怙事母至孝年十四入泮文名籍甚訓弟純中成名登萬曆庚子科賢書兄弟同爨四十餘年無異心萬曆甲辰歲貢授泉州惠安學博遷四川大竹縣令清核錢糧懲劄奸胥甫一季忽遘疾卒於官士民悼之

張仕縉由歲貢任江南徽州府黟縣尹爲人中正不阿古道照人爲士林所推重於順治十六年五月蒞黟維時海氛猖獗逃兵乘機變亂乃鼓集鄉勇精備器械發兵直抵祁界斬其渠魁劉養心等伍人殺戰馬三匹奪白馬一匹生擒先鋒李龍刃於通衢徽太守藺公愛其忠勇屢題叙該縣聯絡有方戰守有具賊來拒敵當陣擒殺可謂留心地方云云其他興利除害育士愛民種種善政不及詳載年七十二終於任

光澤縣

明上官希稷字師忠萬曆癸酉恩貢授浙江嘉興別駕催科政簡撫字心勞卑騎勸農興利除害民甚德之樂輸恐後輓運有功值歲歉發粟賑民典吏必以請後發稷曰拘法則民殍若待請將索民於枯魚之肆矣豈恤民之道哉冒譴吾甘之汝曹無與也活民者衆當道嘉其廉能有爲咸推重之後以直道見抑解綬乞休著攝生錄以行世

李子章天啓辛酉選貢崇禎庚午舉賢書授湖廣新寧令潔已愛民得爲政大體署武崗州事適岷藩爭立章按譜處置當道重之丁內艱制終補廣陽山令地近海連苗鼠爲難治章興利釐奸靡事不舉奏鼠擢雷州司馬會海寇猖獗章身親矢石守禦有方星報兵憲陳公之美發兵撲滅民賴以安後交薦晉秩中憲大夫政勤心瘁卒於官士民哀悼立祠祀之

李應年崇禎歲貢任福州長樂縣訓導端莊簡默誘

邵武府續志

人物

卷八

十七

迪有方陞青田縣教諭至任見文廟傾圮即捐資百金重建大殿署慶元縣篆值歲大荒公發倉粟以賑民得活者幾萬家壽七十三乞休旋里抵家七日而令終焉

泰寧縣

呂從文字岐陽篤學勵行由山陰貢選浙江常山縣訓導修學邵贄捐俸周貧署龍巖縣印時姻親李行人以出使道經其地文以一刺謁外不交一談其凜

持官箴如此及歸林下積書累卷接文士無虛日貧者周之嘗置棺百具於定光廟中以俟貧死者取其有報聞仍給米助之又結砌明宦定定公父子墓老而好學應賓筵三次

江濟南字涵巽邑庠生沿例入太學選四川合州州同奉檄督徵著叙功欽賜銀幣在江津定遠二縣有去思遺愛碑致仕後七正賓筵置義田以贍宗族割居宅以廣類宮焚券贈貧捐貲解紛會縣督修鑪峰

邵武府續志

人物

卷八

十八

城級出私橐銀三十餘兩以給工匠不支綱銀邑令洪贊曰服官殫厥職兩致去思碑義田敦族好割宅宏類基排紛蕪焚券素行罔或虧急公詎偶然城級賴以支造福真纍纍好義久不衰賓筵國大典非君雅不冝古道縱凌夷典型尚在茲言念江州牧高風齊峨岢

蕭聞字慎初朱口人天啓丁卯歲貢崇禎元年授廣西懷集縣令其地獠獍出沒不測掠虛劫獄以爲

常城每晝閉閤宇賦性溫平政治和洽頑慝革心凡
建橋梁平鹽價制包侵率多惠政陞雲南沅江府通
判以繼母老賦歸居林下二十餘年未嘗釋卷尤精
於醫古凡以病告者不論遠近不顧寒暑必往調診
隨手全活郡邑禮於上庠者八次

謝天秀由貢官順慶通判性端慤剛介有狷士風居
官清慎約已愛民署篆所至人懷其惠

建寧縣

徐大紳字篋光少時父禁其學弗與貲公嗜學愈篤
其從祖源述深器之公常就彼乞米袖而之古廟中
晝夜讀爲督學黃安耿公所首拔旋命預府學諸生
試即超食廩餼益異數也次年科考冠府學即舉於

鄉越歲登第爲萬曆壬辰榜授嘉興府推官踰一考以清介忤鄉紳僅遷寧波府同知丁酉庚子分考江西浙江竟以是年卒於任年僅三十五宦橐蕭然在浙八年歷兩任皆大郡僅構數椽以棲四子田無半畝之增子孫不免凍餒可謂清操絕俗者矣歿十年慈谿馮公烜來督閩學特祀公於鄉賢祠馮公寧波人知公浙中之政爲不誣

李春熙字皞如舉人秉紘之五世孫萬曆辛卯領鄉

邵武府續志人物

卷八

二十

書戊戌登甲第歷任南直太平廣東肇慶河南彰德三府推官北刑南戶二部主事公在太平凡應安徽寧池廣六郡有寃者俱爭就太平理賴以活者數百人嘗有殺人者數年不得主名公輜軒所至必得賊乃去築楊家壩梅塘圩護民田數千畝且護城民食其利不費公帑一文後十餘年公過其郡百姓手香以迎追送數十里其在肇慶監軍征交趾禁妄殺削冒功即俘獲交人而非入犯者亦遣歸又活千餘人

捷聞當殊擢以不通京師書僅稍遷刑部主事在部
掌六曹章奏所論救彈駁皆人所難言最赫然者論
奏代王鵬勺父子一案載在皇明通紀其一典禮明
彛倫存國是辨李文節廷機之公清折諸貪人之賄
獄疏雖留中不報而直聲震天下矣然竟以是謫彰
德稍遷南戶部筦庫筦倉筦兌歲省費數萬而輸解
者頌聲溢津旭矣又讓樞關之最腴者不居曰吾奈
何少守貞而老倚門也竟以名高取忌乞終養歸歸
邵武府續志人物 卷八 廿一

而築一室以養母室未成而公卒郡守阮公祀公於
鄉賢祠其所著詩文集梓未竟
廖成賢字赤許在城人少負氣誼重然諾遇事剛果
直行不肯脂韋隨世歲壬寅學宮燬公倡義重新任
勞任怨鬻已產以資其不足不令人知萬曆己未以
貢謁選授和州判官有能聲陞靈川縣知縣未任丁
內艱服闋補永淳縣縣固粵西之僻瘠地也民染徭
俗士不知學公至循循以禮義誨人課士文業陋風

大變而且虐心以決久滯之疑獄捐奉以築水圮之城垣纍纍善政上下交譽考績時旣膺兩臺最舉矣
另又蒙臺省令疏題獎正擬上遷奈病卒於官

徐中台字節朗在城入由貢生揀選惠州府通判判有兩公則職督捕也惠之四區攢山瀕海深菁荒洋鷓冠嘯聚搜剔甚難公至廉得其要領思弭盜必先清保甲毋論在城與鄉每朔望限各親遞有無失事之結狀繩以連坐之法旋即擒巨窩陳采真盜魁陳

邵武府續志

人物

卷八

廿二

敦弟賴亞三等次第解憲正法萑苻斂跡他如督修城垣操練精壯禁八槳之飛渡緇船戶之號籍江氛稍靖皆其力也嗣而署歸長興三縣事讞獄徵輸愛民課士具有循吏之規按院李雲鴻特薦爲粵倅之首隨擢廬州府同知坐轄江防值流寇出入之衢扼要水陸盡力拮据忽遭國變歸里養親嘉遁以全其身亦進止有道者矣

聶芳字桂侯饒村保人以明經授巢縣知縣巢界江

湖之間地瘠民刁舊令以不能官而羈留者數人公
至更絃而奏務與民休息持已以潔事上以恭征輸
以時刑罰以恕督撫監司每課吏治輒以公爲江北
諸令冠擬舉卓異他如招撫湖南保之流民均二十
里之糧冊而且新縣治飾譙樓修學宮創橋廟凡有
利於地方者皆力成之七年卒於任

劉冀宋開封府尹容坊保人其父先流寓於江西廣
昌縣是以舊志失載今其後裔大叅劉伸兵部郎大
年知州大鞏等仕宦纍纍既於先朝請兩臺學憲檄
本縣崇祀鄉賢矣且其政蹟懿行雖不載於郡邑志
徃徃見於他書故爲補入

孝友

王一章字君恕南廂人天性純孝持已端方家貧力
學既爲諸生父每出遇雨章親持雨具以往雖夜分
必持火謹候曾值父疾夜焚香禱祝願以身代翼日
乃瘳毋蚤卒繼母某氏性頗嚴章竭盡誠敬得其歡

心居喪盡哀寢苦枕塊如禮既葬每遇大風雨及節朔必奔趨墓所省視至必悲泣無院佟按院成俱旌孝子常爲子訂配後女患痿痺女氏使人語章請別娶章勿忍棄竟娶歸命子調治之尋愈晚年潛心理學德業愈進年六十八病革不能言取筆屢書毋自欺作好人十餘紙親友爭相持去所著有闢異說醒酒說二卷未刻

明官懋勳字德甫郡庠生天性至孝尚理學長從豐

邵武府續志

人物

卷八

十四

城徐匡嶽先生遊講明修身爲本之學毋死泣血三年廬於墓通郡稱之崇禎間舉孝子年七十有八與鄉介著有孝思錄孝經註釋

孟養浩前朝邵武衛鎮撫家中落不能克饘粥值母病危浩哭禱於神割股和糜以進母病尋愈及母死浩哀毀以終

張希聖八都太源人生毋楊氏年六十七左脚忽生一瘡三年醫治不愈聖清夜焚香告天將已左脚割

肉如瘡大稟命於母曰時得一藥兒為裹於母之瘡處惟愈方可解脫切勿私自窺視瘡過半月而愈母因瘡愈每欲持素聖代母清齋三年易母以暈食時軍廳卽署府任以孝子獎之至今相傳張孝子云許魁卽邵武舊衛軍也天性至孝家貧業樵竭力養母母素喜菓百計供甘惟恐不得其歡心一日母病思炙魁割股以應

黃金鉉字守正天性茂淳潔清自持髫年失父事母邵武府續志人物卷八廿五

余氏極其誠敬家貧力學菽水盡歡鄉黨稱其純孝康熙六年三月僉舉孝子奉張部院行陸學道查獎且勉弟崇儒倡修聖殿素行所感已登孝廉

杜杰

撫院佟給扁旌表

張鴻譽

按院朱給扁旌表

張鴻舉

按院成給扁旌表一門節孝

何煒然

按院李旌表

李如日

學道陸給賞旌表

光澤上官世安字時震邑庠生天性孝友秉秉仁恕事父母晨昏敬謹母病日時以舌舐之未幾旋愈人咸

謂孝感撫弟世昌聘娶均產策勵入泮族里推焉且平居無疾言厲色而周給排難歲荒平糶有貸不能償者輒焚券恬淡嗜書善談道素別號侶陽葺數椽於溪山別墅放懷魚鳥著娛情集三卷行世

泰廖應龍依口保田民也有母老而瞽奉養唯謹順治九年九月十六日昧旦忽有千餘游兵破依口長關老幼奔竄龍率弟負母前遁自執鉞踵其後兵將逼矣龍一人且却且拒如是者久母得以全鄰亦有焉以棄母與全母者較而論之則龍與魏志內鮑出擊賊還母事同一轍可嘉尚者矣

建李崇教邑庠生性嚴毅耐勞苦貧居陶然自適父病割股和藥以進父乃立甦厥子萬捷克承家訓母病捷乃割股投藥中母飲之而愈知縣王良臣申詳督學鄭公三俊以奕世克孝旌之恒誨其子曰人生惟耕讀爲要其壞人心術者不足爲也

李明賢赤下保人質性端謹母亡後卽斷葷茹素念
父老且多病晨夕侍寢處有故外出雖丙夜必返及
父歿遂於停柩之旁苦寢其側凡遇飲啖必肅容先
獻如是者十九年通庠上其事直指李公賜以孝聲
茂著扁額

儒林

梁師孟字太岩順治五年恩貢考職別駕秉性剛方
遇事果斷守己以正持家以嚴崇禎末年諸寇倡亂
邵武府續志人物 卷八 廿七
空城逃竄孟獨恬若無聞年登八十餘卒其子若孫
俱賢且孝恪遵家訓與人頌焉

曾思孔字一吾邵武邑庠生鄉賢真保之裔也事母
菽水承歡疾則躬侍湯藥常赴三山試有賈附舟遺
金五十兩孔得之戒舟人姑勿解纜少頃賈哭至孔
亟提金還之賈請以半爲壽孔力拒勿受授徒百餘
人廉直端嚴無愧師表年八十六舉鄉賓邑令袁公
崇煥嘉以扁曰潛德儒宗

吳應鉉字穆生郡庠生也資性聰敏少負大志崇禎末年闖賊犯逆聞京都失陷絕水火者七日夜號哭骨立而死其友李欣春素與吳善聞吳死亦悲憤相繼而終

王錫祉字繁倩迎春坊人少穎敏善屬文以髫年冠多士時督學王公滌深歎賞之崇禎癸酉科房考趙公珽拔取首卷大總裁亦爲擊節以字越額數遂置副榜家貧事繼母以孝稱兄弟友爱尤篤應順治八年恩薦授通判銜年五十六

邵武府續志

人物

卷八

廿八

王之賓字贊堯十四都洒口人髫年補弟子員三試皆冠軍爲人端方慷慨雖燕處必肅衣冠雅好施濟凡脩建橋梁道路施棺木置渡舟力所能爲者無不爲之應崇禎辛未科歲薦年八十終

徐大用字寓庸南廂達道坊人邑廩生生平謹厚儉質篤學不倦以孝事繼母友爱幼弟舉優行應崇禎四年貢年七十一卒

蔡奎字左婁南隅人父廷俊原籍衛百戶雅好文史
督子以學奎乃潛心舉業事父並繼母拮据承歡貧
無少間甲午補邑弟子員矢志行善諸凡言動悉遵
先軌且喜酣咏然爲文益高華逸曠科試學道陸公
嘉拔遂餼之丙午登鄉薦第一明春父歿奎公車歸
祭葬咸如禮而奉繼母尤厚年三十八遊還卒建州
道通郡悼之

光澤黃正標字伯準杭川人始生岐嶷雋穎方角卅入

邵武府續志

人物

卷八

廿九

鄉校長益務學博物敦行值戊子寇火之餘丁少田
荒稅額不減徵徭騷然標著數千言條其利病以達
當事由是蠲荒徵熟之令下民稍蘇焉壬辰寇訐親
知流離標貧甚家無兼辰之積嚴冬時衣單衣輒約
已周人無吝色爲文宗唐宋大家雋才逸氣每下筆
浩然甲午登鄉榜授山東青城令未任卒

文苑

明邵武朱德政字星衛南廂人天性耿介不與人世

緣卜築白渚溪上日誦咏其間韓歐文皆手錄以讀
故為文如行雲流水有大家風味崇禎辛巳文宗郭
公之奇補試政五藝立就遂入上庠由是聲名藉甚
逆民某欲以女妻政許撥奩田叁拾石政厲色拒之
其節行不苟如此所著有毛詩補說未竣而卒

泰寧江嶠字惟鎮松淑朱子之學孝弟端謹篤志力
行以五經教授鄉里嘗語學者曰正心誠意在格致
後原非一味寂守當時時時持醒此心使動無不當便
邵武府續志 人物 卷八 卅

是身脩見羅呼為老友世稱仰齋先生
揭日字中天淳厚博學異典秘笈無不淹貫為人循
循履道毫不妄及以故士出其門者皆品行卓立孝
事繼母由盡其職天啓間試優等應籛本學具文申
補適母喪有勸以俟文動報憂日力不可讓於下手
學憲歷舉德行人皆敬之今沒三十餘年子嗣武微
敢志之以深品行之節

隱逸

丘嘉彩字白夫崇禎丙子舉人崇祀鄉賢教諭丘秉忠之次子器宇不凡姿性敏異以綱常名教自任凡事有關於國家之大者莫不殫究若邑有議興革可貽久安者皆侃侃不辭乙酉年應監軍閣部傳冠之召歸遂挈家奉母於白水滌之肖岩岩極陡峻題曰尺地可安幸妻孥能偕隱高天堪問與日月以爭光自採枯枝摘野蔬以度活庚戌秋將父遺田宅盡付侄萬瑛因授詩曰余自當窮厄含悲藉汝賢傷時遭

邵武府續志

人物

卷八

廿一

不偶惜節暗相憐澗藻逾秋潔山松更歲好寸心珍重在日月佇高懸足迹不入城市者二十餘年所著有易經妄測三師友志悲秋等集標字畫之款曰丘園邑令洪詩曰季世功名薄所遇隨遭逢苟圖抒壯行但言俱在公赫赫擔圭爵堂堂秩保官徒然耀金紫大義等虜風丘生邁世雄感慨心忡忡讀書淹六經胡乃數奇窮願挈妻孥隱尺地且韜躬綱常名教責暗自傷痴聾家世亦云蘄田宅頗云豐一旦付伊

侄等之若毛鴻高天不可問素心乃轉恫守雌今已
矣浩嘆兼山翁

鄉行

附義夫

明陳九臯字汝孚南廂人郡增生爲人淳厚不欺年
五十乏嗣諸友勸其置妾臯勉從之乃積三十金娶
某婦婦年方少見臯已艾有怨色臯遂送婦歸原聘
槩不索償里人義之文宗熊公尚文按臨戒提調者
毋濫舉優行試之日命通庠公填卷面衆皆舉臯因
拔置優等續妻生子一以爲厚德所致云

邵武府續志

人物

卷八

卅二

官慶 字祥甫南廂人琚之曾孫爲人剛直樸誠慕
義好施凡脩郡學建輿梁皆捐貲助焉且施藥濟人
族鄰人有貧者咸給粟以賑衆重其德御史龔公表
其門曰尚義舉耆賓旌以冠帶

何達字非簡邑西古山人穎異孝友由諸生挾策南
雍博洽無方以獎掖後學爲已任本境田瘠水艱稼
數不登達捐資修築濟川陂圳溉田千餘頃遂成沃

壤里有畫錦橋毀於陽侯達獨鳩工龙村重建一新
丘元舉號鏞山藩司司椽也世居城東郭外樂善好
義嘗施棺於人人有不能葬者悉捐貲以代瘞焉
張俊英滌霞人生平尚義曾與明季鄉賓治東下坑
橋爲踵接孔道天啓末洪水圮焉英先捐銀二百兩
創建闢沙磧丈餘蟠其址上則屋楹秩然永且固里
中至今猶稱之

鄧鳳梧拿口人順治丁亥年建州陷邵界山寇塗起
邵武府續志人物卷八 世三

時江西兵至拿口抄擄焚殺繫梧馬前加刃於頸令
先遁索山中富室梧寧死弗從兵立磔之其村落知
交皆免於難

吳拱德十二都龍峰人順治戊戌年隣寇楊寶入界
掠男婦九人德子亦在內寇索贖德傾橐持三十金
請寇所欲併贖九人寇憐其義許之更令益以十金
乃可德跪曰九人饑疲命湏臾矣能再延一日夜乎
求釋衆人以吾子質於此寇即遣八人還德再貸金

往乃易子歸

謝光惠字連若府學廩生孝行醇篤勤脩嗜學毋懈氏病三年朝夕親湯藥調飲食每夜焚香露禱併率弟妹泣叩灶神毋病漸愈常董修學宮凡捐助給工出入無所私學憲宋公陸公皆以優行獎之

光澤縣

上官臨在城一畝人選授州同戊子寇亂田地荒蕪人民僅存什之三額糧一萬三千有奇邑令奉上招

邵武府續志

人物

卷八

卅四

集勸墾僅熟糧五千餘石而徵比則仍照額糧時邑令高爽詳請除荒徵熟卒不獲免嗣康熙元年撫院命司李龔廷擢查實報部君即慨然自任偕庠生陳大雅領文赴省叩諸上臺導行部費約三千餘金邑貧莫措偕率衆里貸之藩弁遭其摺算藩卒絡繹不絕衆終不能完致臨竭產獨賠二千餘金亦無怨言處已猶益恂謹邑有大利病咸容規畫家訓謹嚴其子銓童而英敏能文應成利器

龔上策在城人事親最孝娶妻黃氏相夫有道奉舅
姑尤加敬謹勤儉治家年二十二卒遺子四人上策
以妻有內助毅然不再娶懼後之來者不能如黃氏
之克養我父母也自是事親勝婦在而加勤教子倍
篤生平慷慨方正濟難扶傾宗族鄉黨咸稱為義以
成孝者

泰寧縣

雷一聲號禹門自稱無裛居士孤情峭性不屑為今

邵武府續志人物

卷八

卅五

人幼穎異有大志與李大司馬同學友善司馬貴顯
後三十餘年不欲一見祖塋為人所侵父鳴春破產
直其事族衆償以圭田一聲引范文正芳規勸父勿
受以存明裡大典族衆多之邑令洪美之曰余鄉大
宗伯董思白諱其先生與理學陳眉公諱繼儒小先
生學相師友及董貴顯而陳不往董因構一樓曰來
仲蓋望仲醇之來也兩人風義何等今閱雷遺事正
相彷彿雷之高不僅此也勸父勿受圭田以存明裡

大德二與文正義田事合賢哉甯子寧獨族人多之
世當共多之也

江豫字象予太僕日彩四子耿介豪邁有國士之風

生平厲廉隅疾惡如事關紀綱義形於色崇禎間鄧

寇盡亂於鄉見祥異志皂隸夙蠹於邑豫倡義兩請於上

剪除之明季亂成知時事不可為遂決計肥遯及兩

京陷清兵入挈家避地南石砦以世受國恩義不屈

辱乃自矢曰與其泯泯而生曷若轟烈而死兵抵境

邵武府續志

人物

卷八

卅六

攻皆豫躬操兵械率衆捍陴及城潰豫格鬪擊殺敵
者身被重創而死

江復字來初豫之弟性寬厚和藹恂恂有孺子色與

寒士交以兄事之時周人之困則鋤其德色意歆如

也然義所當爲又勇赴焉明末慕石朝山巒奇峭挈

家而隱清兵入境臨難不易其志同兄豫俱慷慨就

義妻戴氏亦赴壑而殞 豫復二子幾於商之義士

周之頑民矣然許由洗耳無損帝堯之神聖夷齊扣

馬不失周武之顯名士固有志何至相迫藻光亦言之矣况清朝褒揚節烈風示來茲崇簡宥之規無忌諱之加乎斯裨野所必錄史乘所不遺也矣

何文衡禮部儒士性孝友循謹足跡不履公門兄文付早世妻吳氏茂年孀居調恤備至全其貞操從叔何冬貧老無嗣衡割屋棲之終身贍之邑人黃宗應貧賣墳山酬直三十金廉其已葬不忍伐墳徑還券不索原價天啓四年邑令朱仁臣舉善行崇禎十四年通庠舉賓筵邑令洪公稱其孝友著聞約已周物洵有古君子風

邵武府續志

人物

卷八

廿七

蕭達字字太如至性純孝兄聞宇赴選父天留歿達獨任喪事如禮平生喜博施無機事還田焚券設策賑荒寶蓋岩再建青雲塔合尖所費皆鉅邑令余蛟翔親請賓筵詳見邑令王譽命墓誌

江良珍性介毅不屈教授鄉閭皆率以正遇相爭不理者必直決是非以息其事有妻兄梁雲橋者饒於

貲無子而歿珍不利其有主其侄繼之侄梁正顏為
珍之甥具禮致辭珍直拒不納且引舅犯訓辭不居
功為謝後以子愈敏聯捷南宮誥贈文林郎人稱其
德之裕後也

羅鉉博學多聞應例貢入太學聲振京華世居邑之
南鄉大湖富於貲凡逋祖負債焚券不取惟循潔節
嗇自愛嘗曰吾不敢以先人鉅貲侈靡也與弟鑑異
毋而生友愛之篤出人情意度之外其所居鄉地形
缺下關世苦無能補之者鉉且不吝數百金墾之崗
陵之勢平地起矣福蔭一方人共德之

涂文煥質直無私兄產蕩盡仍取已資均分其侄無
少吝惜又長於經畫故學宮文塔有造皆舉煥以督
成之郡邑大夫皆有額旌

江兆球字公受厚重端慤循循古處有狷士風孝友
為其至性與弟兆益事母恭謹克順無不至焉及死
兄弟粗築土室廬墓三年未嘗見齒開塾講學多所

造就義方訓子皆籍庠序後以恩貢未究所爲

而終

建寧縣

明鄒大猷號星臺以明經授松溪縣訓導陞長沙府益陽縣教諭不赴致仕歸歸而舉鄉飲者十然後卒公舉止翼如也容貌藹如也其治家肅遇族睦與人交朴而有禮端居寡言自邑至鄉無不曰鄒先生長者也傳經授徒其弟子半庠序亦有以甲第勲名顯著然未嘗以齒德宿儒自居與小生遇必均禮雖乍邵武府續志 人物 卷八 卅九

見必訓以格言此先民之遺範也

清熊臣忠字亦良在城人生而穎異丰儀俊偉篤志潛脩中順治甲午鄉試第一時年僅弱冠發榜日坐鹿鳴筵首監臨主司目忠咸嘖嘖有玉山照人之羨幼與吳生師聃同硯席忠有女心許與吳婚未成禮也發解後有富人願納二百金求爲子婦忠峻拒之竟以女歸於吳其操行貞介類如此乙未下第南歸暴病卒於中途

吳鐸在城人以鹽筴起家生平好行其德嘗往來
山道經困關值蜀人爲三山驛丞者未抵任而死
斧乏絕止遺一婦一女喪不能歸困關賈監惡少聞
女有殊色相目爲奇貨可居因爲稱貸殯殮費將鬻
此女於平康里且陽爲女議婚婦飲泣從之計定適
鐸至衆具以告蓋欲令先薦寢於鐸得夜合貨償子
錢家債鐸入室叩婦曰若蜀人有商且宦於此者乎
曰有中表某丞浦城奈遠何鐸遽諭遣諸少惡出橐

中金召子錢家悉償之旋買二小舟一居毋女一居
已徑送至浦城下丞果迎入鐸不告姓名而返
朱臺黃惠塗人耳義相結而爲賈兄臺而弟惠兄行
賈弟居貨兩人一甘苦出入弗籍盈縮弗稽迨賢盈
畝益則質劑書一姓掌握任一人且兩家娣姒雍睦
臧獲趨事如一主後臺族有胥而盜庫鏹者累臺償
五百金惠取兩人公帑償之臺有子二惠子一迨析
產惠欲以子爲率峙鼎足而爲三臺欲以身爲率剖

珪璋而爲二此亦近代之哀桃管鮑矣

熊圓長吉人雅志尚德凡遇凶歲必開困平糶以爲閭里倡或貧甚莫措者貸與無吝色丁亥歲大饑佃戶租額逋至貳百石槩捐之不取縣令孫公給高義可風扁額旌之圓從侄信貧而早死力爲撫孤迄今孤壯矣且遺命創三溪橋載在李嗣元記中附後謝聖伊號魁宇事繼母至孝母不悅其妻伊出之繼妻有娠矣母不悅又出之其父曰嘻甚矣命迎其婦

歸伊賣藥救病好行其德貸貧人粟多不取息客河南值荒疫問症施藥所活甚衆有僕供役十餘年一日召其父來曰汝止一子長事我誰其養汝竟還其父且畀五金爲買遷資有鄉人遺金於途伊捨之久待其人還之伯世達老而孤無所倚伊奉於家始終如一凡族塚之失祭者及無後者皆爲之甃砌立碑他如瘞暴露施棺槨貲贈貧而難婚者皆出自本心不求名譽

附義夫

李天毓廣寧坊人補郡學生常推館穀以贍兄侄年四十喪偶義不再娶明季以廩拔貢高蹈不仕郡東長虹橋復建年月皆其手擇且捐百金以助順治六年按院霍公達以義夫旌舉介賓年七十三卒時敏字勉吾在城人係邵武衛百戶少年喪妻矢志不娶至天啓四年鄉黨公舉義夫按院喬 獎賞旌曰義高雄雉

邵武府續志 人物

卷八

四三

蔡南星字瑞夫南廂人生平嗜學閉戶不出為人端莊敦篤與人接春風和氣年二十五失偶卒不娶里人以義夫舉壽六十餘終

江孔殷號豹隱泰寧縣人寄居樵郡幼以孝友聞其言毫無所苟髮妻吳氏亡殷自廿餘歲誓不再聚惟以筆墨詩詞怡情于山水而已

列女

明李氏王纓妻明經新德其子也氏歸纓年僅十八

纓卒氏水漿不入口誓欲偕亡有諭之者曰子孕懷三月矣保驅以善後所全大也氏悟隨祝曰願得男雖緩死可也及娩果舉新德氏復祝曰願長而成名雖不死可也因以成腹名之孀居五十餘年年七十
八終

陳氏朱文質妻質早夭無嗣氏年二十有一遂矢志守節立侄鼎祚爲夫後凡錢穀出入悉自綜理日督女媳績紵事夜分佐繼子讀弗倦萬曆丁巳鼎入庠氏喜得其後乃以家業付鼎年七十三卒

邵武府續志

人物

卷八

四十三

甯氏明孝廉吳嘉泰妻性貞淑尤喜樸儉歸吳後其守菴鹽每以勉夫科第爲志萬曆丙午泰得薦凡公車之費悉氏脫簪珥資之未踰年泰卒遺子穉甚氏矢節撫孤內外家政井井未見有厲色疾言人皆稱焉年八十

黃氏邵武府學生王錫榮之妻邵武縣學生王元颺之母也蚤年錫榮喪五十年教子成名操如一日且

其家甚貧而貞志不渝順治戊戌間曾經旌表年七十五終

甯氏端娘古山何通妻性溫惠事舅姑以孝聞年二十七而通卒遂守節不二稱未亡人者四十餘年常躬親織以佐子讀子童年八邑庠康熙七年里人以節操聞于郡邑氏年踰大耋未及褒旌而歿

王氏故民何天根妻也天根為進士何望海之子早夭無後王氏毀容椎髻矢不再適已而望海卒亦無

邵武府續志

人物

卷八

四四

嗣氏志弗移家無應門僮僕足不履庭雖宗戚罕覲其面年六十餘全貞以終順治五年士民僉舉節婦黃氏貞娘庠生張民望妻早年寡居節凜冰霜撫孤成人按院王朱二公二次扁額旌表

李氏住迎春坊夫黃時達卒氏年二十七守制至八十三歲其間寒暑遷變歷幾盡矣己卯年署堂事刑廳黎公旌以扁曰貞操凌霜

張氏住寶嚴坊夫以瑜早喪氏年二十誓志苦守不

事膏沐聲不外聞遺腹產男撫養勤劬家貧績紡以
延師且姑係晚歸而氏事之如親母其公亡時氏必
誠必信不啻夫在也慈順素著女德俱全

李氏郡庠生危科之繼室長子非已出撫愛如珠次
子氏生訓誨有方翁姑俱之任氏獨留家鎖鑰親操
絕不已私視諸侄猶子事諸妯娌如母其媳王氏係
次子衍芳妻芳死氏年二十有七慟傷幾於滅性長
子猶在襁褓次子遺腹氏俱育之成立姑媳辛苦計
邵武府續志 人物 卷八 四十五

守節五十有九載

胡氏故民李廷熾妻熾死氏年二十有三其子如日

方穉氏多方撫育成立補邑諸生康熙三年通庠公

舉德行母道有光矣奉撫院

張劉

給扁旌表二次壽

近九十而終

黃氏古山虞閩四之妻也順治五年江寇入境大肆
剽掠氏為寇所獲悅其色欲逼之氏義不受污遂抱
嬰孩投地而死是後更靜月明之夜每見一女不

亭獨立

陳氏名炫邵武界首人華暘之女江亘南之妻也能讀書識大義辛卯正月間寇從潭陽至氏投河蒼頭周文順拯之乙未六月十七日寇復奄至驟入其家驅氏行氏誓弗從寇刃叢氏頸迫之亦不行寇強負之氏從負者背咬斷其隻耳以血唾之寇貪其色終不加刃氏罵不絕聲遂殺之寇首聞其烈狀亦索負者殺之時氏年三十按院成給扁旌其烈

高氏十四都陳周四妻順治戊子年為郭兵所擄負至對岸石崖其下深淵莫測氏即投崖溺死三日後尸浮原墜所而出面色如生鄉人稱為神異

陳氏故庠生熊明德妻年二十六歲守

及七十貞節無疵

劉氏拿口鄧儉妻也儉死時劉拊棺哭曰吾已孕三月倘生男必不負死者後果得男順治丁亥年江西兵至大肆殺擄驅劉氏母子行劉牽其子曰我十七歲作寡婦至今守此一子今日母子一處死耳兵亂

刃砍劉頂血出暈地兵去乃甦剪去血髮髻剃塗創
二年始愈

晏氏里民張新甫妻奉侍姑嫜供歡菽水戊子年土
寇猖獗氏於十月初四為亂兵所獲義不污身伏刃
自殺時年二十有二

張氏

民杜學弘妻蒙
撫院佟給扁額旌表

毛氏

儒醫時登瀛妻蒙
按院朱給扁額旌表

何氏

民張光瑞妻蒙
按院李給扁額旌表

光澤縣

邵武府續志 人物

卷八

四七

李雲龍姑中憲大夫子章女也適邑庠生上官亮姑
瘋疾躬承盥櫛勤慎弗怠戊子罹亂夫亮偕氏避居
西鄉鄰省寇突至家人覓筏渡河甫登筏而我馬蜂
擁矣氏恐為所執携五歲子上官生付婢囑曰汝快
抱小子逃生我不及見汝主矣即拔簪拴髮躍身落
水越宿夫祭江尋屍屍隨浮於沉所面不改色按李
氏自變亂居恒語婦輩曰女子不辰遭逢亂世遇兵
遇寇惟有一死死可全節適愈於生至是果如其言

都人士賢之邑侯林公嘉其節旌以詩曰何以捐軀
入水洛祇緣寇發未曾平纔臨沙岬乘桴計倏邁霜
旗統曉明大節克全能取義純瑜無玷自成名柔腸
却勝剛腸烈踴躍波心萬古榮

聶氏攀姑即子章次子雲漢妻也年十八適雲漢甫
數月值亂避居西鄉隣界寇發戎馬逼至氏徒行避
之被執脅氏同去氏不移步旋砍一刀氏厲聲曰寧
死不從汝行頭可斷身不可辱連砍十一刀氣絕里

邵武府續志 人物

卷八

四八

人同難者匿於莽中所窺見寇退報知次日雲漢殮
屍歸塋之是日同殉烈者子章女入於河媳殞於刀
時稱雙烈邑侯林公以其事上聞有詩輓曰臨難捐
軀命非圖苟且存成仁全大節守義正彝倫斷臂緣
堅志捐軀殊慘魂今時真烈婦旌與智仁聞教授王
合而吊之曰先生道學有其源雙節轟轟出顯門殆
若有期同日死安然捐命不呼冤千刀莫斷堅貞骨
一水能生氣節魂含笑九泉無點恨萋萋芳塚老乾

坤

李氏邑人陳其謀妻也年十九夫逝生女不育立志守節抱侄南傑乳爲己子事舅姑以孝聞處妯娌以和著人或勸之諷之氏若罔聞撫子在懷私心自幸曰吾無子而有子夫死而不死矣志足矣于萬曆二十年直指喬公採風入告旌其門曰冰清玉潔氏知書識字誨孫大雅目見其入泮年八十而卒

彭氏年十六適邑人李天錫未及週而天錫歿幾欲

邵武府續志人物

卷八

四十九

負殉矣遺腹而生男贄艱苦撫孤事舅姑以孝聞逮贄補弟子員入國學選授北城兵馬副指揮克承母志崇禎甲戌年繡衣路公採風旌其門曰青齡勁節訓諸孫皆業儒孫正紳補弟子員諸孫皆貧而學不輟氏真苦節裕後也享年七十有五

葉氏邑廩生黃大緇妻年二十四而寡奉八十姑撫三歲兒事姑以孝聞逮子尚猷甫長延師教誨剪髮和丸卓有古風崇禎甲戌年邑人僉舉直指路公以

事聞旌其門曰貞節丁丑歲子猷復殂遺孫二人教誨益嚴皆次第補弟子貞是時氏年已七十媳王氏恪遵貞訓共勵冰操亦以孝節並著丁戌子亂孫應吉奉氏避于鄉遂告終焉造次瘞荒蕪之區越五年擇吉改葬失棺所在號天悲慟恍若有人導其前而棺適露迺舉與祖合塋焉人傳云生貞死靈裕後成名合塋獲吉志遂目瞑我人頌之永示先型

李氏者邑孝廉何本盛媳也本盛繼母生四弟皆剽

邵武府續志人物

卷八

五下

悍盛登賢書後赴選遊州守未任卒繼母弟謀毒其子有謨啖以粥寘毒其中方咽而毒作奔歸嗔目語氏曰吾中毒今已矣而年艾男四齡寃何由雪吾已矣柰若何語竟尋逝氏撫膺哀痛矢以死白寃力懇諸憲臺百苦備嘗閱十餘年不得報有謨精英迭現時聞號泣聲氏志益堅遇中丞朱公廉明親鞠立獄三兇有謨自此號泣聲不復作矣奉姑益孝謹誨子其晃弱冠補邑庠生書香得以不替崇禎丙子歲張

冢墓旌其門曰節孝兩全

李氏庠生郭緯妻也弱冠蜚聲藝苑齋志以歿遺二子一女孳孳撫抱將終顧謂氏曰吾志未成冀二子有以繼之然汝方青齡其若之何氏泣應曰誓成而志也栢舟自矢事繼姑以孝訓二子以勤弘與毅果第冠軍及女嫁男婚氏仰天嘆云可以報亡人於地下矣自是食減憂傷病革訣二子曰我死必與父合壘使吾魄猶相依也其苦節嚴訓士庶咸稱爲不可及

邵武府續志

人物

卷八

五十一

李錦娘原任建始縣令息之女孫也適庠生江筆彩而艱於嗣氏勸夫娶妾以圖宗祧夫貧出奩貲以助洎妾林氏生子宗海而妾死氏撫育不啻已出夫被難宗海方五歲母子伶仃家無長物氏年未三十辟纒教子期于成立值兵戈擾攘氏毀容斂跡撫孤全名以節終

黃氏邑先朝奉議大夫文魁女孫文林卽以昌女也

配郭蛟甫五載而夫殂遺孤三曰敬曰任曰時氏年二十有一哀毀踰常必欲從死舅姑暨父母泣謂曰而夫雖逝煢煢三子誰其撫之死節全孤孰優爾其裁之氏意亦少釋自是事舅姑益謹訓三子益篤次子任髫齡補郡學生值戊子兵荒備嘗艱苦舅姑旬餘相繼而歿僕遜子幼喪盡哀殯盡禮人莫不敬服焉順治十六年繡衣成公旌其閭曰彤管流馨今年七十三子八孫訓誨不倦

黃氏幼失父與母相依十五配邑人危必奎事舅姑以孝聞生二子曰煥次曰樞年未三十失所天值兵荒薦臻携二孤歸母家朝夕紡織不輟上飯母而下粥子糠粃自甘豪族有知其賢而貧欲奪其志者氏引刀指天誓以死殉里閭肅然起敬今六十矣而母八十在堂氏冰操愈勤教子愈嚴事母愈孝子樞童試即冠軍而餼莫不稱令母之可風如此
官氏北鄉梁大言妻也年二十二孀居撫孤閨訓甚

肅歷遭兵火矢志不移戊子年亂氏携兒媳逃避深山投荆阻溺並日饑劬與子以死自期及庚寅復罹寇變身赴清波救而獲免堅貞勁節里黨哀之屢蒙上臺表其門

李氏汪氏張氏大田庠生廖愈達之一妻二妾也清兵丙戌年九月四日抵邑達於病中先期挈家登岩三婦皆有殊色自相誓曰國破家亡辱無不至兒女子決難自全迨破石輒李遽投崖如飴達又與汪張

邵武府續志

人物

卷八

五十三

他遜覓得一丁詎斃薄爲兵所矚喊殺震驚張亦踵李而去未幾達捐金得令箭以防身汪從容告達曰妾所以後死者扶君病故也今有令箭君可全生以奉公姑矣即撒手懸崖左投右反筋骨俱碎逸士雷易有傳並詩邑令洪公有詩在藝文志

蕭氏朱口蕭德亮女嫁本保朱子長丙戌秋避兵于椒坑兵破石輒路經其地氏抱子被執因賺其兵曰我抱兒不能走汝若抱之願同行其卒信而抱之氏

乃投身深池兵亦隨擲其子子母俱死

楊氏福山保之女適石剡庠生馮肇先于歸三載值清兵至避難于南石若岩未破之時預訣姑嫂將所佩釵環分給諸人以銀鐲付嬸令交肇先曰余爲君子全節願善眎遺物以當永訣言畢翻身投崖而死鄒氏在城北隅人交溪保謝經靜之妻順治丁亥歲被郭天才兵執之不從倏于林間裂襟自縊有子二人一應彥爲兵捉去一應傑娶交溪保楊氏歸傑後數旬之內姑死節叔被擄翁以憤鬱歿傑又以病終氏揣無依勢將改字遂盡質所貯以治喪喪畢自經而死

邵武府續志 人物 卷八

五十四

丁氏信義保女嫁龍湖保童光美有殊色丁亥歲年十七爲魯兵所執逼令從已罵不絕口兵復令卒以威劫之氏終不改再以好言誘勸怒罵益力至縛之馬前百般恐嚇竟不移操殺之

李氏在城女幼知書十四歲適交黃坑庠生謝九陞

順治戊子年郭兵焚掠各鄉將至其地舉村逃竄氏亦隨叔九進同走僅半里許兵勢急叔意負之而去氏正色以爲不可曰叔但速行毋以我故累汝倏忽回顧氏已溺于溪池矣

何氏將樂崇善人饒丰姿十九歲嫁梅林聶齊不厭夫貧友好無間已三載夫爲虎所噬氏亟募隣人追之拾得全屍即以所服白衫揩拭血痕殯畢出所有供其塋事事畢又將所餘者分酬諸人乃服其血衫

邵武府續志人物

卷八

五十五

爲和衣有戒以不祥者氏不吞入內寢自經殉之

饒氏王憑雲之妻年廿三而寡家素寒薄遺二幼子與耄年姑在堂氏誓不二庭其外家梅瀧去城甚遠給氏歸寧委媒以奪其志氏潛携二子逃歸侍姑奉養者廿餘載且含茶機織爲二孤完嫻歲時伏臘以過哀喪明于順治四年壽八十三

江氏大田楊之妻甲申春天災流行夫之兄弟三人妯娌二人先已分爨而殞氏遺四孤伯遺三孤

叔遺一孤皆三五歲至八九歲而已孤則呱呱氏獨
乳榮族里危之氏咬指瀝血收撫羣孤饑寒疴痒一
以誠求氏忘其非己子猶子亦不識其非己母鼎革
後兵寇交馳無寧居者數年母挾與俱皆獲安全氏
囑長子一登俾完婚方析爨康熙六年壽屆正寢諸
猶子輩終喪三年雷開先詩曰托孤臣大節弱婦攬
呱羣三幹仃伶際千年松栢身燈寒餘廿載泪積見
先人貞義終無死月魂滅鬼憐

江氏息貢生李自樹之妻氏青春守制垂老孀居已
四十年順治十三年按院朱旌獎曰操同金石令尹
王旌獎曰玉潔金貞郡守劉題守墳處曰霜松
羅氏江寬妻也年十八而寬歿家貧無子富人謀娶
誘以歸寧登笄氏覺之乃斷髮誓曰吾頭可斷吾志
不可奪也足不踰閩懸夫像于室每食必祭孀居五
十餘載未嘗啓口一笑後上聞表宅

李氏庠生馮朝明妻也年十六歸門兩月而寡起卧

隨姑刻步不離避亂啟產不用男子手引曰死即死矣安可違禮而苟活耶事姑以孝立嗣以慈年七十卒有司上聞表宅

江氏梁述妻也述早卒遺子煥年數歲氏持孤守志貧苦自其時同堂姪梁舉居其左隣每數十日有書記召至中堂秉筆氏于內報數以聲傳未嘗以面交雖至親不輕接一談其凜凜精白居孀五十餘年如一日壽七十三而終今子嗣式微莫為傳表

出梁氏族譜

蕭氏梁萬里妻也初為夫棄無怨言乃格其心未幾里卒遺腹三月同堂危撼日生百方自全彌月生子山氏益含忍保護始得成童教以詩書年方舞象遊庠氏惟苦績自日食外銖累有餘付叔萬奇置業家道方隆不幸奇殞門無長者山亦不檢身亡氏携子歸守志倦倦以宗祊為重撫有孤孫視若己出數十年中顛危備歷今苦節六十有二而終出梁氏族譜

明唐氏灣坊徐麟瑞妻名丹桂廣昌唐坊人年十七夫死自經而殉其父母奔弔見其衣帶中有手書數字云婦道已盡無忝所生邑人多作詩弔之

官氏名異香在城人官祥之女也失其夫名姓其姑嫉惡少闖入其室欲并污之婦恐難免遂雉經死

清李氏王家政之妻楊氏王家祚之妾皆莆田人家於建邑者三世矣二氏皆寡居同處一樓樓跨城臨溪順治戊子城破李謂楊曰勢如此吾兩人豈可見

邵武府續志

人物

卷八

五十八

賊而後死乎遂各結束從樓上投淵而死

李氏謝顯之妻城北李春田之女也戊子城破自經而死

張氏縣丞徐時賡之妻浙江龍游人也隨夫宦於建邑戊子城破投井死

以上四人署縣事府同知洪秉銓申詳按院霍公達入祀風教祠

李氏諱長娘武調保楊源葉際劉國平之妻也年二

十喪夫育子事姑曲盡慈孝順治辛卯爲賊所掠欲
汚之氏給賊曰屬目之地謂羞耻何歸營而從汝未
晚也賊喜釋其縛而偕行行至楚上三嶺過石橋投
崖而死時年蓋二十六云貢生徐中極避地楊源知
其事白於司諭張公賜扁以表其廬

艾氏瀾溪澣口曾璉妻也順治庚寅兵至南鄉艾與
其姑蕭氏俱被擄婦謂兵爾釋我姑我願隨爾兵從
之携氏而行至陳坪投身深潭屍流至合水口其夫

邵武府續志 人物 卷八 五十九
收之

陳氏生員徐必發之妻也食貧佐夫篝燈績學紡授
子書母道無忝戊子城破賊入其室陳叱賊不屈投
井而死幼子懋祉擗踊痛絕亦奮身溺井同死嗟嗟
母以節捐軀子以孝從井一室之中節孝並敦可謂
難矣通學生員廖賓賢等舉報縣府蒙府轉申按臺
霍公獎賞給扁以爲風教之勸

葉氏福清縣人明太師謚文忠臺山公次孫益苞之

女而庠生張祈之配也祈父可仰以乙榜掌教建邑
祈遂補建庠生夫婦俱孝謹好合僅年餘祈力學得
病氏剖臂和湯以進臂潰弗_治歿矢死相從作書別
母檢服飾以分遺諸親登堂拜翁以相訣情詞婉摯
慮患深執義確自是遂絕粒忽一日謂人曰吾母遣
僕魏三來視我旦日而魏三果至氏讀母書畢即火
之曰吾明日長逝矣絕粒已一月始歿蓋康熙壬寅
七月也彼其待僕之來而後卒顯示全歸遲速由已

邵武府續志 人物 卷八

六十

且殯殮之際玉貌如生衆共往觀競作詩文以表異
之女士芳規此其最著矣

邑上徐中恒有全傳在藝
文志中

高氏黃淵之妻新城保人鄰居失火將及其廬翁柩
在堂氏撫棺慟哭而火自止年二十三而寡男梗纒
三歲或欲奪其志誓死不從艱苦撫孤事姑盡孝郡
守旌之

何氏謝國徵之妻銃村保人年十九夫故無嗣撫繼
子世傳成立孝事贅姑雖厠穢必隨院首旌其門曰

節孝

余氏黃燭妻十七而寡遺孤孺生終四十日守節事姑以孝聞巡撫龐公旌曰坤維正氣

楊氏李奇雍之妻周坪保土磔人年十六雍病氏欲強詣父母不許楊曰安有所天病而不侍刀匕者乎歸期而雍卒楊猶未成婦也父母兄弟欲奪其志楊以死自誓有老嫗以微言挑之楊闔扉哭曰吾欲守貞而不諒者乃撓我不休豈以我爲憚一死耶遂自

邵武府續志人物

卷八

六十一

經娣如驚救之自是無敢以他言進者然居恒未嘗戚戚伯氏奇璧教其女問曰媻何以不愁楊曰守節婦人職也若見爲苦難惡能守耶奇璧大奇之誠其婦曰守貞固其天性然家人內外要當有以成之夫所謂非苦難者在彼言則然顧其所爲極難耳其婦亦能體璧意與相得甚歡久之乃得璧次子宏爲雍後楊親課宏讀補邑庠生宏復早卒楊砥勵宏妻黃氏撫二子黃亦能勵操孝養邑令邵守前後並旌之

孔氏廷娘開山保丁貴鼎妻二十八夫亡矢志孀居
孝事舅姑撫子士濂士濬怡怡有恭歷五世同居享
年九十七冰霜凜凜如一口縣府道院嘉其節擬首
題請特旌曰節孝之門

朱氏李寅之妻寅早歿其兄與嫂又相繼歿俱無嗣
越三年寅弟富又歿僅一子傑纔襁褓朱父母謂氏
曰而家凶禍如此乳乳僅一孤誰與爲後而苦守爲
乎氏泣曰兒雖無與爲後然與嬸共一侄猶兒後也

邵武府續志 人物

卷八

六十二

且兒何忍舍姪因抱傑大慟未幾嬸又卒氏撫姪極
有恩婺居四十年閨門肅如也郡守采輿論旌之
何氏王寵之妻大南保人寵年十五而病氏歸侍湯
藥三月而寵亡氏年纔十四耳猶未成婦也父母迎
其歸寧謀欲改適氏哭仆地以簪刺其喉示必死父
母知不可強乃送歸自是遂絕跡母家矣夫兄名冬
爲臬掾携家福城念氏少不便偕行勸令改節氏曰
伯以吾累若蔡羹乎第日給米一升他無所累伯也

久之以伯子繼子又不率或又諷之氏矢志如初賢
司訓譚公如桂拜其廬捐俸周之贖令左公欲聞于
朝已取結於庠矣值內召不果年六十五而終庠彥
李鳳翔董邦言助貲以塋

廖氏在城人范應寬妻年廿二而寡無子邑諸大姓
爭委禽焉或勸其改適氏泣曰命如斯矣誓爲范氏
守此未亡身也自是閉戶誦經足不踰闕者五十餘
年順治己亥氏年七十有三邑令溫光涵廉得其事

申于直指李公以節勵雲根額褒之

曾氏詹國宗之妻年十九而寡無子後姑又凌虐之
矢志不移越十餘年始得國定之子雋以承祧年七
十五而終

王氏廖大器妻名淑通判王用贖之女也器歿遺腹
生一女無可繼者舅姑逼之嫁氏以死自誓攻苦百
端久之姒余氏舉子氏撫以爲嗣出其嫁時裝買山
塋器虛其右以待已徙余姒衲已右臨終如母黨以

相訣於死生之際若有條然者

邑士謝汝聘為之

徐氏黃燧妻年十九而寡以從子都承嗣貞靜婉懿孀居五十餘年而卒其丹從姪水部弼年稱其節艾氏丁兆祥妻事姑至孝體姑之意奪已女之乳而乳幼叔早寡無子以夫弟之子妍彩為其後撫彩極有恩家產一聽二叔處分毫無所問婉懿之德族黨稱之

周氏庠生熊大捷副室也年二十二而夫死遺孤國

邵武府續志

人物

卷八

六十四

泰生僅兩月家值中落氏茹苦撫孤形影相弔孤稍長悉氏紡績佐讀姑程氏老而且瞽氏服勞盡養行坐不離左右迄今氏年六十泰已為諸生邑里嘆為苦節庠生袁奭等僉名呈縣轉申于直指李公蒙給扁旌之

湯氏桂娘在城余萬祚妻年十八未育而寡祚臨終永訣氏泣誓為夫守節里中聞其淑貌託族親勸其改適氏閉戶不見遂斷葷酒撫繼子無異所生孀居

三十五載始終無玷惜以鄉居未蒙旌扁
黃氏謝朝銘之妻年二十五而寡遺孤僅五歲食貧
守節撫此孺常乏薪不能晨炊同居者遺以束薪
氏不受曰非吾錢所市非吾子所採不以炊除夕囊
無一文其子未歸隣人饋以酒肉薪米力却之其介
然不苟如此比子長能自立氏享年八十三族里稱
之

范永選妻寧氏者克脩婦職孝姑敬夫年屆三十幸

都武府續志

人物

卷八

六十五

舉一子名有用乳育僅兩月而夫棄世寧號天痛絕
將欲身殉念此孤嬰爲亡夫所藉不忍擲當時選雖
賈久家亦中落寧茹荼撫孤逮有用稍長寧仍令習
賈以資母子之生崇禎十七年寧壽六十通庠生員
廖元愷等憫其苦節上其狀於邑侯方公大普申道
府賜節著栢舟扁額旌其廬寧年踰七十卒有用有
子嘉猷名籍校序

遷寓

泰寧縣

黃端伯字元公江西新城人官至禮部主事現宰官
身游戲三昧至泰見雷開先深相許可題于齋曰秋
香滿院題于家曰求忠門乙酉年死節

池顯方字直夫泉州孝廉為李維禎蔡復一譚元春
諸先生之友慕邑山水而游所留詩記見晃岩集

傅冠號寄菴江西進賢人官至閣部丙戌春避地于
泰之汾水為清兵所緝令其剃髮不屈執至汀州死

郡武府續志 人物

卷八

六十六

節李世熊有傳並汀郡哀章行世

畫網巾先生名位鄉里皆不可稽其初同二僕潛于
邵光之山寺中衣冠網巾如舊庚寅夏為防將吳鎮
迹得之俘至邵之副將池池偉而禮之戒部卒曰謹
事之去而網巾可矣先生謂二僕為我畫網巾于額
上曰此大明制也即死不可忘人羣噪而觀曰畫網
巾也是秋左路總督王以勦寇駐泰先生謂池曰我
識總督王曷不以我詣彼乎池從之王見而愕然寔

不識也先生曰既不識請見殺王允反覆勸諭令其
雍髮全生先生曰痴物網巾尚不忍去况髮乎死矣
無多談二僕先向主叩頭辭而就刃先生從容檢袖
中詩一卷擲于地遂挺然受刃于邑水南之荒園中
庠生謝韓收其主僕之遺骸卜地瘞焉寧化李世熊
聞而詐傳里人丘嘉彩亦有傳浙江紹興游客林景
蔚演畫網巾劇○陶靖節以史失齊二客魯兩生之
名為恨今畫網巾先生之死于秦也人皆以無姓名

邵武府續志

人物

卷八

六十七

為先生奇夫先生固不屑夫有姓名者也然先生之
姓名亦何可不傳也時有河南懷慶之俠游馬耀圖
者隱於營中密告雷易曰先生姓馮名生舜云并志
之俾後之闡幽者可以無靖節之恨也

附傳 外傳



藝文志

大業有三言所必立若夫胃湛智珠座標龍鑑
視通乎萬里不設樊籬思瘁乎千林論先風氣
原始勿欺而及事克定此經世之謀也至于身
列動中意超物外蕭蕭丰韵而有歷歷深懷登
大雅之堂破小言之惑即淡著山川之景實高
宣疾痛之群料非清言玩俗之流徒然丘壑而
託興于徵歌暱酒之間矣斯時斯地可采而垂
者尤不乏焉續藝文志

邵武府續志 藝文 卷九

一

經類

張能恭禹貢訂傳

史類

施鴻史測起晉訖隋凡十四卷

鴻字則威由明經現任婁縣丞

文類

奏議類

張能恭選刻李忠定公奏議十卷

與府庫板異



記顛

西塔禁碑記

山名金鰲脉發岷嶺歷沅渡贛迤遠東走折而南由
天目一支入僊霞而來且昂且伏至鰲峯而止熙春
為之護沙而左靈泉右樵水樵治立焉宋有城垣範
圍鰲山秀氣全聚名賢輩出所由然也明改築進里
許而鰲山遂為白虎萬里結脉已不能全收矣况有
挑泥掘塹亂窳窳之以洩其氣哉不佞登眺相視稔
知地之仰澤于來脉猶孩之仰哺于乳母保母乃以
育子保鰲山乃以福樵治所關甚大習俗罔知謹樹
珉于山之縮脉處有挑泥掘塹亂窳窳者罪無赦崇
禎丙子歲午月吉日昭陽令吳人金邦柱識

周方伯全城碑記

樵棘而穴然闕凶鑰也丁亥秋會芝城變郡東南竿
木林起而適我櫟園周公祖攜憲節從杉關入駐焉
憲署舊莊會坊古郭使君乘傳由分水進道周莽闢

太守陳公詰司馬洪公秉銓倡勇敢峙糗糧則有若
縣尹趙公之璉而公實總厥成云已而芝鐔並恢大
援日至公方卜以仲夏吉泣治於榕樵之黃髮黧齒
薰香跽泣堵江臯不使行一二達者曰岱雲膚寸雨
天下河水涓勺滋四野詎人得區畛之者公澤及樵
已飫而七州之仰於下流亦禱且願矣抑照臨在會
區光又未嘗以樵匿也胡為而欲私之於是前之薰
香跽泣者僉曰唯唯否否不可私者公之大而必欲

邵武府續志

藝文

卷九

五

私者吾樵受恩之區區耳因謀所以志公功命京言
而壽之石京不敏側從父老聆前後勤勞甚悉用是
薰沐稽首而識焉公諱亮工字元亮櫟園其別號也
庚辰進士前維揚備兵使者進八閩觀察使今陞右
方伯肯順治己丑嘉平穀旦內翰林國史院庶吉士
林雲京撰

周公詩話樓棠菱碑記

詩話樓何以名以宋嚴羽也樓何以碑以今大方伯

櫟園周公也壬辰春余校士邵武畢登斯樓而飲焉樓介萬山間其東北環樵溪溪水深碧色如綠草方雨過下注若奔馬即漢樓船將軍出豫章故道也其西則熙春之山也其城則越王之烏陂也玦合倚複飄忽吐盪其南則溝壑井疆若繡若綺嘉木美箭出焉其後楹壁間有勒石則周公所賦寒食登樓詩四章也余讀而嘆曰甚矣公之雅以風也郡守進曰公之來也自絃誦筦匏靡不式下也山居谷飲靡不恤

也甚矣公之文也諸校進曰未也不聞公之武且仁也公以偏師定郭天才之變單車而降魯省楔牙狼喙擊如羊豕羨其破獍以貽哺我子弟子弟之有首領股肱則公保也三老釋杖進曰未也是舊勛也盱江耿虎之叛也我昭武之北門弗啓公大撫而又治之不日月也又何疇昔之是徵余曰其詳可聞諸三老曰循嶺而西爲杉關關右道豫章光澤之縣八千戶封豕狐狸蝕焉弗克固吾圍敵耿虎自盱江殺吏

民鼓行而造郡城先聲請伏精甲獷獷徹爲方陳而
疏行首夾以駟馬馬皆塗鐵建螯弧伏屈盧升樵嵐
之巔以矚城中千人沸唇釳地大譟中宵伐松栢舉
燧火城中互驚曰西門甲矣東門旆來于于矣叛卒
又自驚曰師出矣周公蒞止黠者疑愿者賀弱者揚
強者奪氣民登陴而望自郭門以及松洲曰我周公
也自松洲以及石岐曰我周公也相喜歎有泣者公
至今叛卒勒甲伍摩其壘而鼓之曰若知頂與踵乎

反踵而行趾必蹶踵加于頂身必斃爾逆天嘗是自
覆也又鼓之曰以峒寇張自盛之擾我鄙也俛爾爲
羽翮焉搏鷄之狸其力幾何毋與同燼三鼓之曰軍
律有之登城者爵執珪摩旌者一級刑者弛死者贖
大司馬虔糾于海甸也是有爾生也盍不奮一軍稽
首崩角踴躍公使吏餼之稷若筐酒若罌牛彘若肩
徒一伍者一舟騎一伍者倍舟春水始放烝徒疾進
其來如風其去如環邵人以安今卒之所屆吾不知

也公之善備吾亦不知也吾小人牧鷄豚擁婦子朝
耕夕偃而已余嘆曰懿哉公之勤乎天下之動草竊
爲弱戍士爲猛其坐伐擊刺恒肄也公矛朱綬龍旄
犀渠丁寧鎛于恒庀也齊之難也以瓜期秦之難也
以閭左是以先王之教兵出車以送往采薇以勞還
而又申之以話言諷之以咏嘆閔之以飢渴遲之以
室家悲之以雨雪鼓之以執醜故事奮其死而民樂
其上其有不率則建旌以招之父母棄墉以呼之又

不率則斬戮于社以釁鍾鼓今盱江之衆戍賊州將
至逆也大司馬陳公解劍贈公臨食三嘆至憂也公
播以令聞臨以至誠羈馬不鳴告成厥功毋以豺狼
而擾穡事公真大臣風哉邵民于是群進曰民俎豆
公矣在茲樓也登斯祝焉望斯祝焉起而視嚴先生
之左則公在焉余曰邵僻壤也知祀公又知祀公于
嚴先生之樓何其文也蓋公之德教遠矣是爲記順
治九年歲次壬辰秋日福建提督學政布政使司右

案議雲間宋徵輿撰

石規重修碑記

邵武國山中厓屨礫磬間以埒積澱泉潏澗淺溪導引涇瀆艱甚而樵嵐其漢魁也濫泉至油榨陂西南流數十折歧半解者凡幾昔人欲導流注城溝分股引水有木規一座跨河傳度弘治間守夏公易以石嗣因壞既修者萬曆己丑有令王公乙卯有守韓公無何又損城溝水脉屨然盡矣今上御極十年吳淞

邵武府續志

藝文

卷九

九

金公令我邵四載巡行市廛輒疑水盪故而田梁二生以斯規請于是步郊外徇咳岵旁地數十里果曰塹關支行匪此蔑繇也乃命義士督工匠爲之堅舊址剗新規延袤一十七丈南枕河岬以接榨陂數折之流而入規北亦枕河岸以通于水拱而入城又念油榨陂昔經碓戶賄匠藏穴漏水而南流之脉鮮且民資灌溉截涸分斷而南流之脉枯乃爲之增痺培薄擊障蘊瑕節制旁途以歸一又念邇來城溝削壅

乃諭居民擴循故道侵者有禁繇西營東折而西在
朱子祠射圃又折而東經城隍廟南上股支引注月
池已又北折而至福民坊及倉巷由倉巷北流者腰
股而東入常豐倉注護火池繇倉巷口少西折而至
九龍觀前者岐為三一折而西遶縣治北流去七曲
合一南折經高家巷而過八泰街一經流四角亭下
折而東至鳳石坊其自倉巷北經饒家井者又少折
而東流布政分司前至湯家田街又北折出鳳池巷

邵武府續志

藝文

卷九

十

諸東流者俱入烏龍橋斬馬橋陰溝入于東之大溪
蓋規水之源委所宜疏者靡一不濬焉凡五閱月功
始告成所費金錢公半斥鍰半募義而民不擾又設
規夫上下察流以守此規諭禁碓戶勿有决隄盜流
者用畷經久都人士建祠立碑以報公德以紀鴻功
屬不肖能恭為記不肖因得頌言其畧蓋茲規之亟
修一為縣治湏些水以作襟帶一為邑庠湏些水以
奮蛟龍一為常豐湏些水以護軍民之大命一為民

居須些水以衛幹上譬身血然周流則潤壅抑則稿
閉而他注則疾作水不可一日不行猶血不可一日
不流也人文戶口皆於是賴其繁重不小顧前世州
縣為一身一家計而不為斯民計即為斯民計而能
肅清于一時科役獄訟之間已可優騰薦牘誰暇為
萬年興廢計者公任滿功成旦夕內召不少驛視而
剪篲修復之無已信明德溢流如水之長鴻功綿亘
如石斯壽也保成勿壞在嗣武之人矣公諱邦柱號

邵武府續志

藝文

卷九

十一

我生時鄉官魏朝明捐田若干助守者養鄉官米嘉
穗孝廉高佐暨不肖能恭庠生田文慶梁維孟義士
周庶等凡諸竭慶從事者例得併書以附不朽云

重修朱文公祠記

汪麗日

道自孔子而著人言不殊韓退之謂孟子功不在禹
下著孔訓也位食異代誰曰非宜至朱文公作箋註
所著益淵且微詳且備不惟斯人祝之苾芬卣管間
孔孟引手矣獨是邵郡專祀文公者何蓋建陽公所

字也與邵峯雲接凡著書畫卦諸跡可望而指若夫
半嶺以西則嘉禾歛耨地當何李諸君子躬親函丈
懿誨日聞而公之勝遊泛覽在樵嵐烏坂尤多以故
社壇之建亦如曲阜之陵鄒山之寢道範始基久而
勿替按有明弘治間司馬張祭愛公履轍力構行祠
正德中再修置田若干畝選其裔奉焚祝萬曆中再
修日遷而盛誠向道之志未嘗或岐季代多譁正宗
尤亟余慨異學之紛揉懼六經之罔振早歲觀書已

緬芳桀矧茲出而仕焉又幸值蘊靈之鄉乎然年世
既悠古人莫覩及考其遺踪徒使十丈苔莓肆延侵
剝幾何而非函壁頽垣埋琴斷壑者乎嘗踐其庭愀
然感焉因詢其四十八代孫名以緇者進而曰今鄉
先生生有以德沒而祭于社比比皆然况孔孟大業
賴之興起者雨痕風竇祠貌墟蕪爾之咎歟非歟雖
然今日亦予事也爰手撰募疏先捐工價三十金及
杉木瓦石命就近諸生勸其役抑知大道在人共相

鼓舞閱數旬而鼙鼙之穴已彌析椳廊廡之缺已葺
向未為馬肆為豕牢垢積而欲盈者已潔列坐之名
已正因再瞻拜其下目曠神怡獲以時親道域幸也
凡夫秀者頑者立乎其後懷芳風之如在猶俯仰而
未遙則奮而膺簪笏之華潛而味淵源之理使孔孟
經法昭炳末茲豈惟予幸也哉爰即竣工日月為之
記以告後人

北巖古木記

張能恭

吾樵八景中有北橋春舫橋半里許有巖巖有寺有
樹焉不記年也其廣圍十其高尋五其旁有古蘿可
扳而上其末如丘可七八人坐密葉參差叢枝盤互
霜雪不凋飛禽往來有異鳥者啣桃實而種之別為
一枝其中如洞坐數人觴咏其間春雨霧霏而不下
炎日蒸歊而不知惟有清風徐來侑酒好事者中夜
酣飲命客吹簫真如空谷之聞響淒淒瀝瀝幾疑梵
王宮殿之別有鍾聲也予起而悲其遇高其風曰噫

茲樹也脫生龍虎之國江漢之濱數十百年不知幾許騷人墨客爲之繪道貌而錫以嘉名惜也托根幽僻之區見知于一方士而四海奇人未嘗過而問焉抑何木之不幸也予是以悲其遇也或曰木之生于斯地也其不求知于世也有古昔隱君子之風焉夫虎豹之文來田獵之皮來藉士以多才故敗木以可用者故伐茲樹也斧柯之所不入寒暑之所不更選此地而老焉雖芳名不聞于海內而木自若也

我是以高其風也雖然凡物之奇而壽者必有神焉以呵護之茲樹也其末丘也宅高而能夷也其中洞也無物而能容也其不見知于世也固將待人而傳也夫奇物之待人而傳抑亦關乎數也太守李公之官此也愛士愛民之餘愛此樹甚暨遷擢日思所以別此樹實不忍別此樹則爲之圖以傳其狀且合名公爲之咏以傳其情斯所謂待人者非耶雖然樹生吾里固吾之老友也談風景者傳斯樹之奇於天下

微子言曷徵

周臬司傳

張孟玖

周亮工河南祥符人庚辰進士任福建按察使順治四年冬由杉關入閩值芝城失守劍南道梗暫駐節邵武時郡郊三里外悉寇壘食盡城且陷公至語諸將曰奈何堅壁待斃乎不如戰也戰而捷糧可得焉吾無庚癸呼矣乃授方畧勵士卒分兵出擊屢敗寇寇漸引去明年春豫章渠帥王得仁叛寇倚為聲援

邵武府續志

藝文

卷九

十五

勢復猖獗公躬率吏民登埤守禦寇數萬紛薄南郊公手燃巨炮連中數十人寇潰且遁因出驍騎踐之斬獲無算會逆帥遣使說降衆猶豫公厲聲叱使拔佩刀遽起刺之衆志乃定先是盱將郭天才提兵援閩留部校秦再法熊登虎領卒數千屯郡城南至是與王逆合將遂襲樵川以是夜三更行事公謀知之佯置酒城樓與守士諸公酣飲示勿備而密發將士從東北二門出命司籌者止擊二鼓比昧爽我兵四

集郭氏率出不意倉皇迎戰一軍皆殲于是郡亂始靖公亦赴會城視事壬辰遷右方伯署建南道篆適盱江耿虎兵變躡入杉關郡人震恐皆曰安得周使君再來活我也乃公則已發劍浦疾馳數百里至郡單車詣虎以大義諭之皆感泣性命隨給舟遣去蕪境內鷄犬晏然公博洽天人詩文推海內名家駐邵八閱月尤加意作人振興風雅辦賊之下不廢吟咏至用兵料敵雖古名將何以踰焉郡卒賴以全衆深邵武府續志 藝文 卷九 十六 德之爲建祠曰報功而樹碑于詩話樓紀其全城僞績云

拿口渡舟碑記

馮可參

道路橋梁大夫之政也樵城東出至拿口八十里復東六十里而樵之治竟焉茲一百四十里中陸行輿者皆得見水中之舟水行舟者皆得見陸路之輿夾河兩岸斷續迤邐獨拿口一大都市也故夾河人烟甚衆而渡河者僅憑一楫焉郡志城東渡處凡十四

所惟新屯一渡乃驛路而其十三皆鄉氓絕河往來者渡者往來少故舟未易散壞若拿口夾河之烟既衆又估客輳集販賣兩岬冬天曉霧冥濛中即聞呬軋之聲夜半星光猶聞隔岬呼渡者故舟易散壞且僅一舟不能多載人因而日暮爭濟者舟中肩相摩舟外之趾相踣矣春水漲時船或破漏或漂流則兩岬簷烟相接而欲渡無舟則隔若千里民亦甚病矣拿口古名霞口霞訛為拿耳郡志以拿口渡為吾屯

渡吾屯者渡西地名也河中渡舟乃本市義民薛本春者置田遺子孫歲歲造舟渡人今已十餘代其子孫每三歲則兩造舟雖他有好義者先後捐貲多不能繼獨薛之舟永久則以置田贖造之費耳今市士民議有公緡數十兩沒於豪民手若出其緡置田贖造一渡舟使與薛舟為二則可以便往來矣于是僉呈其議於郡侯陳公公欣然以此亦司民之責政之一事也遽追豪所沒置田若干畝遂使船工佃之船

工歲得谷若干石以其利息造舟每三年一易三歲之內破漏補苴漂流收管皆其事庶其未久乎衆欲鑄石以銘公之德求言不佞不佞居樵邑之東每上邑則必經繡溪黃溪危明諸渡由拿口以達於樵城竊思濟川之道惟二可梁則梁不可梁則航未有易者也繡溪渡為宋謝源明尚書置田贍渡處也彼以鄉先生名人之德不能保數百年之田不替詎拿口濟川之事薛君一人之力能久乎惟出於衆力而又田之則民久不病涉哉靡陳公之惠民不能速成其事公為浙之紹興餘姚人諱相文號惠昆由歲進士歷官守邵

重修建保泰院碑記

鄧上衮

余里保泰院闕郡志始於唐會昌三年故老率相傳為唐相曲江張九齡香火院前世碑載甚具其子胤中衰故碑仆沒然至今補陀岩殿梁上有署中散大夫十二世孫張伯達建猶可驗也伯達之後今復熾

於里中庠生張疇張峻張略皆其雲初也戊子巳亥
鼎革之初里中廬舍兵火焚燬過半寺僧盡逃十數
年間金剛倒塌僧舍所存僅棟瓦耳戍將營馬鳴嘶
薨苔於三寶殿下果愚廊房盡已無遺三寶頂上微
見漏痕若再半載則千年福地蕩於一旦矣余間同
友人寺入藉草而坐嗟吁久之夫佛之為言覺也學之
為言亦覺也三教聖人皆一音弘演今茲院者昔為
演法之地將廢矣其修復之時節因緣在何人歟未

邵武府續志

藝文

卷九

十九

幾友人以曉三上人寶安語錄并荅響詩帙遺余者
余咲謂友人前所謂時節因緣以待其人者其在茲

歟于是陳子

士瑚

與其叔

梅芳

首以貲財大木為檀

而鄧子

鄒

張子

疇

陳子

錦

梁子

士弘

柴子

文柱

暨諸

友人相與迎曉三上人入院掃磔破苔而居之上人
他院登講座多年特以胞胎之地不獲辭凡架木運
瓦墜壁椽堵皆身同其勞於施者之一錢一合皆籍
記之二載間凡正殿鐘樓方丈皆復舊觀矣當上人

未入院之前三夜鐘樓上夜半無人其鐘自鳴當茲
賦重張子民窮財匱之日而能竣斯役也百倍於昔
人創修之艱矣諸檀施雖從覺皇慈雲鳩工亦從曲
江風度起見也寺碑雖仆因康熙二年九月換正殿
頂棟梁木始見天花板上柱間字載前佛殿為唐五
代長興四年建宋太平興國三年修慶曆二年僧法
珍重建元大德六年修明成化二十三年僧宗貴重
建嘉靖四十二年僧道茂修崇禎八年僧如崑修今
據所載前佛殿始于長興則院必始於佛昌今日寺
僧尚抱有元大德簿閱之則茲院昔皆法師住持法
衆甚多入明始為錢糧寺乃今衆善信仍舊僧廬之
址架修分而為二一以居曉三師徒以禪悅為食募
里中米一以居寺中舊僧主管錢糧者郡主陳公品
主張公皆疏金并施捨首事諸姓氏詳列碑末康熙
三年九月十五里人某撰

利涉橋記

建寧 蔡春

建寧屬邵武郡居八閩上游踞山水最勝淮陽江旋
繞縣南如環帶然出南門可百步許有津路通汀劍
達于福遠隣江右以至東廣冠蓋輿騎之經行農士
商旅之輻輳接路旁午誠一邑之要津也按舊誌有
浮橋涉者甚便因名曰利涉不識數何代舟航往來
兼濟然山澗易盈一遇雨潦則瀾漫迅急舟橫野渡
莫克濟吁歎之聲兩磯相聞因循百數載未有能復
其舊者豈時亦應有待耶邑之父老目擊心惻睥睨

久之一日圖于邑丞郎侯珍曰是謀非吾與子所敢
專吾聞郡守夏公仁人也自下車凡為子民計者罔
不圖成矧橋梁非子民事乎盍往訴焉鄉老即匍匐
請于公果俞其議遂刻意成之不費于官不撓于衆
募民殷實者各輸羨餘計畫經營既有定制迺鳩工
伐石為兩磯磯各植兩柱並舟二十艘於中流長短
廣狹如度貫以長杠跨以巨板左右翼以闌檻兩旁
又范鐵為大索聯之而維於兩磯之柱經始于歲旦

木秋九月輟工于冬臘月橋成往來如履坦途無復
曩時濟渡覆轍之虞矣邑丞郎侯趨報于公公甚喜
復令歲僉橋夫以月守視公之慮遠矣迄今三年雨
水侵凌不能無敝漏者郎侯又請于公公曰是亦不
可以無處也遂檄縣以時閱視有敝則闔邑出貲以
充修理之費公之慮遠且至矣由是缺者補之敝者
葺之昔宜有而未敝者今悉增之其利溥矣哉邑士
庶交相慶曰斯橋之復成其視乘輿之惠何如也不

可以無紀遂以秉筆屬予夫公之績偉矣何物小子
敢輕議之古者十一月徒杠成十一月輿梁成是橋
梁亦王政一事今公始而圖所以成之中而思所以
守之又謀終而所以葺理而引長之其一念愛民之
仁可謂無所不用其極矣雖然此特自橋梁一事而
言耳若其他惠政之可書者種種類是將必有大書
特書不一書而足也豈直今日云乎公名英字育才
江右德化縣人登辛丑進士由冬官郎中擢今職云

曹侯西義塚記

建寧 徐大紳

禾中素號水穴土貴甚屢而薄者無常堵焉其無能為死者地可知矣听然而休曰火之勿問蓬顆也夫旦而頌頰莫而燼煨慘哉予為之隱然問主是役則曰郡長會中州宮翁曹公來蒞曰燔而焚何族之尸也慨然發謀余偕二三佐伍唯是慙患不置于是將塚城之西約民地償之制乃恢焉號曰義塚素可五里許傍壘石為之崖落基孔道礙人耳目稔識也其

邵武府續志

藝文

卷九

十三

東隅有景德寺佛光夜煜蓋九原覺路云亭然而高峙者真如浮圖也其在天堂之間耶雲帆烏紗排浪江上骸相枕者抑可長喻沉浮之概矣日子道經如虎林見群而嘍者叩之裹骸襲土也且以周稱官長德余於是挺筆長鳴曰夫古所稱良二千石令庶民無嘆息愁恨矣夫亦豈焦國澤量乎第不聞其骨而肉之也漆園鬻骸惠連冥漠其有既哉俗謠曰家有隴骨無痛此嚮者所謂澤枯骨也庶民固以誦曹先

近橋諸村落諷諭之而聽者漠然翁奮曰靡行邁謀
能潰于成者幾何吾當獨任之耳甲午十月乃召工計
費未舉事而病作彌留嘗吃之際猶呼其二子而囑
之曰橋二子含涕而諾既殯翁其伯子耳謂仲子嶽
曰家之所有皆父所創也吾與若奚忍私其創而違
先志仲子亦踴躍以從乃謀之于工曰橋所以燬者
以屋與木梁故若累石而弗屋宜可久顧穹廣則橫
石難亘吾欲為石柱四離立于四穹之中以繫橫石
邵武府續志 藝文 卷九 廿五

何如工曰可乃經始于乙未之正月勞歌邪許謹呼
景從巨石圍木折隕於前而人不傷殆有神焉相之
方危難時二子志益堅氣益奮越五月而工成如砥
如矢堅固穹窿其資力皆獨任而官與民無所與于
是往來之趾刺相續于茲橋而不知誰之功歲辛丑
有修志之役凡建置皆志所宜載伯子耳踵予門求
文以記之予作而嘆曰異哉茲橋之再建也可以徵
仁可以教孝曩者宋君承父志以成厥功今熊君父

子復然仁孝相承若合符節不特利濟之可風也夫
創業者皆織畝起家不肯以貲奉其身何有于他人
之病涉而為之子者不聲色自娛則以織畝為克肖
甚至闕養于所生而起爭於骨肉迨父之存耳提面
命猶或背之何有于屬纊一言而宋熊兩翁獨能超
織畝而弘利濟之仁前後象賢俱能遵治命而成繼
述之孝此于邑志寔有關焉亦載筆所樂得而稱也
故撫實而為之記

邵武府續志

藝文

卷九

廿六

遊滌上記

徐中恒

去城東七八里有山曰滌上又曰磔上俗呼不同然
從水從石則其勝可意揣也甥倩丁質先避地厥中
招余遊者屢俱不果癸巳夏五乃同諸君遊雲谷沂
流踰胡公橋北折百餘武溪旁分而一澗縫山有石
梁橫截立梁迫視銀濤劈山罅而下澎湃喧飀雪濺
雷怒余為目搖魂蕩不欲移趾質先曰未也染指一
嚮而訖大烹之飫可乎乃盤磴而上上愈峻而壁愈

東岷石之凹凸傾亞力與水鬪水從中高瀉急奔勢
不得不挺豎作態溜或天紳縣或瀑布洄狀為渴亭
渚為渚風騰響擊徐如琴奏疾如鼓鳴凡數級每級
異態妄意諸暨之五泄棲賢之三峽其伯仲乎余鼓
諸君援磴而升循澗左右五六轉皆以狃渡狃窮則
於亂石交處躍而過之不半里波流紆衍岸夾垂楊
翠光搖曳中漸見平田畝臚四山洞豁村落星羅覺
鷄犬人物咸帶古風質先數椽小踞澗澣竹竇花關

于村落間別開生面側一團蕉列席止客余語質先
曰既饗大烹豈殘珍猶貯足令朶頤耶質先曰窮此
而入尚有天竺菴交坑雖非礎岩穹谷亦頗林壑幽
攢請餉客於明日余唯唯晨起亟謀躡屐忽簷溜汪
吼雨威大張雲霧穿籬擁客於冥濛之宇所喜主俠
賓豪棋楸消晝尊壘消夜酒酣興劇絲竹迭陳余間
以澁喉強作吳歛相和林鳥啁晰與雨韻澗聲合成
無律鼓吹真令衆山俱響如是者三晨夕興闌矣不

蓋之遊相約再理歸途回顧竊為儀圖滌之內大畧似武夷陷石堂而稍深耳陷石堂屈岨為戶此則倚水為門欲為門鍵但須數鉅木架之便堪絕漁人之問余因念近城數里之山擅竒如此而遊踪鮮至亦無有識而談者使在吳越之郊文人點繪不知蒙幾許贊嘆也嗟嗟山川亦有幸不幸哉今質先私得之以居余私得之以遊居與遊實謝山川之賜故記之以誘後來之好事者

邵武府續志

藝文

卷九

廿八

光澤縣學記

汪麗日

聖道之隆古今不易而祀事之興自漢高帝過魯時已用太牢始也論者以為漢世四百年治業實基於此安帝因之並祀及七十二弟子於闕里魏正始中令太常釋奠祀先聖於辟雍以顏子配文成帝詔宣尼廟別勅有司行薦享禮此有司立廟薦享之始也唐太宗詔皇太子於國學釋奠於先師先聖位宗命顏魯等十哲悉令從祀宋仁宗時范文正公請

興學校本行實詔令州縣立學理宗加周程張朱四氏並從祀 宣聖廟庭元代因之明洪武初詔建國子學又詔天下立府州縣學每月朔望祭酒以下行釋菜禮郡縣長以下請學行香此又有司朔望詣廟行香之始也志我

熙朝尊師重儒較歷代更盛故自古及今 聖廟勿替祀秩有加者非但崇德蓋以報功也易臨之象曰君子以教思無窮詩序子衿刺學校廢也菁菁者莪

邵武府續志

藝文

卷九

又廿八之一

樂育材也君子能長育人材則天下喜樂之矣邵屬凡建學有五其四皆繼脩煒皇獨光邑顏焉難理蓋其廢也太甚則其興也未易猝成自余乙巳過其邑拜瞻 聖靈竟無妥佑地側焉檄屬捐修爲諸士倡始越庚戌督糧柳公攝縣篆頗有同心爰力襄其事迨辛亥王令至焉慨然以爲己任且將聿觀厥成矣諸生復請余記之余不暇道其前此經營締造之艱而竊願覩夫後此教化之美宜有以彰聖學而蔚人

文也蓋古之大學主於教人而因以取士故士之有成者遠可爲名臣窮亦不失爲醇儒昔呂東萊云學校之設非徒欲羣其類而習爲文詞也不農不商若何而可以爲士非老非釋若何而可以爲儒成孝作忠當以何者爲法希聖慕賢當自何門而入道德性命之理何以明治亂興衰之故何由達考古爲得失之鑒驗今爲因革之宜此士之所當用心也胡文定公教學於蘇湖獨以經義時務不尚詞賦有經義邵武府續志 藝文 卷九 又廿八之二

天子中外一統四海同文正體式而端士風學者非六經四書不讀非濂洛閩閩之學弗講所謂全體大用之學也所謂治事者固已在乎經義之中俗儒乃分之爲二則是以體用爲二事而非聖賢之學矣是則

余之夙爲諄切以告五學多士者也今以紀光學重
建之盛期後日崛起之英亦不外是

邵武府續志

藝文

卷九

二十八之三

題咏類

題武夷

阮自華

初聞鷄犬異人間漸入青霞細可憐
蹊上紅泉無徑路山中香雨有神僊
每逢水盡竒峯出若為天迴曲道前
一鑑澄潭思問古誰當先掃石爐烟

寒食登詩話樓感懷四首

周亮工

高樓獨上萬山前風展牙旗草色芊
藥裹羞隨刀共佩鄉書不與燧相連
殊方作客逢寒食亂裏看花見

邵武府續志

藝文

卷九

十九

杜鵑遺令未須頻禁火孤城此際半無煙

到來風雨半周星開遍桐華涕自零
病榻惟臨乞米帖荒城早廢種魚經
羽書夜報溪雲黑鐵騎朝馳磧草青
不見當年作賦客遙聞新鬼泣郊坰

令節空傳舊綵毬詞人踪跡此高樓
葯房難覓青棠種蕙畝徒看丹棘抽
幕府健兒猶白打上河士女幾千秋
食盤寧為綿山客匝地烽煙不肯休
更向中宵舞劍鏢巒迴嶂疊故園心
突生苧蘿湏人

刈難覓醪醪共客斟一夜灘聲爭海大萬山雨勢起
秋深當年逋客歸何地每上高樓意莫禁

登詩話樓

朱嘉穗

櫟園先生自丁亥入閩阻寇樵川凡八逾月全城
保境士民賴之城東舊有環碧樓先生登埤宿此
暇則與諸士紳談詩謂宋嚴滄浪樵高士也詩話
贈炙千古乃更其名曰詩話樓祀滄浪于其上先
生既去樵而樵人士懷功德不置因奉生位與滄
浪合祀焉後之登斯樓者仰二先生之高風豈僅
以詩人目之也

邵武府續志

藝文

卷九

卅

逋客騷壇舊鼓吹禪乘妙論解人願灘聲似譜當年
話山色疑存無字詩曠代同心欽哲匠千秋合祀拜
芳祠高風應共江流遠倚檻徘徊夕照移

登詩話樓

福建巡撫 佟國弼

何處危樓雉堞前山原野陌草芊芊荒城擊柝溪聲
應疊嶂流霞樹影連曙色將開爭唱牧夕陽欲下靜

啼鵲先生寄傲游觀地崇祀方新靄暮煙
寒夜星飛澹玉毬溪光嶂色入層樓憑高有感幽懷
遠弔古鍾情彩筆抽獨酌清風來午夜久停繡節報
深秋相逢欲問樵川事逸韻生新正未休

登詩話樓

司理 何棟

當年驚隕少微星今日懷賢感涕零
三古風儀傳斷碣一乘騷雅翼殘經
雲鋪塢際無邊白峰隱樓頭不
了青敲石欲賡思未就又看落日在平坳

邵武府續志 藝文

卷九

卅一

登詩話樓

張能恭

此日欣言撤劍鐔焚香花裏夜清心
閒看碧水詩餘話得句青山醉復斟
席任光搖隣月好衣從烟染盡
春深登樓每爲滄浪客望古遙遙思
莫禁

原次四首
今錄一

本府八景

太守 汪麗日

熙春朝陽

高閣凌虛俯衆峯晴嵐浴露曉光溶
長河幾曲環如帶老樹千尋勢若龍
花柳村村安帝力笙鶯語語轉

時雍披襟容與朝暎裏翠浪風隨一鶴蹤

北橋春舫

滌泗匹練鎖長橋解纜春生雨後潮雲渡清陰瀛海
近花飛盡鷁碧天遙中流鼓枻蘭兼桂遠浦聞歌漁
與樵尤愛牧兒乘晚渡舫邊坐穩學吹簫

西塔暮鐘

澹泊虛窓宿鳥鳴更聞翠巘遠鐘聲談經佛子三禪
寂作務人家百慮清響徹微風知動定聽來涼月轉
空明焚香夜靜時觀省還檢心書補舊評

五曲精廬

繡壑深林與道宜結廬中曲水源竒峯開螺嶂幽雲
合窓老龍鱗碧玉支坦坐空櫺馴白鹿凝神秘閣語
黃鸝何煩選杖窮丹壁敬學安人獨仰思

萬峯梵刹

北極喚蒼列衆山遠公飛錫隱松關我心磅礴昆侖
外汝相渾忘烟水間金碧不辭霜月滿珠璣一任雨

花閒尋香未問高人跡苔染詩痕石上斑

石鼓松風

石稜曾紀豫遊功鼎力蟠枝聳秀同一片蒼寒搖雪浪幾回幽響答天風玉輝磐麓聞鐘奏翠羽翔霄若御空寂聽鏘然聲映越懷茲堅勁寫玲瓏

樵嵐秋稼

勸農減徭履平疇兩足芄芄香稻稠塋上飛聲迎客犬松間擲尾愛眠牛瓜壺亞旅乘時滌缶鼓見孫相慶謳課稅不勞租吏督和豐且共醉翁遊

丹臺梅月

崇巒香亘萬家煙瓊樹靈娥漾遠天光皎雲山來素影香芬笙鶴倚嬋娟冰心淡映冰輪韵玉鏡輝清玉骨僊彩檻層霄如畫裏詠歌時出綺樽前

新增四景

汪麗日

大瀉春泉

為問春郊幾簇蠶傍岩立馬話芳潭雲根漱齒連花

影石髓霏香映玉函寶鑑照人瑩徹底廉泉語我泓
能甘環觀翠浪山谿側竹外傳經僧兩三

北巖古木

蒼蠅聲沸赤龍遊公暇期尋北寺幽老樹何年成古
洞蓬心今此接丹丘忘機坐坦清涼國辟暑神凝翡
翠樓何事笙竽傳別調倚蘿吟嘯總風流

詩話尋秋

雨竹風梧入翠樓高宣大雅幾名流一樽莫羨庾開

邵武府續志

藝文

卷九

卅四

府八詠猶思沈隱侯金石殷殷留杖履煙嵐在在寫
新秋吹香琢句天然韻夜鶴飛鳴杜若洲

七臺晴雪

心遠尋幽掃雪來一峰雲霽一峰開皎將萬頃瓊為
畝潔徧千林月映梅佛子叅同猶剩色僊風淡蕩迥
無埃深情倍為咨祈動漫問梁園屬賦才

大瀉春泉

郡判

柳文標

熙山簇簇列春蠶人外清懷自瀉潭月映一痕關玉

鑑霞橫千影漾金函瓶携石髓非常冽鼎淪雲芽分
外甘水面落花吟不已搜脾塵淨快登三

北巖古木

不作尋常汗漫遊公餘巖寺一探幽離披古質成丹
幄偃仰陰蘿接翠丘斗隙暗通蟻引夢雲根疊倚鶴
威樓條然脫幘南薰雅何在堪呼枕漱流

詩話尋秋

碧環遙映倚層樓俎豆曾歸大雅流剩有清言壘簡

邵武府續志

藝文

卷九

卅五

冊不無浩氣凜公侯吟成山曲頻傳籟譜出灘聲欲
報秋幾度凭欄追往蹟蒼茫一帶蓼花洲

七臺晴雪

僊岫相尋踏雪來空明此日緝輪開

山頂有
空明閣勻鋪野

色將侵月澹接天光不辨梅磴結玉樓連碧漢林
跌金粟已纖埃僧寮薄暮茶烟嫵甌泛瓊花浣逸才

天然石

張徽

石在熙春山惠應祠末熙寧壬子守張紘同客張

徽鐫詩于上紹興庚申王進巡部命工重立歲久
半埋土中前志僅載絃詩後始掘得徽詩乃入志
以成劍合張孟玫筆

一家終日在樓臺

元微之蓬萊閣句

奕局斜兼畫卷開幽鳥

影穿紅燭去寒蟾光落素琴來釣絲暮惹萍間浪篆

石春浮蘚上埃三數寺通溪上路好尋僧借渡時杯

七臺山 二首

馮可參

梵閣通霄漢浮雲積樹端雪風吹玉粒海日湧金丸

邵武府續志 藝文

卷九

廿六

不異三山景翻疑六月寒頻來殊未厭擬作畫圖看
峯遠疑無樹到來別有天蘿陰清烈日石髮漱飛泉
捲幔秋河近開窓曉月懸夜深風雨急又道鉢龍旋

祈雨

汪麗日

播時穀兮帝力敬在公兮臣職嗟保介兮民事觀銍
艾兮民食肅時雨若兮穎粟其實男耕女織兮貢賦
是丞曷驕陽之振炎兮農悲阡陌亦雲密而雷殷兮
其雨霖霖奚所呼籲兮仰昊天而思格奚所歸咎兮

惟檢身以自責政失中歟其繩尺事違和歟其潤澤
刑素清歟惟欽恤賦未平歟惟墾闢困廩其空歟乃
儲乃積軍民雜處歟分居卜宅令繁而惠壅歟曷以
登之衽席利鮮而弊叢歟時乃慎茲興革敬未立歟
主一無違誠未孚歟初終不易請靈星之應時兮需
甘霖而起瘠普濯枝以滋榮兮匪藉力于蜥蜴維明
德之惟馨兮貫幽不隔旋稻香而疏熟兮我心則懌

喜雨 二首

汪麗日

千畝芸芸望有秋存誠端為衆生求林鳴陰鳥風連
樹澗隱晴霓水上漚香稻含膏滋晚媚浴禽喜雨帶
聲幽生成本屬天工力靜對花苒已庶愁

濛濛花雨遍遙岑翳翳山雲出碧林夜噴珠泉抽嫩
綠晨來鳴鶴逸清香桑田荷笠濕烟爨石竇流聲被
玉琴忻霈神功霑繡陌萬箱此夕曉天心

登熙春山

學臺 田本沛

春到熙何似我來春已過青巒還嶂列烟舍自星羅

人語隔城遠風聲送雨多不知酣仕日可得隱山麼
紫烟高閣迥長夏雨中過風解憑涼到山如為客羅
眼空愁較少酒醉興偏多倚檻題狂句逢君揮麈麼

登熙春次韻

汪麗日

春山長翠黛夏日使車過恍爽百篇壯空濛萬象羅
花紅帶雨重篁綠傍泉多莫大文章在四時同興麼
政暇來香閣凌風花雨過巖深烟樹簇廬密水雲羅
節度藏書秘御屏襄譽多勝遊堪勒石問石點頭麼

邵武府續志

藝文

卷九

卅八

登熙春次韻之一

邵丞

張三異

熙山結榭久欣遇使君過月斧持帷幕珊瑚入網羅
杯浮青嶂滿座引白雲多試問前遊者能如此日麼

登熙春次韻

二首

柳文標

四序春皆在欣茲攬勝過千峯爭秀發萬木為森羅
烟帶橫天遠歌聲遠坐多能知真賞客總入畫圖麼
山靈如有待清暇使君過浩氣風雲聚虛壇星斗羅
拂旗花影動題榜鳳文多景仰余懷夙高山可學麼

登天香樓祀文昌帝君

縣令 王公輔

亘古靈昭帝德奇逢辰借祝萬年卮習聞梓甸通懿
蹟濫吹樵陽效頌篋鄞水已霑九里潤榴軒幾借上
林枝獨慙夙夜民生寄惟有米心答玉墀

秋聲亭

張孟玖

秋入平臯落日悲幽人曾此澹成詩敲來瘦竹聲蕭
瑟喚起閒雲影即離千古騷壇欣獨往一亭芳草足
相思月明剩有長歌在不負疎林夜夜期

邵武府續志

藝文

卷九

卅九

七臺即事

周弘禧

一峯陡出萬峯低自為探幽路不迷縱望遠窮飛鳥
沒閒情坐待落霞棲松敲唄韻空中語袖拂苔痕石
上題十二神樓今莫異何須更問玉橫梯

樵陽續八景

詩樓清話

趙焜甲

壁壘崢嶸上峙樓披窓一望盡圖收遠峯插漢雲痕
濕淺浪迎風月色浮話到清時消俗累吟當豪處已

聞愁分花載酒尋逋客賺得新詩共唱酬

跨虹傑翠

余瑚

勢若凌霄聳複樓飛虹千尺跨江頭洲前綠樹棲黃
鶴岬下青莎聚白鷗四野雲山舒曠覽一溪樵水漾
清流誰人更羨滄波勝倚杖臨風意倍悠

談兆隆

手板何年擲向空長虹畫偃跨川雄月明震澤蛟宮
現泉響天台鳥道通好送馬蹄山色裏獨尋吟思水

邵武府續志

藝文

卷九

四十

聲中目前多少新亭感野老猶談叱石功

石岐靈塔

米嘉穗

靈傑雄標古郡東峩峩僊掌補芙蓉每懷捧日高何
許迫欲擎天近幾重絕頂下臨千嶂小琳宮時倩五
雲封波光搖曳浮圖影笑指閩川有卧龍

談兆隆

獅子西來樵水東翠浮孤塔擁芙蓉摩空直上雲無
際拾級緜登路幾重笑指雙九經冰峯目窮千里控

提封虛闡梵唄疑天語更有危言問蟄龍

鷲嶺晴烟

吳道見

誰把鷲峯鑿劃開曾聞清老此徘徊閣中聽徹千峯
雨松下吟成一部雷白渚寒雲肥復瘦丹臺明月去
還來窈冥竦峙無窮意儘着情酣看百迴

朱宿

到夾靈鷲倚山隈數里烟蘿面面開騰有秋聲傳梵
磬不無花影散經臺雲停遠岫能深淺澗落平畦自
去來塵外尚容新耳目長天一色夜鴻哀

邵武府續志

藝文

卷九

四十一

六虛高嘯

金和

高臨天表心情曠俯瞰環中景物澄隱隱鳥飛青嶺
外亭亭人立碧雲層峯巒疊翠寒烟迥樓堞浮空曉
日升自晒踈狂嵇叔夜擬將清嘯問孫登

張于屏

亭亭危榭聳熙山佩帶金湯咫尺間幻結雲封疑海
市虛容月魄透重關談來恐作驚天語嘯罷幾同躡

岱還尤羨醜翁能醉客臨風卮酒謝時艱

秋亭爽籟

吳道榮

歐陽子夜賦秋聲元鎮標詩取作名近結孤亭綠籟
起閒尋幽壑自風生林間暗瀑喧天落空裏寒濤注
月明霜葉如花還似雨誰能到此得無情

北巖古木

柯綱

孫枝旁挺若忘年寄傲風霜夢不傳廖落化城依古
佛摩娑霄漢得全夫此鄉料是無何有幾處能容自

邵武府續志 藝文

卷九

四十二

在禪癡鈍尚留枯瘦骨蒼茫獨立影冲然

遜園脩竹

米嘉穗

修竹千竿伴老身長橋一曲謝紅塵溪山盟舊成知
已魚鳥機忘樂近人吟罷好風吹散帙客來樽酒共
芳辰腕中醉卧磯頭看片片閒雲渡水濱

吳道榮

北郭名園一水斜青山不被短牆遮六時風日殊難
負數幅雲嵐未有加好鳥輕歌藏竹葉主人分韵與

梅花自因遊迹林泉後陶令樽中幾歲華

七臺坐雨

朱嘉穗

絕巘連霄費蹬攀登臺已自出塵寰低峯疊翠波千頃
頂大海鋪銀月半灣聽雨雷過山下路摩崖雲點石頭
斑十洲未用駢鸞去身在蓬萊一島間

重寓七臺

頭陀山名羅漢樹四月始花江孔殷

喜聞嵐氣嶺偏賒折折冲霄遁自嘉入夏冥如霜逕
冷窺天綠似浪聲譁頭陀坦衍冠霞弁羅漢蕭森影
曼華以我身藏雲葉內高吟屢動月邊鴉

邵武府續志

卷九

四十三

遊七臺山

朱彥

絕頂高峯碧漢連攀登峻石每摩肩貪看海日來天際
寄宿山樓在樹巔二郡雲封迷出處七臺星列映
眸前欲尋好句酌名勝未肯降心讓昔賢

六虛亭

岳學憲韵

江孔殷

朱霞危磴襲珊瑚文酒乘秋宵放踈雲葉穩留騷客
句虹川倒映醉翁圖烟紆鶴跡心猶曠山豁芝顏興

未孤分外松梢搖古翠不妨幽韵散平蕪

七臺山

鄧上衮

一日層巒已共躋自然山下衆峰低微風樹梵人初
到暝色庵鐘鳥欲棲半偈便參諸祖偈新詩偶和昔
人題朱幢想見登臺處夢轉前身聽曉鷄

登熙春山

教授

王侯聘

佳氣藏熙皞群峯孰與齊野花香襲客疎柳影穿鵝
萬井歌聲近沿溪樹色迷春光看不盡携酒更前谿

邵武府續志

藝文

卷九

四十四

天妃閣妝樓

王侯聘

高閣雄天際逶迤迥出群枕山窓貯日臨水鏡生雲
橋鎖雙峯合流湍一石分身閒遊不倦歸路醉斜曛

詩話樓

王侯聘

高聳稜稜直接天狂呼抵掌落飛鳶佳日出雲生
浪石隙舟迴棹帶烟寄想河山千古後追尋詩話一
樽前清閒不覺身爲寄得意歸來月半肩

熙春臺

和方學士

府經 陳宗禹

僊枰岩

在丹霞右

裴應章

攀石尋棋迹懸崖一竅幽更無山上下唯有日沉浮
風馬雲車遊苔枰薛磴留輸贏都未諳一局幾春秋

天乙峰

在石輞內

丘嘉彩

山山團秀列層眉空半雲從屐齒追無數高峰相聚
語恰逢過鳥共來窺窻含暮月秦關近檻倚平林漢
苑低極目蒼茫連萬里一聲朗嘯浩風馳

溪村

王道行

邵武府續志 藝文

卷九

四十七

平水初開鏡懸崖十丈瓊竹殘猶有節村僻素無名
興味閒垂釣笙簧碎聽鶯夜涼遲不寐明月半江橫

石橋夜月

泰寧

梁 峘

澄然清遠尺虹飛萬火烟沉境已非橫白欲沿雲石
動深香若卷澗秋歸不貪有氣今如此獨立無因光
未微自是山梁瑩古道其間分照肯中違

平山

建寧

聶

芳

官知縣

老健登山不選山峯峯入妙敢輕剛殷勤天意留秋

在部烟霞霞趁我開詩借黃花開咲口酒沽白墮駐醜
願誰家蘆管吹江笛疑在蒹葭款乃間

龍坪寺

建寧徐中恒庠生

絕巘疑荒莽誰蟠紺宇幽翠深藤渡澗青望竹成疇
常濕非關雨高寒不為秋我情僧或似不待有僧留

王泉庵

黃原昌

昔年曾過覽今日又來遊花雨三春暗松風六月秋
龍為人聽講僧與虎尋幽如此菩提境榮名安足求

邵武府續志

藝文

卷九

四十八

立德庵

陳贊

初地尋秋共散懷長林梧竹護陰崖解衣常襲旃檀
氣鳴磬時分香積齋笑憶虎溪踪已佚心依鹿苑事
偏垂賡題或可存風雅宛在澄泓水一涯

青雲岩

建寧余夢呂官知縣

岩開疊嶂路遙分一逕行來日欲曛石罅涓涓流白
玉洞門寂寂鎖寒雲層攀絕頂諸天近暗落疎鐘下
界聞已荷遠公招入社不妨長帶酒中曛

松梳山房

聶芳

窈窕春雲態蕭森韻主居山光分殿最客坐盡應徐
瀑色全歸月松聲半入書怪來非石隱獨寤愧樵漁
雲嶺庵

聶芳

強項欲分秋雲山署勝遊瘖鐘僧飯語殘磬夕陽收
聞法花拈手觀空石點頭香泉流不盡大半入滄洲
青雲岩

謝師儀
邑庠

屐破茲山昔未曾巨靈何日劈峻嶒花堪供佛時啣
邵武府續志 藝文 卷九 四十九

鹿客喜烹茶夜對僧萬壑松風清榻枕一泓香澗護
岩燈我來爲占青雲氣曉上孤峯第一層

瀾頭庵

袁 奭
邑庠

行邁日之夕來投鷲嶺宮雨花沾濕徑烟磬出蒼空
客辯風幡後僧歸禪定中蒲團分一席趺坐伴支公
宿五龍觀

袁 奭

黃庭閱罷雨流行裊篆香殘夜氣清羽客可能供煮
石山翁偶爾話班荆鶴歸華表顛毛易龍蛻喬松瓜

甲更不覺竹床酣夢熟白雲窩裏曉鐘聲

弔貞烈葉少君

徐必名 邑庠

梧柳蕭疎四壁涼驟聞淑女竟云亡天涯流宦悲秋
客不聽猿啼也斷腸

腸枯未潤已三旬呵護疑當有鬼神白鶴紗燈迎導
去可知烈婦是僊人

戊子紀亂

建寧 李嗣元

義號衆所竊鷓鴣作鳳鳴鄰封一冥鷲鄉猾互縱橫

邵武府續志

藝文

卷九

五十

子戊首夏閏妖雲壓危城蛇豕既外合豺虎遂中傾開

門揖群盜闔邑罹煎烹萬衆盡奔屋屋瓦忽雷轟白
刃叱之下束縛顛犧牲群虎入室掠絡繹如踐更窖
藏悉發掘豈特無完籬貨囊既已竭炮烙恣推棚拷
掠迨癩老敲朴及娉婷貞潔雖幸保雲鬢殊擊鬢夜
夜哭聲震四應如沸羹近郊悉如洗遠貨聊支撐貨
之不可得徃徃多雉經豈伊不畏死無可復逃生城
坳既適掠四鄉恣憑陵環邑數十里無復鷄犬聲銅

鐵悉罄盡况有寸絲零逢人捉擔荷囊橐何膨脝擔夫十餘萬塞道步凌澆孱儒亦負重豈念力不勝喘息一不進橫屍棄山阬大隊甫前發餘寇即分營家駐乳虎虓闕更猙獰搥几索飲噉罔惜甌釜冰雖有簪纓貴呼叱如奴丁雖有渠渠屋愁苦劇囚罔削肌已及骨派餉星火徵銀鐙比屋震傷弓更骨驚匍匐遠丐貸谿壑猶未盈餉金纒入橐按畝又供兵展轉五更舍易次如飛星東食復西折頓盡坻與京貧

狡飽欲死富良餓莫興奴隸擁騶從流丐豎麾旌監司與郡佐駟僧交相稱氣燄莫嚮邇跳踉如狂醒耳目日變異城民羨山棚出城恣橫索此縱彼復櫻甚者鎗數百婦女猶開扃倖而得賄脫拳梏反親朋芸編勇蹈藉華屋快薪蒸近鄉腴吸盡遠村遍敲榜奸民一膚愬舉室立伶仃其或免告訐送劄又相仍網鱗竭鯤鮪搜粟罄瓶罌土著盡兵將彼此毒交征村村遙相覩安知鄉曲情內宄煽外寇毒痛曩窮氓深

僻絕人跡亦爲寇所膺哀哉匪鴟鳶安得戾青冥况
復值半載民憊困閤營生路悉絕忍腹僵相瞪天
意忽軫恤賀帥赫聲靈問誰贊帷幄趙令聿求寧鞭
鐙之所指千里無留行云胡駐一舍按轡抑驕騰縱
令虎兕逸不忍玉石并妙用活無算殊恩浩難名入
城不血刃仁風颺旃旄霽色勞遺孑悽然惻怛形爰
念水火危拯救勞披纓欲樹招撫的殷勤慰孤笄孤
笄樂推解孔邇忘威稜鯨鯢亦解網南畝縱歸耕依
然脫苦獲婦子歡相迎仁風一遐播襁負歸城垆歸
來見頽屋淚下睫猶承既荷萬間庇數椽焉足矜民
隱靡不燭照膽何虛明民窮靡不恤坦腹懷孺嬰不
因倒懸劇安知解脫亨愚公爲作頌千載播芳馨

詠九龍峯

汪正誼

攀躋龍峯九巘奇龍頭昂聳向天池雲嘑曠野層巒
合雨散長空飛鳥低碧綠煙光疑蜃氣松杉日影舞
虬髯登臨絕頂無窮興更喜桑麻隴瀧披

序類

重刻滄浪詩話序

周亮工

曩余以丁亥入閩阻寇樵川者八閱月乘陴之暇流連憑弔聞其間自昔多大雅君子焉宋連客嚴先生其一也先生所著有滄浪吟暨詩話三卷余進樵之人士詢所謂莒溪嚴坊者蔓草離離陵谷莫辨先生之集漫漶無善本余喟然曰此若土風雅之宗也不祀忽諸篇章淪軼良可悼矣因崇飾麗譙奉先生而

俎豆之即以詩話顏斯樓登臨感興賦詩四章遠近咸屬而和之今世所傳寒食登詩話樓詩是也若樵士之更迭咏詠篇章尤富余曾爲集萬山中詩一帙亦刻于茲樓中迄今六七年雖山川修阻而遠音相續郵致之篇歲時靡間彬彬盛哉論者謬以謂余能振起之是殆弗深究厥源流也樵在萬山中俗敦風朴其爲士也不走聲利閉戶修古學其于詩辨體嚴取裁正蓋佩服滄浪之教不啻農之服疇工之執矩

故較之他方獨能不為流俗所漸靡而以正聲自鳴也然則詩話一編為功于後學也遠矣余方痛詩道榛蕪將布此以正告天下會大海揚塵征車四出竊有弗遑壬辰之春盱江叛卒躡入杉關樵人大震余從劍水馳單車往諭之東伍無譁告成事而旋時秣陵王君聞上金沙虞君後來以江左名彥分蒞茲土並以風雅鼓吹其間因謀以茲集重付之剞氏爰商之余嗟夫此固予曩者登樓傍皇而未逮者也兩君

實獲我心哉當宋咸淳之時去逋客未遠而三嚴之集已漸零落郡人黃君序之感嘆寶愛神有餘愴越數百載兩君揮絃而表章樵人士操縵而諷詠篇帙煥然溢故觀而廣流布逋客有知能不聞山水之清音感牙期于異代哉刻既竣兩君復以序請余不佞後先于役躑躅塵鞅倡予和汝聊當勞歌夫豈敢自多亦以遂嚮往之夙心誌患難之歲月而已抑載檢叢籍得元人黃元鎮秋聲集四首其五言之妙遠追

陶謝近體亦在高岑王孟之間殊無當時陋習余深賞之元鎮亦樸人似常探星宿于嚴氏者余向欲于西墦萬木間構秋聲亭鏤黃集貯其中使與詩話樓巍然並峙庶幾千載風流後先輝映而滄浪音響益爲不孤亦樵川之勝事也嗟夫事與願違山河綿緲即欲再至蕉堂且不可得亦徒負斯懷而已然又安知後之君子不復有好事如兩君者乎

滄浪集序

何望海

邵武府續志

藝文

卷九

五十五

扶輿清淑之氣鐘美于人大者爲理學事功其次爲詞賦文章然而靈均之張楚也少陵供奉之張蜀也溯人地者每競舉爲佳話烏在騷雅一道不與三立並重不朽哉聞自無諸啓土邵隸其一隅唐以前不甚著至宋而逶迤涵衍鬱爲人文則有若李忠定之匡濟黃簡肅之經術兼以紫陽之過化理學事功雄視中原故其人率薄聲什儀卿嚴氏獨以韵林鼓吹振起壇坫所著爲詩辨詩法一掃狂魔歸諸正覺至

今吟咏之家奉爲三尺黃元鎮生勝國時杜門索居
嘯咏自娛今觀其秋聲一集蕭騷淡遠古無一不似
漢魏近無一不似少陵至夫不乞序于時名高風磊
砢猶足多者嚴集行世已久歲餘漫滅魚魯幾泯秋
聲集則予得自友人家藏元本因歎人代既殊風徽
邈邈兵燹之後流離播遷之餘遺民故老文獻無復
足存即其儀卿一族所稱有嚴氏九人俱逸弗傳則
夫沈冥高尚如元鎮者又曷易更僕數也幸今文教

昭明雅音復振而滄浪集予爲諸生時已訂訛辨譌
留心有年茲綏安吳兆聖同余友李鉉乃請而重新
之余惟疆場多故時事孔棘私欲奉忠定奏議廣爲
刊布以正告天下之爲人臣者顧宦遊不遑而兆聖
李鉉之舉實獲余心乃亟取秋聲附見焉嗟夫作者
實難繼起匪易後之君子撫流風而興懷吊餘韻而
增愜高山景行詎忘思齊使夫論世之士考古問俗
之賢指邵之山川風土人物曰某在斯某在斯則樵

嵐一徑不將為楚之浣湘蜀之浣花溪彰且明歟茲刻又為容後也故余不辭而樂為之序非獨耀詩蒐于既往亦欲券盛美于將來云爾同邑後學何望海撰

興建預備倉積穀序

汪麗日

新天子六載秋計其守樵歷四年所時值和豐穀價大減於昔方幸與民樂歲物之阜成民曰太守之賜予曰天時未可常保人事不能預備抑亦誰為之謀

邵武府續志

藝文

卷九

五十七

則憂樂皆一人任也明也易曰有孚惠心有孚惠我德言以實心行實事實有以利濟吾民也顧濟急于未急之先與夫民病而後圖者有間惠民以無窮之惠與夫澤竭而易盡者有間則積穀備荒之法胡可不亟講哉古者救荒有先策有先策有正策有權策正策權策者救之於已然也饑饉薦臻道殣相望君子處此補救不遑如御史王竑發廣運官儲賑饑錄事洪皓留運官御米賑饑陳堯佐身先出米為糜

飼饑並築隄植柳作溪以助賑術范文正公縱遊競
渡以惠貧民之類是也先策者防之於將然也嗷嗷
蒸人聚泣田畝多方設畫仁人心苦如趙清獻公知
越州爲書問屬縣預計庫錢倉粟幾何溝防興築幾
所富民可募幾家廣開糴增米價以招商解金帶立
糴所以便民滕元發知鄆州先度廢營爲蓆屋以居
流民張乖崖知成都聽民以米易鹽而軍不告匱及
知益州按稅折米給券輸糴而民無餒色之類是也

先策者預備於未然也穀賤傷農穀貴傷民以禪
天工神君之功以恤民隱慈母之仁如漢耿壽昌常
平倉之制建於豐登之時宋朱文公社倉之法立爲
久遠之計之類是也常平之制穀賤則增價而糴以
利農穀貴則減價而糶以利民上熟糴三中熟糶二
下熟糶一無歲不糶小饑則發小熟之歛中饑則發
中熟之歛大饑則發大熟之歛無歲不糶何憾乎有
無何憂乎凶穰社倉之法官民貯粟若干石歲一歛

藏收息什二既以紓民之急又得易新儲廣積蓄歲
小饑則弛半息大饑則盡蠲之隨地擇人掌管出納
左提右挈多所利益何有乎紅朽何虞乎空虛若是
者遇急周章不如先期立法臨時執掌何若先事預
備惟憂其民也深則謀其始也精故能用力少而成
功多余今日與僚屬紳士諸父老之約爲是舉也講
荒政於豐年求預備於未然豈非有志於先先策者
耶然獨力不如衆力之爲溥薄積不如廣積之更遍

也况善有同心德無慳吝統而計之官員輸穀若干
縉紳賢士輸若干良賈義民輸若干隨願登簿各爲
分任催督入倉仍擇義士之端謹勤敏者二人掌其
事每春時放給農民以資籽種秋時每石增息二斗
以裕困庾如以惡濕還者有罰踰期者有罰包侵者
有罰每至年終清完登冊照前另擇義士接管依法
出納不經吏胥之手不入申報之冊不任官家爲那
移不徇私囑相授受升斗圭撮悉入公倉循環增益

專禦荒稔詳其條理永著爲例以無失古人通變不
倦之義此又公衆人之惠以惠衆人溥一郡之利以
利一郡詎與區區補苴一時者同日語哉夫慮熟謀
審力不勞而功倍永遠可以拯民困一宜興不廢樂
歲之羸思爲利于無窮得昔人惜福救災遺意焉二
宜興郡之縉紳賢士暨諸父老咸樂有是舉也以此
言惠惠我無私以此言濟濟普萬生三宜興以三宜
興不可以不興乃爲興而弁以序

邵武府續志

藝文

卷九

六

選刻李忠定公奏議序

張能恭

夫辦天下之大事者必先定志志定矣而無灼然不
易之識未可爲也識定矣而無毅然不撓之氣亦未
可爲也古之豪傑當時勢艱難之會宗社存亡之秋
必有三者相輔而行然後敢任天下之所難任敢言
天下之所難言是故小子淵淵夫人播船求其膽與
忠作伴心以道爲儕者代不數人愚常讀宋史至宣
和靖康之後而竊嘆天之生小人與其君之用小人

也若布帛菽粟然一者引百者援前者退後者進用之以爲恒而離之以爲怪雖有五王七襄龍胎豹脯莫可得而奪也雖有端人直士謨明弼諧莫可得而易也彼其滄主在上恒怯成風秦則肯帝仲連之口不聞楚而欲復包胥之淚不出其志弱也若夫李侍卽之死節非不慷慨而初則主帝出城張魏公之爲將非不忠武而初則力薦秦檜呂中丞之贊迎康王非不正直而初則從事叛臣所謂闇與疑者匪獨南

仲一人也至于雌黃人才乍賢乍否甲乙議論倏是倏非狩漠而北渡江以南失地不戈喪師非刃此無他故識暗而氣餒焉耳吾鄉先生李忠定公生當其間料天下所不及料之變決天下所不能決之疑指天下所不敢指之奸察天下所不能察之忠經歷三朝屢用屢罷但言戰而不言和言守而不言避自始至終確然皆有定議則其志與識與氣之素定者爲之也被夫譁佞之臣居恒與公爲難臨事則漫無可

否不思委質以來高橋厚祿云誰之餐方袍大帶云誰之服當主憂臣辱之日而爲全軀保妻子地奚其愚也嗟夫王顏自古爲身累肉食何人爲國謀若輩之自爲計者曰逃其爲人主計者曰避想平生之所學者惟有走而已矣忠定公則誠正之學既深其于君父之倫忠孝之義講求素熟故不以進退易其志不以是非翳其識不以禍福撓其氣惜也百姓破登聞之鼓而不能破讒賊之口天子咏南飛之鳳而不能

能咏高崗之鳴謀適不用千古浩歎要其謨議猶在固後代之典型也觀其任起居卽而料禍水則爲小臣者可以勸矣觀其刺血而定內禪執弓而却門寇則爲邇臣者可以勸矣觀其分授外闡所見必言流落遐荒有聞必奏則爲遠臣者亦可以勸矣天下之人而皆讀斯集也忠義之性勃然以興而亂賊之風慙然以沮况余生其里居甚近而刑不遠曷勝儀其志以博其識而養其氣之恩焉僭刪其繁姑利披誦

也云爾

重修丹臺道院序

汪麗日

丹臺蔭樵溪蜿蜒磅礴望之蒼然蓋山之土厚氣靈者也登其上群峯環峙曠然無涯鄉之縉紳暨都人士咸請予重修之豈非以其有益于郡城哉夫賢者之舉也不以無益興不以有益廢茲山也邇延野綠遠映天碧峰迴徑轉蔚然深秀上有古刹在焉根以石壁圍以竹松洵高明遊息之地也而原夫始作之

邵武府續志 藝文

卷九

六十三

意似不謂然父老爲予言曰此郡之印星或曰人文發祥之區或曰風水萃靈大抵皆以爲有益于郡者夫鍾天之秀聳立于霄固亦勝矣然地雖勝必得人焉植之使蘭亭不逢右軍龍興不值柳州則清湍修竹嘉卉美石不無蕪沒空山而况其有關於郡如茲山茲寺者哉昔嘗步極而觀焉龕座崔巍禪房零落已有諸佛莓苔之慮因歎自唐宋以來不知其經幾修墜以相及也今不整且壞何未逮也嗣因僧病垣

頽流移遷寓男婦不潔觸神之怒于清和下浣大風
雷雨裂石且神附人言命亟修葺以妥神靈以佑生
民誠如神言不可不修即微神言亦不可不修若夫
周覽山川緬其形勝東望跨虹鎖烟波之巨流架以
層閣隱若翠屏西望熙春茂林叢石蒼蔚而交陰非
復蒼烟白露之蘊而其北則大觀詩話八角轟然樓
亭也凌虛架空亦既挾光景而薄星辰接遠響而生
清風矣在三面宜修者業已次第畢舉南有斯臺而
甚事而赴功也是為序

補修郡學序

汪麗日

前之人茂矣而輯聖人之居常美材善匠構造堅纘
謂近之身心遠之風教胥由斯期其可久若然則植
庭有覺良宜千古何其修之不一而足也雖然成毀
之理自屬相因志事在人確無可易即如郡學歸然

中區閼世遐遠自余來貲以丹雘非不嚴嚴翼翼然乎可觀魯幾何時而楹角周垣漸乖初制甚矣其未可由斯而弗修也今試以修已之說見郡學之宜亟可乎蓋身心一而撼者百淑身心者一而戕者百謂修則不可止謂已修則多不可恃此在明體達用之材往往早歲自警業脩而猶惕也至于木可鑿而蝨生之丹可頽而蘚蝕之瓦石雖堅而鳥鼠殘風雨震之不猶夫修則不可止已修常不可恃也乎寄斯直

宿亦愛護唯謹及曠而視之可為太息者則亦不乏嘗聞異端有作後世信之靡不高立壇宇不自仍其衰落間而仁人君子惑于其說將從而問墉垣勞顯茲焉豈至于斯而獨否且比年以來畝穀數登工物之費未覺其繁是不猶身心之學乘其時而克自振勵庶獲常新苟舍而不圖後乃且殆且廢徒浩嘆于槩範之既缺而塗飾之難功也則何裨矣余是以捐貲導其脩諒在紳衿秀立不以為非于是若響之附若

影之從父期其子兄勗其弟各殫乃心出乃力以見
修之成也固盛事之所由而同人之所樂歟詩曰有
德有造易曰養正聖功則無論迫而士焉東而仁焉
遊其中而庀身心之華整樂風教之殷淳所賴不尤
巨哉遂以是言弁其首

修靈傑塔序

注麗日

牛女粲天岳川亘地居其中經之緯之以成巨觀則
人亦至靈至傑矣哉尚何藉于一塔而以鍾毓之名

邵武府續志

藝文

卷九

六十六

歸之曰靈傑也則茲塔之有興廢也何重建為雖然
會元氣而生者間出之奇若夫人文英蔚未嘗于山
川之社無所藉而能繁是故得山之靈者其秀立文
翁勃而奇得水之靈者其氣直文清疏而暢得山水
滙而靈者則秀卓長空氣涵大澤文雋越能高沉健
能博于斯振領塞芳有崑美焉懷珠蘊馥有群萃焉
樵陽踞七閩上游山環水冽文譽遐敷議者謂區域
雖佳而木星獨缺夫木主歲主生為列星之纏聚為

風雲之蒸噓誠本郡文昌之司也按舊志河東十里許水遠而右山旋而左原有羊角一峯峻出于蒼松碧岫間為巽木之位非所謂半壁飛霞文心映藻者歟無何而草寇相糜人文欲替爰有建塔以補之議在昔人創而有功今胡為而坐視其圯且夙趾既存增興如待守茲土者用是慨然不置然尤有說于此不煩者因舊之圖整新者積衆之力有名成而宜亟者薦紳先生也福在一身而後世可念祐在一室而

同生可期豈謂山林間暢姑不及此有未成名宜亟者青青子衿也故老云十九年一雋姑為待之迺天氣既見而及者恒寡則鮮衣年少未幾而星星而稿木矣豈不思佐清明之躬淬拔起之羣者乎有不求名成宜亟者尤豐積之庭佻健之子也未親道義而先益敏睿遂與顓愚者不等苟側身詩書之林則挾其敏睿奮焉而有為天下俊偉之業亦何不可為况乎紳士良民日有咨求倘紛言築舍寃罔所禪而衆

志既堅則何難于一塔抑觀邵之昔日在野之儒術
在廷之經濟其人其文莫不大彰千古其無藉也耶
其有藉也耶無藉者在天有藉者以人而天或亦非
無所藉而然矣一人始之與衆成之效必有捷疎者
將見樵陽人文之靈傑與山水並遠至于鈴鐸香花
佛舍浮屠之說諒非所取

三世賢婦傳

吳震

黃氏者雲彤吳文俊之妻也文俊嗜學善文好施濟

邵武府續志

藝文

卷九

六十八

弱冠蚤逝而黃氏性貞靜奉舅姑盡道撫一子世昭
甫三歲越明年舅姑繼喪家業蕭條氏獨栢舟自矢
勤女紅教子以學備嘗艱苦世昭成童娶鄧氏年方
十六于歸兩月而世昭亦亡黃氏欲死者幾鄧氏痛
踊昏絕一時復甦云適見亡夫言汝懷者子也可不
死果娠而產一子鄉人奇之因以奇名鄧氏事姑尤
盡禮處妯娌無間言黃氏年七十起居甚艱鄧氏問
寢視膳溫清之規毫無苟簡人皆謂黃氏有孝媳之

報也黃氏卒年八十五鄧氏致姑喪勤劬益勵為奇
娶黃氏生一子繼為娶桂氏連生數子而桂氏事姑
之孝不異鄧氏視黃氏之子如己子而加厚焉人皆
謂鄧氏又有孝媳之報也鄧氏享年八十有奇夫微
黃氏不能成夫之志微鄧氏不能遂姑之心故以黃
氏之賢以鄧氏之孝繼以桂氏之慈愛當絕續間而
一子六孫再傳振振過其地者咸指為三世賢婦之
鄉嗟乎婦人之德莫大於節孝得其一亦足不朽如

黃鄧姑媳與桂氏者芳潔出於一門以稱賢婦非歟
何學士大夫之所難能而婦人能之也

重修長春觀序

觀在光澤十三都

鄧夢禹

三教之說自古不廢道之有觀亦猶儒之有學釋之
有刹也其義取于奉太上學修煉習符錄自度度人
大則助祈禳于朝廷次亦効禪益于鄉邑此觀之所
由設而不可廢也我祖唐僕射公以功封鎮本都樂
善喜施捐剏凡九觀十三寺而長春道院其一焉址

居蓮華峯之麓地僻山秀泉石竹檜雲烟繚繞頗稱
幽勝而筆峰聳翠于前尤徵竒絕所以代有黃冠輒
著道術蓋其驗也乃自變亂以後人散宅燬者久矣
然古殿尚巍然獨存豈非神所憑依乎予族一二士
有志翊道惻然祖德之將淪仙踪之欲失共延盱郡
羽流某居住其間苦風雨之無蔽思構葺教椽為息
計因問序于予將向善人長者而乞資焉予曰唯唯
是誠不可已也夫自太上顯化即聖夫子問道亦有

猶龍之歎誠知變化靡窮普度人天誠莫可測也厥
後代有異人淇體無為贊迪玄功道教之不容廢以
知道流之必欲護道流之必欲護益知道院之必當
修也然則共捐銖兩用飭厥宇俾道種為之弗替僊
跡得以永存恪祀太上持守正一于以助流教化贊
理群倫不亦休乎是亦烏可以已歟

雷海道人夢傳序

名開先
字龍起

洪濟

自昔布衣為名高若魯連之徒是已此義俠也又或

辭榮以寄傲若靖節先生是已此宦隱也非俠非宦
之間志周孔之道操儒生之業而能章明典誥力振
宗風不襲魯連之遺跡幾同靖節之芳槩余于海道
人見之矣道人既儒矣而生亂世之末沉雖有鵬翮
繳而戢之舉世夢夢道人獨醒其跡名若利如浮雲
過前而飄風振響也故無欣羨無畔援率性安命唯
日與緇流羽客徜徉于山之椒水之湄而適志于無
何有之鄉前此未七十也知夢之為夢後此過七十

也化夢于無夢因作問影小傳寫照平生嘻異矣抱
遐景兮獨寤寐含芳風兮樂我素發嘯咏兮足清音
啣此盃兮且朝暮既忘乎已之賤貧又安羨乎世之
奔騫然則取彼之紆金拖紫以視道人敝緼布衣為
何如也豈猶沉溺夢中而跼蹐躄地于寰區耶蘇子
云江山風月本無常主閒者便是主人道人以無累
之心胞領閒中之曠味標逸民之高調作風月之主
人燈火龕前依稀釋子烟霞隊裡彷彿仙跡其以稱

有德君子當世隱儒也信夫不然何曾道人者同詞
哉古者養老乞言皆有愷史余特表其布衣高其儒
行以俟後之憲老者

重修迎恩橋序

洪濟

杉易諸山皆遠城而西自東南山峰間比流而漚於
兩溪者黃溪也溪上故有橋原名永安明萬曆庚辰
義發雷氏損貲修之更名迎恩迄今九十餘年矣橋
之東西民居懼寇變成灰礫於燐莽間惟此橋屹然

獨存雖有數焉未必非神焉護之也但架木爲梁多
歷年所則風水浸蝕不至於大壞極泐不已余經臨
其地甫升橋之西嶂狀甚阨危問之僧人寂禁知其
西巒較濶杠棟腐蛀已不能載土石而奠安矣必待
其極弊而後謀修用力必難於今日曷若預爲之計
撤其腐朽易以楨幹哉然念秦民瘡痍初復不堪重
創爾募僧重劃良緣甚盛事也務爾卜相有方取才
若干尋丈就山度木焉計若干旬日因暇度食焉募

貨于信善之家量時度力馬先定其必成毋爲倖舉
土木瓦石畢具然後撤而更之則半倍矣吁鐸驅山
而駕海邈矣難追掉量絲以浮江卓哉易涉其事工
相萬者人力勝也或亦假巨川之舟楫爲盛世之津
梁則與邑中賢士大夫共成之某其持此語以與泰
人相勸勉

題募建巽峰序

江日彩

吾邑舊稱文獻鼎元疊出固云人事之盛亦其山靈

邵武府續志

藝文

卷九

七十三

崔萃秀孕竒葩有以壯中原之色邇者地形不改損
缺或多生斯世而肩旋轉之任補缺障空豈異人任
况數年來邀靈郡公祖邑父母之力新璜遷於正位
華表插乎水西星環秀聚水拱山迎所缺者獨巽方
一峰耳夫女媧可以補天愚公尚能鞭海豈以合邑
士大夫之靈不能添山頭一杯土乎本邑當水災殘
傷之後大工屢興之餘亦知物力凋敝敢復剝肉但
百廢俱興而獨一峰未暨殊爲可惜且功成九仞而

虧僅一簣補亦無難矧聚衆輕而成重不啻太倉一粒耶今議只壘土為峰約百餘金費而足敦請義士登門題募費既不多功亦易成所望諸同志慕義若赴種福無疆隨力題助共成勝事若曰學工未已紛茲多事則余豈敢余豈敢

大弋山集社序

建寧陳際泰臨川會魁

余薄遊綏安其地有大弋山一曰金鏡山踞邑之南高揖匡廬暝暝焉而弟之濰水出焉餘山秀拔如畫

邵武府續志 藝文 卷九 七十四

不以制大而累其似士生其間光氣在身美秀而文有都人士之風往者冠蓋盛溢比來頗不承於權輿而罔所歸曲夫山川之奇秀未變於前也而人才非獨取高前式云爾殆幾幾乎而欲過人夫功効由於業廣利賒本乎義進濰人士之所為既足獻酬群心簡衛異端夫誰之不如碩床足不能有尋常之逝而棲遲日晏淹引國華何也二三兄弟皇惑而不得其致披然曰請移是非所以言也夫理盡而無

餘者君子固不以相責也嘗試取二三兄弟之故牘而讀之有精深者矣有秀美者矣有堅博者矣有鏗令者矣有超曠者矣有雄老者矣有縱橫者矣有高華者矣有幽貴者矣有鬱削者矣有奧衍者矣有物險者矣即其小言零說具有其美如金錫之播於地而聲形於物猶或為勾或為玦而中乎八官之用其棄去不醇者尚可當下國中駟所謂藥性雖善猶愈于黍稷之篤恭也其長已見于天下如此何以至今

不業也曰此殆未厲其神用之效也二三兄弟凡占幅吐墨必思二屯以上之材則其勢不能多一旦以多被之則骨脉心神之安然者必變於前此其道在反乎平日之所為而習之于素夫天下事固可以習而能也讀國志有之建安六年劉景升攻西鄂西鄂長杜子緒帥縣男女嬰城而守時南陽功曹桓孝亦在圍中聞兵攻聲恐懼入室閉戶牽被覆頭相攻半日稍敢出面其明日側立而聽二日往出戶問消

息至四五日乃更負楯親聞語子緒曰勇可習也夫
術業與精神之可習而有之亦若是焉則已矣于是
邑侯吳鼎殷大然其說率二三子結社于弋山之陽
而躬課之每會題取其多而成取其挺為之指授義
類裁割餘濫二三兄弟不數會得文若干文之工未
損于前碩術業之侈與精神之工其視故齒不可為
道里綏安斗大矣何至人才之多幾三十人而未已
而遂適得鼎殷為之父若師此天之所以告人也夫

弟子員之師邑大夫文服之耳文予而實不予是事
之大趣也今獨于鼎殷不然鼎殷實愛而教之二三
子亦親而尊之此豈人力也哉天苟無意濰陽宜不
若走是殆幽通有助神理不誣故曰此天之所以告
人也鼎殷刻其社文而布之余亦授簡焉將使天下
先見其氣而用以登進二三兄弟之心有君如此奚
忍負之勤其教而不自衰止是乃所以為報也某某
言曰形家者言日月之際名進士輩出東關水獨深

爾後可厲而涉也今水復深于往時篙師或不得其底則二三兄弟習于鼓舞以不自衰止而又適得鼎殷之大賢為之父若師以成之二三兄弟之天時至矣癸酉之役旗獲而化成必多濰陽之士無疑矣

朱黃二義跋

建寧 陳際泰

人情有所不能已者聖人因而不奪故制為中流使人皆可勉強而至蓋度人情而為之非謂理盡無餘而不以相責也若不立難能之行以繩人天下將曰

邵武府續志 藝文

卷九

七十七

古之道不即人心而聖人之行反不行于天下故君子不求詳于無妄所以全天下中才也吾獨感於朱黃二公之以二義顯也二義鄰者亦途之人耳非有骨肉之親不可解之性也又以利合踈則易離利則易隙然其相聯即血戚不啻矣抑其相久即道德不啻矣微獨無凶終隙末之事也而且渾為一人兩家婦人孺子化之用能訓長異寧恩等同生即塵地上而實地下猶同窻窻而處焉此事非目見其然直以

為夢中語耳可不謂千古所獨絕乎張許二公之守
睢陽也心神無二豈頌問哉未幾而兩家致訟雖由
子弟材下不能知二父之所為亦事勢所有今二義
更世易紀而兩家子弟猶蒸蒸好合終不見隆替之
跡此雖其子弟賢也要其所以致之者微矣予讀四
子及六籍之書啓誨甚多然未嘗有是二十一史之
傳奇俠與獨行則有類是者而孰知亡於禮者之禮
亡於義者之義聖人以為至高之行不以繩物恐繩
之而無以從吾教也故雜見其事於史而深隱其文
於經夫聖人以為絕無而僅有者而二義獨能之則
二義豈非千古以來之所罕見也哉

重修聯雲橋序

建寧 陳于達 臨湘人

環綏皆山也山之東橋名鎮安山之北橋名聯雲是
鎮安據上游而聯雲實砥中流亡何以中流之砥不
克如山之東有橋作鎮是亦綏城不湍於西北之處
也先任袁君欲興之而未觀厥成嗣是郡司農柳大

人再董其事待後來以彰前美不知離蔬筮仕朝夕
糾簿書不遑何能他及今數閱月邑之士田頗悉其
數邑之山川差審其形一日集紳衿里民于聯雲橋
之角相夕陽度流泉瞻闔邑全勢始知是橋之興廢
蓋緩城之盛衰關焉且環顧沙嶼喜其於波靡中若
有屹然作柱之狀惟時陳子大儀曰此沙洲在昔時
成田因前輩先生央免糧不數年而沙遂飛去今是
沙有復來之望矣予益嘆白茅黃土朝廷之福莫大

焉夫橋已幾廢沙復能來是地固效靈之兆也緩城
士民其將食福於無疆乎因語之曰萬物之興各有
其時萬物之成各因其人予茲者察地理覘地靈於
是橋之興求其聿觀厥成者則予之志也夫至于觀
成之後凡一絲一粒皆有果報將見邑之士觀雲開
氣清而科第蟬聯邑之民望景星卿雲而繡錯聯絡
又何必羨郭汾陽修蒲浮橋為千古佳話乎謹以是
為輸助者勸

見萬峯聳翠長澗波洄蜿蜒蒼蔥襟山帶河亦洋洋
一大觀也夫維嶽降神生甫及中此昔者李西山李
果齋諸先生珪學淵藪科第巍煥所稱地靈人傑豈
偶然哉何山川依舊風景頓殊竊怒焉不解及展拜
夫子宮庭風雨交於簷楹星日穿其戶牖四望頽垣
不禁喟然曰烏有根本不培而能令枝幹之發榮者
乎爰進張廣文暨鄉紳上官而謀之捐其錙銖聊圖
補苴以爲小成耳願思勝朝嘉靖間吾鄉曾公汝誠

祁武府續志 藝文

卷九

二十七十九之二

來蒞茲土首新泮宮至今邑人士猶能言之余不敏
竊歛心曾公之心事曾公之事無如功業浩繁非一
手足所能辦查歲在乙巳本府汪公以理學名家出
守樵川曾吐珠璣鼓我多士而督糧漕公於庚戌之
秋以文章宗匠兼攝邑篆繼成其美身倡助修倘藉
兩尊居高之呼從此得請君子慨然率先尺帛斗粟
不靳輸將積而累之一篲九仞安知心曾公之心者
非即事曾公之事也哉將伯之助予日望之

重修東橋叙

光令高爽

國語云辰角見而雨畢雨畢除道水涸成梁夫梁以利涉厥維仲冬王命司役乃克董成載在典章相彼弘濟豈不遠哉春秋之季單伯使陳見其候館不設橋梁不修而卜國之將亡則夫即一二端而國政之治亂閔焉又詎不重哉夫人懷才抱德乘時利濟象川之楫象舟之虛言其拯救時艱真安民物執此以往大而大見之小而小見之大用之而大效小用之

邵武府續志藝文

卷九

五十九之三

而小效於以整施寰區裕如也大要政有緩急事有先後釐飾救弊挈原竟委操術不一而總以稱情平施乘時利建期於有益民生有裨政績而止昔公孫僑之相鄭也叙田疇正衣冠教子弟當其誰殺謗與一時執政岌岌乎疑之而公族之間相與譏其非是者實繁有徒况蚩蚩小民哉迨調於寬猛之施相於水火之宜而後熙然曰實父我也母我也誰嗣之歌豈不與誰殺之謗計日而并傳哉噫殆亦感矣然其

溱洧濟人一事史冊無聞而子輿氏摘出之以爲非
政夫古稱慈惠之師愷悌君子民之父母惠之一字
豈非古之遺愛政之良規歟然惠之及一二人者小
惠之及千萬人者大惠而人之沾沾於其惠者小惠
而人之皞皞於其惠者大故輿梁之不成而溱洧勞
人猶相與傳頌弗衰而乘輿一事君子以爲非政也
余宰光邑之三月碩見東橋廢圯民多病涉無何而
邑之父老相率而請曰是不可以不重脩也雖田疇
子弟光之需若叙需若教者不一而胥溺之患不可
以不除弘濟之利不可以不建他時叙田疇教子弟
誰殺誰嗣民實有心俱不可知而要唯以心存惠濟
則請以脩橋一事爲爲政之膏矢待夫工成而卽榜
之曰惠濟夫亦可碩名而思義云

選宋李忠定公全集凡例六則 李嗣元

集曷為而選乎曰不得已也其不得已者何譚峭之
危而失也予懼焉懼而欲存之而不能槩存也故汰
之汰而後可捷舉而存也雖然匪汰則存惡乎捷匪
汰則存惡乎久其迫而使汰者乃其所以使存也是
則有天意焉 汰矣而集惡乎全且以半月而定公
千秋也誰信之曰予之汰之也有懼心焉有廣目焉
有神力焉心懼則不敢以易志乘目廣則不敢以一

邵武府續志 藝文 卷九

八十

律限而且窮晝夜之力不欲也非神行乎不至此故
引穀率搯繩墨謂予之過而存也則有之汰焉而過
者蓋寡矣 于鱗之選唐也曰此不足以盡唐詩而
唐詩盡于此然則茲也其盡忠定矣乎曰否于鱗之
選唐也盡唐矣予之不足盡忠定也則目域焉代曠
焉兵崇焉其知者有易傳二十三卷有共和迄五季
天地五行之變百餘卷皆不傳矧又域于所未知然
則予何足以盡忠定而忠定之與予目接者盡于此

選集而批點古乎曰非古而使人知古人之軌則
焉則猶古也正集不批者何懼專也奏議批者何懼
昧也且二三子忠之也謂公之實用存焉標之而于
目了然而于用犁然批此而前集可羞解矣批而不
點則猶之乎其不敢專也公之忠則純忠哉績則
懋績哉述公者其忠與績之不能悉焉及文然而公
之文實江河注焉金石宣焉奏疏有宣公之暢而無
其俳殆幾幾乎勝之謝賜諸表皆磨墨盾鼻上得之

何麗也或曰公蓋知人善任耳曰否前後表異時也
而體裁一內外制與諸表異體也而風骨一血指者
能乎公蓋兼才而敏者也然則制詞不選者何曰非
所急也且賞亦有所限焉公往矣而勲爛焉勲往矣
而文著焉公精誠之不磨而文惡乎泯故之博而致
約者欲其幾于粹也之約而致博者懼其跡于遺也
公族于邵育于邵休于福葬于福福宜有遺文焉續
而廣其傳是不在福入士乎則孰爲緒斯引薪斯傳

乎

張貞烈葉氏傳

徐中恒

夫出肩疆場之任不幸而丁敵迫勢危兩相搏于馬
鬪鋒交之會此之奮志糜軀靡退縮者時不得不爾
也不則孤城援斷強寇環攻於茲而理道揆也功罪
計也而能勵之彌堅永矢勿改其為鬚眉男子當如
是也若夫婦人女子非有道理之素講未關功罪之
叅審又匪計無復之之時一旦殉志捐軀茹痛既久

邵武府續志 藝文

卷九

八十二

而能赴其所願此其難于士君子殆倍屣矣予讀張
貞烈葉氏狀悲而異之葉氏諱進端福唐葉君節之
女明太師文忠臺山公之曾孫也聰穎淑順嫺公宮
之憲不帥而宜性喜讀書輒能窺厥文而曉厥義蠶
杼鍼繭涉之而即工維葉與張翁山只故善又有硯
席契張舉長子祈與進端生之歲同蹇修以婚姻請
君節敬諾遂委禽焉會張翁秉鐸綏安而海氛告熾
踪飛問阻倏踰數年北祈稍長用經術補邑弟子有

聲歲庚子就試三山棘闈罷因間而辦具擇吉受室
于故里明年春載婦而西謁父翁於黌署行廟見禮
爾時姑先即世烈婦既受婦事卸粧操作雖瑣褻必
力勞弗辭竭孝堂上致敬齊眉以和以婉肅承夫之
兄弟然好學則如待年時也每夜與夫分度剪燈漏
數下始止無何祈以下帷攻苦不勝欲且因舊兵叛
之歲立泮池水中寒侵腠理旋染瘵疾壬寅正月張
公遣祈靜攝于城西之琅園內外睽隔積有時日迨

蒲節後病寢劇不得已輿歸便湯藥烈婦目擊瘦形
憂心孔疚兢兢侍床幃傍衣帶不解者廿日六月初
三夜叩天密祝剡臂肉雜蓮實煮而進析噉之疑曰
茲蓮實也切葦氣觸鼻乎却弗食婦秘不與語忍痛
趨蹌如故漸而創陷欲潰血漬痕深婦易衣復前所
視而覺者或女奴耳未幾而祈竟卒也是為六月廿
三日烈婦哀號慟擗水漿不入口三日夫之姊家之
媪百計勸之俱弗應越日成服遂以遺奩故服分貽

夫姊夫弟餘者以給家媪臧獲又寫書臧物寄訣于其室之母若弟手紉襪衣貯笥需用且戒襪襖第屨女監毋預外人七月朔介家媪自內掖出拜翁而跽請曰氏不造所天既失終鮮遺孤夫不得為翁也子氏亦不得為翁也媳幸叔姒于歸在即菽水虔將翁可強慰焉言畢仍返苫次晝夜卧于柩側不哭不言間或手挽柩環口作啾啾嚶嚶而已烈婦初不食猶聞喉膈間微響久之則聞然衆疑其逝矣然猶未也

二十一日忽起而謂人曰吾家差魏三來詰朝至次午魏三果自福唐齎其母弟之書至榻前烈婦取函閱之嘆曰母亦不我諒乎廿三日丙夜忽又朗語曰張郎在此雙鶴翔舞路列紗燈似皆迎余者俄而氣絕祈死在六月廿三日距今剛絕粒一月夫婦年俱二十一云奇哉含歛之際豐容若生所言神迺是耶非耶當是時遠近賢愚無不悲羨以為未有之奇緩安公上其狀於郡郡上其狀於督撫臺司賜額旌褒

而弔諫詩文紛紛楮壁間

徐子曰余所聞古之憤國亡而不食以死者若而人
然或三日或七日惟龔君實得十四日乃死即中壘
所紀烈女以迄近代士大夫之筆載殉乎死者未易
更僕數惟明恭和王邃嫔妃楊氏不食七日乃死吾
聞新寧陳宙姐不食六日乃死安有撐一月之空腹
無涓滴潤液而能視息自如了了不亂逆知母使之
至期從容處決而去如今之葉烈婦乎蓋文忠公秉

邵武府續志

藝文

卷九

八十五

軸于神光熹三朝排衆議而輔儲燭瑞禍而先退功
番竹帛固宜誕此閨貞發祖德之潛耀張山只以績
學而暫棲臯比之席敷善道而嘿培風化之源教裕
刑于徵信子婦夫豈偶哉方正學先生曰某素賤士
其身且不能自傳安能傳乎人耶先生蓋代偉人言
尚若此余之傳也母乃妄庸不自鏡乎雖然烈婦之
名方將增輝日月聳映川岑烏藉傳之者以為重也
不以人而重余之傳可矣

續詠樵陽八景

熙春朝陽

龍光 郡司馬

烏坂西山天下聞至今爽氣尚氤氳
臺高百尺臨黃鵠竹逞千尋度白雲
遠水直浸冰澗湧初陽遙滌碧
天紋請看石上雙雞聞雌伏雄飛迥出羣

北橋春舫

巨纜連舟駕急湍憑臨儘覺去來安
潮生雨後騰青雀漲湧花飛扼錦瀾
鎮浪那須啣鉄鎖樂饑好拂釣
邵武府續志 藝文 卷九 八十六
魚竿乘輿濟消誠多事平政方知惠愛難

西塔暮鐘

金鏊半嶺厥禪門向暮霜鐘禮世尊
震疊欲搖多寶塔鐺鉉恍逾萬家村
斜陽敲落看雲散響谷驚傳報
夕昏已辨珠林陳一榻聽他漏盡撞心猿

五曲精廬

一派晴川分外明昔人曾此置柴荆
不耽藻鏡窺華髮祇借文瀾閱老成
橋畔狎鷗恬午夢池邊馴鹿聽

書聲闔城秀駐三三曲強半迴漪繞列楹

萬峰梵刹

窈杳煙嵐費短筇橫看側視總成峰空林落葉無人
掃野徑荒苔剩鹿踪寺隱上方雲片片路迴陽谷嶺
重重我來欲證三生偈擬向維摩問五宗

石鼓松風

層巒秀出雙峰外古刹孤撐萬木中不盡松風長謾
謾無端石鼓恍逢逢轟來古洞憑雲幻號去新潮落
澗空自笑音聲緣未斷任他山籟使神通

樵嵐秋稼

千頃離離雨露恩屢豐瘠土未爲貧黃雲極目迷脩
陌碧穗含香綉野村幾箇梅花牛背落萬家砧杵橋
烟喧尋秋遮莫携田父望杏瞻蒲仔細論

丹臺梅月

羽客山居舊得名梅花滿屋不勝清爲留素影臨冰
鏡幾倚黃昏憶鶴笙丹灶久同巖石冷藥爐徒恍火

雲生漫啗方外狂司馬賺得詩蒐對月明

登詩話樓

風雅真堪第一流凭欄寄目幾勾留晴霞遠郭供詩料逝水鳴灘咽話愁化鶴未歸酬五字陳樽如在自千秋狂來頻得驚人句不數休文八詠樓

雜事志 十

著一代之書廣容一代即著一方之書裒合一
方所深願也而幽不及采訪不及備將若之何
如邵自定鼎以來其事非陳而莫矚也地非甚
曠而難求也言之非盡可疑而不足信也苟畧
不相聞終將湮失抑思樗蒲日者之倫何入于
史函竒木怪鳥之名何登于爾雅且二氏之傳
珠英所不廢三事之妖公明解其惑乃安然而

邵武府續志 雜事 卷十

一

無懼也諒博涉有源亦遺美足惜續雜事志

古蹟

府龍由西門進城語云西塔起邵武倒蓋龍脉到頭
一節不宜殿宇高大壓絕真氣雪心賦云先宅後墳
宅既旺而墳衰自然之理也塔脚稍高正郡龍入首
之處不宜有坑塹

縣龍從悟峯寺至萬家山入城向軍器庫起一突爲
城內發龍少祖迤至土街頭從城隍廟邵公祠起一

突爲縣學入首之龍爲府學朝對之案過縣學後則
由司前巷至衛後及縣前逶至東門大街出城至三
公橋止皆縣龍也舊軍器庫在倉背謂之老庫及建
于今地爲火所焚轉若大利惟不宜挖敗恐有傷耳

丘墓

寺觀

菴道院附

準提閣在廣寧坊丙午年建內有放生池

檀香寺順治五年造

三官堂在廣寧坊順治十五年造在南市者順治十年造

普濟菴康熙七年重修

瑞光禪院癸卯年遊擊劉英建 有碑記

邵武府續志

雜事

卷十

三

普照亭丁亥年池總鎮建

吉祥寺康熙八年建于鳳石坊四眼井邊

安國寺乙巳年重建今為護國禪林

玄壇廟在九龍觀內康熙二年延燒神示總鎮王銘

即建

又于門外造坊

寶嚴寺嘉靖年間建崇禎四年進士陳之美重修 今殘

萬峯菴戊子年為賊燒毀于順治年重建

石鼓王廟載在前志今毀基尚存

小隱庵于康熙年新建

丹臺山道院舊祀真武以鎮火星山頂為玉皇閣康熙七年遷海民流寓其上以致垢穢八年二月殿為雷毀之神附人言命修治義士孟仰成吳守紀等倡請於汪公墓序各願捐修

獅子崖

在五十都

為餓祖師院康熙六年燬僧照瑞等

募衆重建

僊釋

建寧徐文君延平人與張文光李文通俱了悟徐卓錫于客坊白雲寺寺臨深潭有金龍踴躍張李皆欲居之徐乃橫竹于潭之上往返如履平地張李不能從於是張居五龍李居嚴嶂徐寂于此禱雨即應有時徐與龍俱現形勅賜定心圓覺湛寂普照禪師今俗呼為徐滂河張破陂李發風以其雨可立求也

邵武僧性聰號憨璞天童嫡脈臨濟英枝直指人心

邵武府續志

雜事

卷十

五

深明宗旨順治十六年 召入禁林荅問多稱 旨特封明覺禪師勅書畧云聞爾久參覺性堪表梵群爾則欽承朕命克廣善因云云于是賜紫衣勅印著刊語錄大學士金之俊為之序有云橫著豎著拂子遍地風光直提倒提拄杖普天震動謂之語而無語可也謂之無語而語可也及回居安國寺數年而逝

方技

明鄭倫字道五一字胎聖東隅鳳石坊人善詩文尤

工書繪郭文宗甚重之補邑庠生每課餘輒做梅道人倪瓚諸家筆或作懷素書得意時即浮大白嘗自題其秋山圖云秋山不可窮日暮烟雲織移來片幅中離離渺何極乃有六朝風致

龔宜字爾雅河北人少承父業乃慷慨好義周給貧乏及履時艱遂無恒產亦無定居以瓦缶自炊糊其口而已善詩且長于畫有相酌者仍與好友因所吝天中曾旅庵諱弘者重其為人欲貲奩贈以妾宜堅邵武府續志雜事卷十六
辭槩亦清貞者矣按院李公鄉有善人之舉布司周公在樵時特加禮焉

祥異

崇禎九年大饑斗米三錢無為教倡亂

崇禎十七年三月府學明倫堂棟樑崩于是日縣學文廟扁狂風損落

順治三年丙戌八月二十五日戌刻 清朝遣牌內稱欽命征南大將軍貝勒子奉簡命勦撫浙江閩廣

等處伐暴安民救民水火今差總兵官李成棟統兵十萬由邵武至廣東所到地方著文武官員及鄉紳士民盡行剃髮歸順所有軍糧馬料備赴軍前應用秋毫無犯等語守道萬曰吉府守朱慈僉其夜遂遁縣令熊兆行發銀千兩付鄉老以備犒設仍乘馬南遁是夜入定後本城軍器庫忽火起所藏貫藥銃炮及硝磺火箭聲震數里煙焰冲天城中人民自相踐踏比曉無事

邵武府續志

雜事

卷十

七

是月二十六日邵武版圖悉歸 清朝總兵李成棟統兵至邵武是時城中各官俱遁惟照磨任世漢率鄉老齋印往迎兵自東關入城從南門出扎營陔嶺李成棟遣兵四門守禦不許一卒入城并發馳騎徧地巡視仍諭即時剃髮未戮一人午刻府守陳喆副總池鳳鳴同知洪秉銓通判楊士昇推官翁聲業知縣趙之璉典史柴萬鍾俱上任安集人民發令箭招回宅眷大兵番樵數日遂赴泰寧成棟軍令嚴肅故

大師臨城人不知兵

丁亥順治四年二月傳稱江西曹大蛟舉兵由火燒嶺取福建池副總於建州請騎兵三百入樵守禦將領揚佐令司前巷居民移去退宅屯兵庭為馬房壁克薪火民怨之

五月天變東南隅赤氣異常旬日不止

七月東路鄉寇倡亂東橋火叅將魯雲龍殺士魯雲龍江西金谿人驍勇善戰駕驚不趨約束凌府守欺

邵武府續志

雜事

卷十

八

主將至是四鄉寇起雲龍益驕因東橋為諸路要衝遂焚之樵人憾焉酒醉馳馬刀墜地叱庠生袁鎧取刀鎧未喻揮刀殺之通庠擁集各衙門欲正妄殺之罪池副總執其部佐戮之衆議乃息雲龍有剽寇全城之功以驕悍自用後往鎮建邑為鄉寇窳婁所愚偽齎金帛以降請雲龍詣寨受降伏兵殺之八月初八日鄉寇從王堂溪直至三公橋城幾陷池副總糾陳彪魯雲龍統馬步兵千餘與寇戰于三公

擒賊大敗斬殺甚衆生獲二十一人斬于衛前自是東西二門堅閉數月居民盡移入城日夜防守賊屢遣牌稱和順王江楚王周都督統兵期日交戰各官晝夜分門守禦

九月初二日鄉寇分兩路攻城南路至白渚橋福山寨遂焚橋陳魯二將統騎兵剿殺敗之獲五十人斬于南北河東路聞風即遁陳魯襲殺甚衆

初五日鄉寇焚萬峯庵唐興寺及北河民房數十直邵武府續志雜事 卷十 九
至對溪渚上城中以砲擊殺數人遂遁陳魯襲殺之擒十餘人斬于北渚

初六日鄉寇復分兵攻城縣令趙之璉同叅將陳彪開東門殺逐間是時各將俱屯東門忽南門寇迫城下入柵挈梯將入城各將趨南閉城放炮寇甚衆弗能禦忽魯雲龍從泰寧返由陔嶺截殺至官路寇始退趙令親出夾攻斬獲甚衆前後六七戰斬殺萬人其渠魁則樂升如官威揚湯克績丁伯韶施子章數

輦耳

戊子五年四月十二日郭兵謀叛襲殺之郭天才係江西副將金王未變時奉洪吏部令援勦福省晉秦熊二將領驍兵千餘鎮邵武屯南關及二月金王兵變稱王得功暗檄令天才取福建秦熊因與揭兵暗通約為內應以故十一日揭兵攻城秦熊按兵不動及擒揭兵詢之云係秦熊陰結江西及建州和碩王攻城周臬司遂有襲秦熊之謀十一夜于城中獲郭

邵武府續志

雜事

卷十

十

營奸細云秦熊以是夜三鼓攻城使我未放火周臬司與各官議令司籌者終夜只擊二鼓秘傳三家兵從東西門出將郭營匝圍之郭兵尚偵城中纔二鼓及聞砲聲四起知中計無措與三家兵大戰勦殺殆盡秦熊被擒就戮前郭兵于順昌沙縣掠財帛不下數萬馬疋婦女數百盡為三家兵及義兵所得初議將以二鼓出勦周公恐混殺居民待黎明方可辯識關民全活無一悞戮者是役也諸將俱以郭勢甚盛

多懷猶豫賴周公力主平之

已丑六年四月至六月鄉寇四處間行出沒兵燹後四鄉疫氣流行病死者什五誅戮及拷餉死者什三田土盡荒民迫于衣食困于徵輸鬻妻賣子田產減價數倍亦無售主縣令下鄉比餉奇苦奇窮莫逾此時

九月官維揚復起為寇十月池副總孫兵圍維揚于七台山池部將往時俱受維揚厚賄至是故令解圍

邵武府續志

雜事

卷十

十一

聽其遠遁鎮標諸將養寇徼功每下鄉掠民財物賣衣飾器物城中塞滿街市凡克寇官名者厚賂投誠反肆鴟張有虞懸斗者原為僧糾衆數千作亂殺掠甚衆家至巨萬以厚貲投誠得官驕橫肆虐道路側目人生其時有死之榮無生之樂適年又遭虎害午後即出鄉民必集夥鳴鑼方敢耕樵南河西河未攫犬豕直入人家鄉民只以午前往來一鄉傷至數十人憚懾之狀尤為可憫

七年十二月廿六子時地震屋舍皆動丑時復震

乙未十二年邵武大饑初因營弁射利販米往省致
糶匱乏米斗四錢五六月烏金王提兵入閩征鄭森
發銀萬餘兩至糶買米縣官逐戶搜索未獲斗庾乃
倍價販于江西以應

十三年十二月初五日總鎮府燬於火

十四年十一月初六日西市魁善坊午時火至酉時
止燬民居一百二十餘烟

十七年十二月迎春土牛頭無故自落東岳廟右邊

邵武府續志

雜事

卷十

十二

金剛頭亦自落是月初十日雷

十八年五月靈雨不止至六月初三日山多崩裂田
畝淪沒古山嶺頭有山忽移動離其故處山頂草木
皆如故不動

康熙元年四月二十五日兩日並出過橋者于水中
見之是日晚西北方星隕如雨

六月二十一日溪水暴漲渾濁如膏臭穢觸人水中
魚鱉盡死近水居民泊船戶有拾死魚至百斤者少

者亦不下十餘斤田中鯽鱖蝦魚亦死
七月初四日月如雀口一開一合移時乃定本月二
十四日日落時復有一日中光四圍稍象黑如初磨
鏡前進者三瞬息而沒

二年三月十三夜月圓如望無纖毫缺陷本月二十
六日日暈四圍紅綠環繞如虹

十一月初七夜雷桃李花

三年八月初二日午時郡庠銀杏樹乃數百年物輪

邵武府續志

雜事

卷十

十三

困離竒生聖殿塔墀下火無故從空中發煙焰漲天
亟斧而以水沃之愈沃愈熾久之乃滅

五年邵武水北虞姓婦一產五子四男一女以月數
未足俱不生置一竹筐中棄而瘞之

七年正月二十七八九三日晡後有白氣見西南方
其長亘天上大下銳七月二十四日辰時白虹見西
南方八月內人家畜鷄宰殺去毛管下生小虫如米
蛀頭嘴皆黑人盡棄之是月無人敢食鷄者

十年五月內大水為災詳見建置類

光澤順治三年春江右山寇竊發闖入境內破壞城鄉伊時昇平日久民不知避殺傷以萬計婦女墜崖投河者不知凡几然有未識姓名者莫能為之表揚

順治五年三月金渠倡亂寇由瀘溪新城各道並進盤踞鄉城人民死亡殆盡田地荒蕪几遍自三月至八月民莫聊生從來變異未有如是之慘者也

順治六年大饑順治七年大饑順治八年大饑苦旱三年人民流亡甚衆

邵武府續志

雜事

卷十

十四

康熙元年六月天甚晴朗忽然洪水暴漲魚蝦驚竄沿江居民出沒于層波巨浪中傳云金坑龍井起水摧陷光澤邵武新城等邑

十年五月內大水為災詳見建置類

泰寧明崇禎九年丙子七月西街巷葉曰秀家出崇樓上物件自出廳堂廂內衣服起火自焚不延二處崇禎十六年癸未十一月邑令余蛟翔到泰建交界

之黃坪棟獲強盜李子始兄弟三人斬之又帶歸范
辟一人于十二月二十八日梟於演武場泰之殺運
牽矣

丙戌年正月二十八夜四更初城內外人皆聞鬼哭
清自順治四年丁亥至丙申民之苦於兵者十年此
十年內一日猶如一年咆哮城市蹂躪場圃抑價強
取活斃鄉民米豆薪炭不入城貨物不出市一旦撤
去民以安堵祥孰有大于此者全文載縣志

邵武府續志

雜事

卷十

十五

康熙十年五月內大水為災詳見建置類

建寧明崇禎十年戊寅夏五月六日有蛟出於饒山
山崩水溢漂流廬舍死者數十人先是謝家壑有石
洞圓而不廣常有雲氣出于其中至是日有物晝出
陰雲四合不見其形初無他異離洞五里忽有黑水
湧出平地兩山對峙之處巨木數萬章悉拔根偃仆
山盡崩裂巨石如厨如櫃如几榻者漂蕩波中若浮
直梗又巨石長數丈可晒谷八九石亦漂流五里自

謝家窰至源口二十里田中巨石碁布喬木合抱者
爲巨石剉戛皆糜碎而中虛黑水從居民屋內湧出
頃刻漂去廬舍溺死數十人其死者或身首異處或
手足俱無或臟腑皆虛其水倏忽而湧轉瞬而涸有
鄉農在田間作務携女手而歸餘波忽及父子顛頓
再起視其水忽已涸矣蛟至袁庄乃入大河

清順治五年戊子江帥金聲桓王得仁據南昌叛各
郡響應鄉寇倚勢攻城王用屢出破之三月十一日

邵武府續志

雜事

卷十

十六

寇焚水南晚又焚北郊共燬廬舍數千家用欲出救
署令孫志儒泥孤虛之說力沮之四月十八夜偽將
歐陽芬率兵數千耒襲城半已登陴王用病初愈鼓
義而戰殲數百人而城全芬破新城保羅源據其地
久之乃去閏四月初四日江寇杜承芳率賊及鄉寇
五六萬至城下叛將劉鳳劉龍為內應以城降縱兵
大掠初九日杜率大隊緹載而去番偽將數人賊兵
數千駐城中脰索百方城中膏血盡乃遍掠近鄉環

邑三四十里鷄犬鯤鰔皆盡斗米至銀五六錢殍死相望謀生之路皆斷蓋建邑古今未有之變也邑士李嗣元詩在藝文類

康熙十年五月內大水爲災詳見建置類

叢談

明嘉靖庚戌二十九年賊自永寧薊州逼京師劉襲顯率官兵大敗之追擒其將失塔叭都魯斬首七百餘級賊乃遁去顯福建邵武人有叔在陝西顯家寒

邵武府續志

雜事

卷十

十七

漂流至叔家住之對門有關帝廟顯在廟中燒香灑地心甚虔敬月餘忽有一僧自號海雲謂顯曰汝爲壯士何不學武以待用顯曰吾有志久矣願聞焉海雲乃出書一帙示之條莫知所往又夜夢見關曰海雲語汝條矣乃亦不可輕敵吾誨汝青龍偃月之法臨鋒時呼我我即來助顯醒私喜之于是投百戶劉寶部下逕至賊營與戰及勝負不分大呼關號賊見一彪兵猛甚首將面紅如朱勇銳無前賊遂大敗顯

後陞都督作贅于劉寶家○孫栢潭曰余觀劉龔頤之事穎異可人則關之力多也乃一念之善虔敬燒香月餘報應之速如此書曰惠迪吉從逆凶真世之法言也 出通鑑

語云樵水陰樵城人無三代富人無三代貧蓋由樵嵐水至鷺鷥池邊往南方水不宜分八字形堪輿言當于泥橋邊開一小河不過三丈作閘于河口多水聽流于南少水障之入城其大鷺鷥池又謂瀝水池邵武府續志 雜事 卷十 十八 原深七八尺周迴有石埂水入此池澄蓄而後入城則城中富庶學校攸利

邑人吳傑以明經為廣文壽九十七預知死期有亭榭在東郊故自號東圃七十七時偶因踏雪至白社王廟前見一道人端坐雪中吳因詢曰得無冷乎曰否因款之至圃曰道人筆素何用曰不拘吳隨備酒饌享之隨有輒盡一食飯五升曰從我至終南一遊何如吳以家務未遑為辭曰俗緣尚牽何日了手吳

偶往內道人即去橫置一門於門上下四旁懸空無倚通覓之無踪矣懸空一門橫立門中乃隱示一呂字蓋呂僊云

饒繼白江右臨川人祖徙居樵業醫少年常謁九華山將登山時遇一人形貌魁梧軀幹偉長行路如飛足跡未嘗著地因問饒曰何往曰登山謁僊耳曰僊已往崑崙山去矣予亦欲到彼一會饒心異之足倦偶往一廟中暫歇其人亦隨之因登神座睡諭饒取

邵武府續志

雜事

卷十

十九

稻草爲我作枕饒出取稻草一束用手扶頭代枕頭輕如紙兩手皆長毛饒心懼爲怪物因問云道人何名曰我姓徐名庶饒亦未想爲三國人也因挑饒曰肯隨我否饒曰家有老母未敢相從乃去既去始悟爲三國時徐元直而已無及矣後饒每家中設醮時即另宣一疏問徐真人安年六十餘偶與妻不合遂拂袖去妻命長子隨之至江右太平橋併子携之以去今離家已三十餘年不知所終

西郊回向寺山門外壁明時題有二絕句云鶯啼燕
語競喧嘩白雪陽春在那家覓個閒人渾未得自斟
村酒賞桃花心事誰同已自裁青山回首白雲堆塵
中應是難畱客且趁春風歸去未後題浪顛道人詩
既清新字復適逸竟不知爲何許人

泰寧馮振秋邑庠生家在長興保明崇禎年間有一
麻子老尼姑未唱道情其詞曰小尼姑下山未手拏
盂鼓上長街不化錢不化米只化一碗清淨齋富貴

邵武府續志

雜事

卷十

二十

多煩惱貧賤有錢財風花雪月時時開日月光天少
山河清色未翻翻覆覆翻翻太平未曾見處處受
苦災水益深火益熱無處可安排忙回首快上山禮
拜祖師步天台念此經吃此菜何等自在馮聳而異
之請其反唱唱畢畱飯問其出何道院不荅袖出朱
履一雙付馮之子曰多謝齋矣明年今日日又相會
出門去隨躡其踪不知所往途人上下皆云未遇次
年屆期受履之子忽殞馮憶尼語遂挈家于琵琶岩

人跡罕到丙戌年清兵破石軻砦必經其村遭兵蹂躪生馮在岩居合家獲安壽九十餘

丁南津精于醫寫已像為倚虎鉞龍圖掛于壁間嘉靖戊子炆有道者至其舍丁留之坐即索筆硯信手題其圖曰倚虎鉞龍道德微僊翁信手撥天機閒來屈指從頭數得似先生今古稀款曰南宮人江曉題畢辭去曰我寓于二三廟期明早過我一別即行矣丁偶以他事未往道者正在起行值丁之僕至嘆曰

邵武府續志 雜事 卷十 二十一

為我致謝東君何緣之不相偶已丁亦甚悔後壽至古稀蓋道者已先示之矣今其圖尚存